

**TENTH SITTING ON MONDAY, THE 26TH MARCH, 2007
(Time 10:30 A.M. to 1:00 P.M. and 2:00 P.M. to 4:00 P.M.)**

LISTS OF BUSINESS

MEMBERS PRESENT

1. **PU LALCHAMLIANA**, Speaker at the Chair, Pu Zoramthanga, Chief Minister, Pu C. Lalrinsanga, Deputy Speaker 11 Ministers and 25 members were present.

QUESTIONS

2. **QUESTIONS** entered in separate list to be asked and oral answers given.

STATEMENT BY MINISTER

3. **PU R.TLANGHMINGTHANGA** to make a statement regarding 'Special Mention' raised by Pu Lalriniana Sailo MLA on 22.3.2007.

PRESENTATION OF REPORTS

4. **PU LALRINLIANA SAILO** to present to the House the First Report of Subject Committee – III relating to Environment & Forests Department (National Afforestation Programme)
5. **PU H.LIANSAILOVA** to present to the House the Second Report of Subject Committee – IV relating to Trade & Commerce Department (Border Trade)
6. **PU LIANSUAMA** to present to the House the Tenth Report of Subject Committee-V relating to Agriculture Department (Minor Irrigation)

**FINANCIAL BUSINESS
DISCUSSION AND VOTING ON DEMAND FOR GRANTS**

7. **PU TAWNLUIA**, Minister to submit to the vote of the House various Demands under his charge.
8. **PU AICHHINGA**, Minister to submit to the vote of the House various Demands under his charge.

S P E A K E R

“Sem dark chu pun lehzualna a ni a.
Mamawh tawka liam kawmpui chu
tlakranna a ni”. Thusingte 11:24.

Awle, zighthna kan la ang a, Starred
Question 141 na zawk turin Pu Sailothanga Sailo i lo sawm ang.

PU SAILOTHANGA SAILO

Pu Speaker, ka lawm e. Starred Question
No. 141 na zighthna te :-

- (a) Armed leh Unarmed Police ten Ration Money an la dawng em ?
- (b) Dawng nise engzat nge ?
- (c) An clothing dawn hi quality tha lo tak supply nia sawi hi Sorkarin a hriatpui em ?
- (d) Police-te an thawhthat dan azira Reward pek thin hi eng anga pek nge an nih ?

tih ka zawk e.

S P E A K E R

Chhang turin Home Department changtu
Minister zahawm tak Pu Tawnlulia i sawm
ang.

**PU TAWNLUIA
MINISTER**

Pu Speaker, kan Member zahawm tak
Pu Sailothanga Sailothanga Sailo zighthna
chhanna chu :- (a) Armed leh Unarmed
Police-te hian Ration Money an la dawng e.
(b) Thla khatah Rs. 350/- an dawng. (c) Armed leh Unarmed Police ten clothing
tha lo tak an dawn hriat a ni lo. (d) Reward hi Police-ten an duty pangngai baka
hna hautak leh harsa zawk thawktute hnenah an hnathawh that hriatpui nana pek
thin a ni. Tin, mahni hna chanpual, hun reitak chhung intlahdah lova thawktute,
mahni hnaa inpumpekte hnenah pek thin a ni bawk.

Reward hi pawisa pek a ni tlangpui a.
Tuna Mizoram Police Manual Vol-I Rule 1026 kan hrman laiin a sawi ang chuan a
hnuai a mi ang hian an power theuh anga pek theih anni.

- | | | |
|-----|---------|-------------------------------------|
| (1) | DGP - | Rs. 5,000/- thleng. |
| (2) | IGP - | Rs. 3,000/- thleng. |
| (3) | DIG - | Rs. 2,000/- thleng. |
| (4) | SP/CO - | Rs. 1,000/- thleng tih a ni e. |

PU SAILOTHANGA SAILO : Pu Speaker, zawhbelhna - (1) Chatisgarh-a IR Batallion kalte hi ral lakah vanduaina lo tawk ta nise, an luman engzatnge ? (2) Mizoram Police-te kumtina an T.A. mamawh engzatnge, an mamawh zat atang hian a tlangpuiin engzatnge pek annih thin ? (3) Chhatisgarh-a I.R. Batallion mi engzatnge kal ? (4) An awm chhunga an hlawh leh Ration hi tu tum nge ? (5) An transfer TA te hi pek kim anni tawh em ? Tin, heng Incentive Allowance atan hian engzat nge pek an nih ? Ration, special duty, detatchment, medical leh fixed TA engzat nge ? Transport TA engzat nge ? tih leh Forencis Science Laboratory atan kumin chhung atan pawisa engzatnge dah ? tih leh Police reform eng chen nge kalpui tawh a nih ? tih leh a tawp ber atan chuan Traffic Police te hi an hah hle mai a, Pu Speaker, heng ho tan hian an thawh hah man te pawh a ni ang a, an thawh that man te pawh a ni ang a. Sorkar hianin an hlawh bakah engemaw tanpuina han pek a ngaih tuah ngai tawh em ? tih kha ka han zawh belhna ni rawh se.

S P E A K E R : Police clothing leh reward atangin Chhatisgarh, DA nen kan kual thui hle mai, Pu Andrew a ni a, Pu Rina a ni a, helam ah hian ti sela. In tichhin teh ang.

PU ANDREW LALHERLIANA : Pu Speaker, ka lawm e. Kan Home Minister zahawm tak chhan atan. Hmanniah khan zawhna a awm tawh a. Mahse, a chhang ta lova, zawhna a local dawn e tih avang khan. Vawiinni thlengin a lokal ta si lova. Ka bial chungchangthuah hian min zawt min zawt mai a, a answer ka hre duh tlat mai a. Hei ka bial chhungah Khawzawlah khian Pistol bo a awm em ? tih a ni a. Tin, khawi hmuna bo nge ?

Engzatnge bo? Hemi chungchangthuah hian action taken report a awm theih phei chuan kan Minister zahawm takin min hrilh se, chu chu ka zawt a ni e.

PU LALRINLIANA SAILO : Pu Speaker, zawhbelhna Minister zah-awm tak chhan atan. Hei Ration Money hi Rs. 350/- tih a ni a. Hei hi engtik kum ami nge ni? tih ka zawt a. Tin, 350/- a tlem riau mai a, a rei tawh a nih chuan revise ve dan a awm lawm ni? Hei a hniam ho tan phei hi chuan an ingnghahna ve takmeuh a ni a. Heng CRPF emaw a military tak tak ho kan pha lo anih pawhin Assam Rifle angzat tal hian a tih theih em? tih ka'n zawt a. Tin, (c) naa clothing allowances tihah khanin Rs.1500/- vel niin ka hria a. Clothing allowance ah hianin, 24 hrs duty rau rau/theuh theuh ka hriat sualoh chuan Nurse te hian Rs. 3000/- an dawng daih tawh mai a. Hei hi a up ve theih tawh lawm ni? Tin, tunlai chhanah thil man te a lo to chhova, an inlei thei lo niin a lang a, Rs. 1500/- hi tihpun chhoh theih ani em? tih ka zawt a. Tin, ka hriat sualoh chuan ka hriatnaah chuan PTC a an boot dawn kha an barik atangin inspection neih dawnin parade groundah a bun pawh an bun phei ngam lova, khami barik atanga ground ringawt kar pawh kha a boot dawn achhiat avangin hunter booth te an bun thin a pheikhawk dang te an bun thin a, a hmunah an bun thin tih hi adik em? kan zawt a. Tin, pakhat lehah good service mark la pek zui zel a ni em? hei hi a pawimawh hlein ka hria a, incentive tha tak pawh niin ka hria a, kan zawt a ni e.

PU LALCHHANDAMA RALTE : Pu Speaker, Sorkar hianin infiamna lama titha te chawimawina a pe thin a, abik takin Police Department chhunga kan hnam chawimawi tute kan ram chawi-mawi tute Jenny Lalremliani te pawh tiang khan dinhmun thaah kan siamsak a, hei tunhnaiah kan Police chhunga service tho L.R.Bawlliana, hei hi Mizoram Wrestling champion kum hmasaah a ni tawh a, tunah a champion leh a. Tin, chumi bakah chuan Judo ah Mizoram champion a ni a. Wushu ah Mizoram champion ani a, Arm Wrestling ah Mizoram champion a ni bawk a. North East level ah champion bawkin Police Department aiawhin vawi tam tak a chhuak tawh a, a ni hi tunah constable ani mek a, Havildar a promote tumna awm em? tih ka zawt e.

S P E A K E R : Pu Lalhmingthanga ti leh ila tichuan han chhang phawt se, a tul dang a awm leh kan la englo leh dawn nia.

PU LALHMINGTHANGA : Pu Speaker, ka lawm e. Ka zawhbelh tumna hi Pu Rina Member zahawm tak khan a rawn sawilang titih a, amah-erawhchu, kan belhchhah veleh ni selangin. Hemi ration money hi a rei viau tawh mai a 350/- thla khata an dawn hi. Tin, a tlangpuiin Police a ni emaw military forces annia maw, ration money han pek hian local market price levela a rate hi tihpun chhoh ve zel hi a ni thin a, hei hi kum 10 kalta velah pawh khan House-ah hian keimah pawn vawi 2,3 ka zawt tawh a, ngaihtuah mek a ni ti a chhanna bak kha kan hmu lova, tunah 350/- a la ni ran mai a. Assam Rifle te hi chuan Rs. 750/- an dawng si a, station khat theuh a awm kha. Chuvang chuan Sorkar hian serious taka ngaihtuahin hei hi chu a rate hi a sang zawngin a request theih tawh lawm ni tih kha kan zawk nawn duh chu a ni.

S P E A K E R : Han chhang phawt rawh se aw, Minister ilo sawm ang.

**PU TAWNLUIA
MINISTER** : Pu Speaker, zawhbelhna kha a tam riau mai a, kan chhang phawt ang a, a kimlo deuh a awmpawhin kan inzawhbelh nawn leh mai ang chu.

A hmasain kan zawhna neitu Pu Sailova, Khawnpui bialtu khanin Chattisgarh a kalte luman engzatnge tih kha a zawt a, hei hi relevant lutuk lo nain Pu Speaker kan information atan ka hre thova, kan chhang anga. Engemaw vanduai palhin thihna lo tawk ta selangin khutah khuanin inkahna, raldonaah Silaimu tuarin thi ta selangin Ex-gratia kan tih hi cheng nuai sawm panga an hmu dawn a. Chumi awmzia chu nuainga kha Chhatisgarh Sorkar atangin an lo tihdan phung anih angin an pe ang a. Nuai sawm dang kha chu Police Life hi L.I.C. ah kan insured a, an nin an pe dawn a ni. Tichuan avaiin a total chuan Rs. 15,00,000/- tihna a ni dawn a ni. Tin, engemaw tiin kan sipaite kha lo hliam palh sela, chutiangah chuan anmahni chhawmdawl na tur khan provision kan nei bawk a ni. Tin, kum tina Police T.A. hi a tlangpuiin a inanglo a, nuai 280 atanga 300 inkar hian kan in-manage thei tlangpui a ni. Amaherawhchu, hei hi Budget-ah khatiang ang zat kha kan dah theih mai thin loh avang erawh chuan engemaw chen hi kan ba a awm thin a. Chutiang chu a tlangpui a ni a. Pu Speaker, tun hi chu kan dinhmun that lai tak ani ve pawhin kan hria a. Hemi motor, Vehicle Bill, Workshop Bill kan tih hi nikum October thla hun hnung lam zawng kha tunah hian pek turin sanction kan ti fel a, Finance lam atangin heng hi min clear sak a.

Tichuan nikum October atanga tun inkar hi Motor Vehicle Bill-ah chuan kan bat a ni chauh tawh dawn a, hma kan sawn a ni. Tin, T.A. hi kumin February 2007 a pending zawng zawng kha chu pek fai vek a ni dawn a. MAP 1st Bn. ah tih lohah chuan February ni khat a chin kan clear thei dawn lova. zawng 1st Bn. ah hian nuai 35 kan pe ang a. Tichuan a bak kha nuai 70 vel a la awm a. Chu erawhchu, a ranglama pek dan kan ngaihtuah dawn a. Pu Speaker, hei hi kan dinhmun tun hnaiteah chuan a ni a. T.A. Bill leh Motor, Vehicle Bill ah chuan tun hi kan up to date ve lai tak a ni awm mange aw kan ti a, kan lawm viau a ni.

Tin, Pu Speaker, engzatnge Chhatisgarh ah kal tih hi chu a figure chiah hi Pu Speaker, Battalion khat tih kha a ni mai a. 700 leh 800 inkar niin ka hria. A figure taka kha chu ka sawi sual palh takin 700 – 800 inkar a ni a. Chu chu a ni a. Tin, tunah hian kan Police Chhatisgarh a awmte tan chutiang chuan an facility hrang hrang kan han siam a ni a. Tin, an T.A. Pay leh Allowance pawh kha hetiang hian han sawi ta ila, IV Grade kha kum 5 lo service tawh ta selangin hetah Mizoram ah awm ta sela, 5500 zet kha ala ang a. Khutah Chhatisgarh a a duty chuan singkhat zet zawl kha a la dawn a. Tikhan a allowance tur kha chipchiara sawi a harsa ang a, a tlangpuin a double lo deuh a, hlawh chu a let deuh thuak pawh a awm. Anmahni service seniority khan a hril ang a. A let thawk tih dawn chuan a ni chiah lo deuh hlek a. A then hi chuan an lo senior tawh avangin a pha tho mai a. Khatiang kha atlanguia chuan khulaia an awm avanga allowance kan han siam dana chu a ni e.

Tin, ration allownce hi tunah chuan “Rs. 350/- Armed leh Unarmed kha pek a ni” kan han ti a. Hei hi 1992 – 93 atanga Rs. 210/- lo ni tawh thina kha tihian lo tih Run chhoh hret hret ani a. Rs.350/- hi rivise turin proposal a awm a, chu chu Sorkarah hian ngaihtuah mek a ni e, tih kha ka chhanna ni sela.

Tin, Tlunvel bialtu zahawm takin infiamna lama titha promotion pek turin a mimal hming pawh kha arawn sawi a. Kha kha tunah hian PHQ atangin Sorkarah promotion turin recommendation an rawn thehlut tawh a. Process lai mek, kan ngaihtuah lai mek ani tih kha kan chhanna ni selangin.

Tin, hemi Police Reform chungchang hi Pu Speaker a pawimawh khawp mai a. India ram pumpuiah Police Reform proposal hi hmalak chhoh mek a ni a, keini pawhin kan han tichho ve zel a. Tiang chuan hemi chungchang eng engemaw proposal awma pawh hi thui deuh mai kan kalpui ve tawh a ni a. A chipchiarin kan sawi hman lo ah ngai ta ila, a tam zawka hi chu kan implement chho ve mek a. Police te transfer dan tur ngaihtuah tur PHQ ah Board siam a ni a. Tin, S.P. chin chunglam pawh DGP

hovin an ngaihtuah tur siam a ni a. Khang kha order pawh kan siam vek tawh a. Vawiinah hian thui tak hma kan la a. Amaherawhchu, engemaw keimahnina kan tih hleih theih loh, remchang vak lo te a awm a. Mizoramah High Court Retired Judge an chetna tur ang deuhte a awm nual a. Chung chu kan tlin meuh lo ang tiin khu lamah pawh affidavit siamin Speed post ah kan kal tir ve mek a. Tichuan, State Security Commission din a ni a. Home Minister Chairman-na hnuiah kan Member zahawm tak te Pu Saikapthianga leh Pu H.Liansailova te member an ni a. Tin, DGP kha Member - Secretary a ni a. Tin, heliaih a dang civilian ti mai ilangin non-official member ruat belh theih an ni a. Tin, a tlem berah DGP hi kum 2 term tih proposal a awm bawk a, khang te pawh kha atha kan ti mai a. Amaherawhchu, keimahni select theih tak tak lohna chin a awm ve a.

Tin, IGP leh Officer dangah pawh chutiang chu a ni a. Tin, separation of investigation from Law and Order tih erawh hi chu Mizoram hi chu kan te deuh hlek a, khami thil chhui tur bik Unit siam kha chu ala tul emaw ni le kan ti a ni. Tun ang hian kan zo tho alawm tiin Affidavit kan zuk file a. Tin, Police..... Board kan siam a. Tin, Police complaint Authority nichina ka han sawi takah khan High Court Judge Chairman ni rawh se tih a ni a. Khatiang ang a retired tawh kha kan nei si lova. Chuvangin, District Magistrate retired tawh te ni ta se tiin Affidavit pawh Supreme Court ah hian kan zuk pe lut ve a ni. Tichuan, kan State Security Commission pawh vawi khat a thu tawh a. Tichuan, a Member a pawh kha non-official ti mai ilangin, mifel leh ruat tur awm ang te kan la dap belh ve mek bawk a ni e.

Tin, Pu Speaker, Khawzawl I.R. Battalion atanga Pistol bo tih kha kan hriat veleh kan chhui a. Khatiang ang khan tunah hian atitu awm anga kha thubuai siarn sak niin chhui lai mek, thubuai kal lai mek a ni e tih a kha kan chhanna a ni e.

S P E A K E R : Pu R.Lalzirliana pawimawh a ti viau a ni i lo sawm teh ang.

PU R. LALZIRLIANA : Pu Speaker, a lawmawm hle mai. Sipai duty a an kalin emaw an chhuti te in an kalna Rail Warant ang te hi kan Chhatisgarh a kal hote hian an nei ve em ? Nei ve lo ni awm takin an lo haw dawn hian Rs. 1500/- te an deposit thin nia hriat

ani a. Chu chu a neih ve theih dan kha aawm lawm ni tih kha ka zawhna pakhat nisela.

A pahnihnaah chuan hemi reward chungchangah hianin Police Driver te hi an thawh that vang nge ni a, ARSI an bel ve hi ? Hei hi an reward na nge ni a, a dan hmasaah pawh khan a awm em ka hre lova. A awm anih pawhin tunah hianin Mizoram Police Mannual ah hian paih sak ta ni te pawhin a lang a. Chutichuan an Arsi lo bel ve tawh hi pawhthlak sak tumna aawm em ni ? tih kha ka han zawt duh a. Tin, VRS (Voluntary Retirement Scheme) hi Police Driver te hian an enjoy ve thei em ? duh ngawih ngawih enjoy remlo hi an awm a hriat a ni a, hei hi engeni kan sorkar hian a kalpui dan tih ka han zawt duh a. Tin, Police driver te hi Mechanic te ang hian an promotion tur hi ngaihtuahsak tumna a awm em ?

PU ANDREW LALHERLIANA :

Pu Speaker, ka han tihna chhan chu Minister khan chhui mek a ni tih a sawi a. Kha kha chu subjudice a ni mek a, a khin theih loh a tihna ah ka ngai a. A nih leh engemaw kha chu thil harsa ani dawn em ni ? A chhan chu thil hriatdan a in ang lova. Khawngaihin khalai kha chu ani leh hmun vel kha ? Man te pawh kha an awm tawh em ? Chiangkuang deuhin thu lovin subjudice kha chu ni mahse a engemaw chin kha chu khawngaih takin.

PU H. ROHLUNA

: Pu Speaker, clothing hi quality tha lo supply anih hriat ani lo tih kha Minister chhanna a ni a. Mawza supply te Tawnzau supply te hi a bikin Mawza hi vawikhat an bun hian a rul chhe vek a. Bun leh tlak a ni lo. Bazarah hian kan lei chawp mai tih te a tam em em a. A bikin Constable zingah. Hei hi Sorkarin eng ang rate innge a supply tir tih leh tun aia tha zawk hian a supply theih em ? tih ka zawhbelh duh a.

Tin, hemi Ration Money leh Riffle Allowance hi 2nd I.R. Battalion Passing out Parade ah khan Minister khan tihpun tur a ni tih a sawi a. Hei hi vawiin thlengin hei House-ah pawh kan sawi zing tawh a. Proposal a awm ngaihtuah mek ani tih reng hi kan sorkar hian tum tak takna a nei lo em ni tih ka zawhbelh bawk e.

S P E A K E R : Kan duh tawk tawh mai lo maw? Minute 25 a ni tawh a. A tawpna atan Pu Lalduhoma aw.

PU LALDUHOMA : PU Speaker, ka lawm e. Ka han hriat duh chu Addl. DGP Pu Rama hi leave lain Arunachal a Transfer mek ni awm tak a ni a. Tunah Delhi-ah Mizoram House-ah a awm mek a, Motor leh Facilities dangte nen. Mizo hrim hrim pawh min hmusit a ni tih te kan dawng a. Hei hi kal tir vat dan a awm lo maw ?

S P E A K E R : Chhang turin Minister i lo sawm ang.

**PU TAWNLUIA
MINISTER** : Pu Speaker, Pu Duha zawnha hnuhnung ber kha a nihna takah chuan Arunachal ah DGP turin transfer a ni a. Mahse a la zawn si lova Home Ministry in lo kawl phawt mai teh u, min ti bawk si a. Chuvang chuan kan kawl mai a ni a. Tin, a Pu Duohoma kan member zahawm takin an sawi kha keini pawhin kan mind khawp mai a, engpawhnisela kan lo enzui ang, file ah pawh rawn move a ni a. a kal mek a. tih kha kan chhanna ni mai teh se.

Tin, Pu Andrewa zawnha Khawzawl I.R. battalion atanga pistol bo kha, 9 mm pistol pakhat a ni a, a bo kan hriatchhuah hi chu nikum 2006 November ni 18 ah khan a ni a, a rubo tu hi constable Biakngheta a ni a. a dang kha chu thubuai kallai a ni e, tih kha kan chhanna ni se.

Tin, Rail warrant Chattisgarh ah sipaiten an nei thei lawm ni tih kha, an nei theih dan tur ka zuk kal tum pawh khan an DGP leh Home Minister te nen pawh kan sawi ho a ni a. Engemawzat khu chuan an nei a, chhuti hi thlaruk hnuah chuan a inbanletin an in kalchhawk zel tawh dawn a. Chutiang chuan a huhovin an move ang a, an in banlet zel ang kan ti a ni. Chutiang chuan rail-warrant pawh issue ngei ngei tura ngaih a ni a. Kha kha chu Home Minister Chattisgarh leh an DGP pawhin min tiam a, engemaw zat hi chu an rawn hmang tho a ni. Amaherawhchu, hmun khata awm vek anih loh avangin rail a an lo haw dawnah khan ticket han ngaantuah nan khan Rs. 1500/- an pe a. Chu

chu min cut ti a an sawi chu a ni ang Rail station-ah a huhova book a ngaih thin avangin kha kha an lo pe lawk thin a ni. Chu chu 1500 chungchangah chuan a ni a. Tin, a hrang te te a awm anih avangin a issue theitu an awm mai lova, tunah chuan a system fel tak khan kan la ti hman lo a ni, 10% of total strength a kha chhuti in an inbanlek zel tawh ang kan ti a, rail-warrant hi pek ngei ngei dan tur, ngaihtuah mek a ni. A la initial deuh hlek avangin kan duh angin a la zimar lo deuhhlek a, hei hi keini pawhin kan zuk remind leh tawh a, hei hi chu kan chingfel mai thei turah pawh kan inbeisei e.

Tin, Police driver te chungchangah khan Arsi pahnih bel tih pawh kha, hei hi chu hman atanga an lo bel tawh kha ani a. Tin, hemi zawmah hian Pu Speaker, mechanical ho ang hian an promotion pawh hi tih dan a awm ve mai lo em ni tih tea awm a. Police driver chungchangah chuan an ni pawhin representation an submit a, Sorkarin tunah hian kan ngaihtuah mek a ni. Tin, chutih rual chuan Police hi tuna kan existing strength authorised strength ah hian battalion pawh hi a in ang lo zut mai a. Chuvangin S.I. awm zat tur tih te, Medical staff thleng hian a inang lova, chu chu uniformity a awmin existing strength a tang hian rawtna a lo kal a. A tha kan ti khawp mai a. Home Department-ah kan zir chiang mek a. Chung zawng zawngte leh Police Driver tihte pawh hi a inkaihhnawih vek mai a, an promotion chungchang leh an bel chungchangah te pawh representation pawh chuan a awm a, kan ngaihtuah mek a. Engpawh niselangin tunah hi chuan an la bel hrih a. Kha kha kan manual-te enin zavaia that dan tur kha chu kan ngaihtuah lai mek tak tak a ni tih a kha kan sawi duh a.

Tin, Voluntary Retirement Scheme hi an enjoy ve thei lo em ni ? tih kha, zep vak emaw, voluntary Retirement Scheme a an kal chuan kha post kha atawp nghal a ngai si a. Police ah hian Driver kha tuna kan existing-ah hian, mi engemaw zat lo chhuak ta sela, kha driver post kha, a bo zel dawn avangin, harsatna kan nei ang tih kan hlauh deuh a, a tirah hi chuan ngaihtuah chhung atan kan phal rihi lova. Hei pawh hi ngaihtuah tham ani a. Polcie Reform on Re-organise chungchangte nen pawh khan a inkungkaih vek a. Chu chu kan Sorkar pawhin min hriathiam pui a. Police hi chu Security concern thil anih avangin khatiang zawnga ngaihtuah kha a ngai a. Uluk taka zir leh enhian pawh a ngai a ni. (**PU LALRINLIANA SAILO** : Pu Speaker, khalaite kha pawimawh ka ti deuhhlek a, Driver-te. Tuna manual tharah hian 440 na niin ka hria a. Tahkhan Driver te promotion ve na tur kha thai bo deuh niin ka hria a. Hetiang anih hi chuan, mihring ve tho an ni a. Tin, operation-ah te hian a hlauhawm, mi target anni si a. An dinhmun hi tlema tha deuha tih dan a awm lawm ni?) Chu chu tuna kan ngaihtuah lai mek a chu a ni e kan tih akha ani. Representation a awm a. Chief Minister pawh a thleng tawh a. Tiang khan zau zawkin kan thlir mek a, kha kha Driver chungchang kan chhanna ni se.

63

Tin, Ammunition Boot, mawza te, tawnzau te hak theih mang loh tih kha, pakhatah chuanin, hei preferential purchase Rules hmang hian local product mawza te, Jersey te lei chang kan nei ve a. Amaherawhchu, a quality ah chuan dik tak chuan tlemin a lo inferior-na chen a awm a. Chulai chu, heta an rawn sawi a pawh hi anih ve na chen a awm mai thei bawk. Hemi avang hian, kan purchase Advisory Board pawhin tunah a quality-ah hian ngaihtuah dan thar an nei a. Engpawh niselangin tunah hian chuan kan quality pawh hi kan improve ve deuhin kan hria a. Helai mawza chungchangte pawh hi tunah lo awm palh anih chuan, khawi improvement kan neih zelah khan a la thleng pha lo anih pawhin tunah a quality ah strick leh zuala tih hram hram pawh kan tum e tih kha kan chhanna ni selangin. Tin, quotation kan call a, quotation call khan mi 40/50 chhangtu an lo ni a, item a za tel a lo ni a. Khatiang ang scrutinised a, comparision statement kha a har em em mai a. Chuvang chuan kan quotation call te pawh hi hun a duh rei a. Supply tuin an sample lo ang pek changte pawh a awm a ni maithei. Khatiang thil fello a awm thei te enfel a, improvement neih kan tum a. Kan tang viau e.

S P E A K E R : Starred Question No. 142-na zawt turin
Pu Lalhmingthanga i lo sawm ang.

PU LALHMINGTHANGA : Pu Speaker, ka Starred Question 142 na Minister zahawm tak Food, Civil Supplies & Consumer Affairs chhan atan – Mautam lo thleng tur atan Buhfai chhek na tur Godown engzatnge Department hian buatsaih a tum ?

**PU K. SANGTHUAMA
MINISTER** : Pu Speaker, Pu Lalhmingthanga, MLA zahawm tak zawhna chhanna Mautam lo thleng tur atan Buhfai chhekna tur hetiang hian ruahman a ni. (1) Godown sakthat zat - 77 (2) Godown repair zat - 28 (3) Godown kawng siamthat – 32.

Tin, Mautam lo thleng tur atana inbuatsaih lawk nan Department-in tiang hian rawtna Planning Department-ah a thehlut mek bawk. (1) Godown sak that - 10 (2) Godown repair tur - 5 (3) Godown kawng siam that tur atan - 7.

PU LALHMINGTHANGA : Pu Speaker, zawhbelhna. Hmannia Demand wind up-naah te kan ngaithla nual a. Minister in tuna min han chhanna kha a zavaia Godown kan neih hi za chang chang vel a ni a. A tawk dawn em ni aw ? A chhan chu Mautam kum takah hi chuan kut hnathawktute a bikin thingtlang pilril amite dinhmun a harsa thin a. Khawpui ami hi chu kan ziaawm mai a. A kum leh atana ei tur thlawhchhuah tumin an awm a. Tam an tuar a laklawh a ngai a. Kudam hla deuh hlek atanga an khua Kudam awm lova va lak leh chuan Normal year ai khan an tan a harsa daih a ni. Chuvangin, temporary Godown ang tal hian a tih theih em ? chumi anih loh pawhin an Head load man hi Sorkar hian siamsak theihte a nei ang em ?

PU LALDUHOMA : Pu Speaker, Mizoramah hian Motor lut ve si khua kawng chhe tak mai, Buhfai thiar harsa em em khua a awm a. Keini bialahte pawh a awm a, Tinghmun khua te Department ah pawh ka report tawh a. Retailer tur kan inhmu zo lo a ni. Phurh man rate pangngai a buhfai phur tur chuan, a rate pangngai a hrall bawk tur chuan a rate retailer-in an hlauh teuh si a. Chuvangin khawtlang lungrual khan sorkar rate aia tovin an lei ringawt mai a ni. Chutiang hmunah chuan sorkar hian carrying charge hi tihsan theih dan a awm lawm ni? A tova lo lei ngawt bik chu a dik pawh a dik lo a ni. A bikin Tinghmun khua kan Minister hian min ngaihtuah sak se ka duh a ni.

Pahnihnaah chuan Buhfai phurh man hi a tang rei thei hle tih kan hria a, heng bill tang hi mipakhatin a lei sak thin a, ka nawr chhuak ang a 50:50 in kan insem dawn nia a ti thin an ti a. Hei hi a dik em ? A dik anih chuan tihreh dan a awm dawn lawm ni ?

PU LALRINLIANA SAILO : Pu Speaker, zawh belhna, Mautam tam tur tana Buhfai chhek khawlah hianin a carrying contractor turte thlanna chung-changah hian thil fello awmin a lang a. Tender 28.8.2006 a an siamah khanin, Tanhril to Rengdilah Pi Rampari'n Rs. 185/- a chhan laiin L.T.Kima te Pu Lalthanpuia te chuan Rs. 169/- in an chhang a quintal khatah cheng sawmruk laia a inthlauh chung pawhin an ni hi thlan an ni lova, hei hi a hniam zawk avanga a sang zawk pek duh vang nge Cancel a ni nge, tih ka zawt duh a. Tin, tender terms & condition ah khan tun hma chuan Motor

pakhat an nei tur ani tih a ni mai a. Tunah hian Main road-ah kum 5 tal experience an nei tur a ni, tih te a ni ta a. Heng hi a ni thei dawn em ni ?.

Tin, bill ba chungchangah Lawngtlaikawn nikum bill kha pek zat zat a neia a duh sak zawngte chu Pi Zothanmawii, Pi Hmingdailovi tih te Pu Zothanpuia etc. tih te. Mahse, MNF lam leh Minister duhzawng ni lem lo te chu la bat sak ala ni a, rualkhai deuh hian a tih theih lawm ni? Tun hnuah chuan tiang hi awm tawh lo se tih min tiam thei em le ?

Tin, nikum lam khan Pu Speaker, hei ni 31.8.2006 ah Rice emaw, Sugar a ni emaw a niin a concern MLA te chauh ni lovin MLA te zawng zawng allotment order copy hi pek ziah tur ani tiin Director-in a chhuah a, hei hi copy kan hmu ngai lem lova, a chhan chu Supply Department ah hian thil fel lo tam tak a awm a, apawi ang reng hle thin a. Tiang te hi hmu ilang chuan Sorkar sum tam tak hi kan save theiin ka ring a.

Tin, kan zawh leh duh chu, nikum khan proceedings-ah pawh khan a en theih ka ring a. Kan Minister zahawm takin tumah chieve ka ziak ngai lo a ti a, Carrying Contractor tur tein hei P.C.Lalrampari tih te a awm dul mai a, kan Minister zahawm takin thudik lo min hrilh niin ka hria a, a dik lo a ni. Hei hi a ti ngei a ni. Chuvang chuan khawngaih takin House hi thudik tak min hrilh thin tawh rawh se, tih hi kan ngen bawk a ni.

PU H. LALSANGZUALA : Pu Speaker, hei fur atanga kal theihna Zokhuaah te hian chuanin Mautam tam pawh lokal chho sela, fur lai te a ni emaw, engkim mai F.C. Godown atangin a pek zel theih a. Amaherawhchu, bial thlaler ka bial angah te Tuivai, Tuipui kam thal lei charah a ni a, furah a len chhe vek dawn a, khing Phuaibuang leh Khawlian ah Godown-ah khian Buhfai a tam lova. Khingah te khianin khua a fur hma hianin Buhfai tam tawk min pe thei lawm ni? Chuti lo chuan khua te han fur chho sela khinglaiah chuan hma han lak rual a ni lova. Chuvangin khua fur hma ngei hianin Phuaibuang, Khawlianah khianin Godown-ah a tam thei ang berin min dah sak turin ka ngen duh a. Amaherawhchu, Phullen, Suangpuilawn tihah te chuan a fur a thalin Motor a kal thei a a zia zia aawm a. Khi khi kan dinhmun kan zawt duh pakhat a.

Tin, pakhat lehah chuanin BPL te anapura kan tih BPL te ina Buhfai an dawn thin Zokhua ami kha atawp ta em ni? tih leh Chini hi Zokhuaah a kal ngai ta lo em ni? tih kha kan zawt duh a ni.

S P E A K E R : Awle, chhang phawt sela, a tul kan tih viau chuan kan la tih belh ang a. Chhang turin Minister ilo sawm phawt ang.

**PU K. SANGTHUAMA
MINISTER** : Pu Speaker, Pu Lalhmingthanga zawh belhna - Kudam hi a tawk dawn em ni? Tih kha. Kudam 188 Mizoram pumpuiah Kan nei a. Tuna kan chhan ang khan kan siam tha deuh vek tawh a, a tha lo chu. Tin, siamthat ngai lo te a awm bawk, chu chu siamthat loh a ni a. Tin, kawng te a siamthat ngai te siamthain kan lai bawk a. Tunah hian kan Kudam neih ang ang atang hi chuan a tha thawkhat mai awm mang e aw kan ti a. Amaherawhchu, a tawk dawn lova, kan ti a nih chuan atihdan kawngte chu dapchhoh zel dan ngaihtuah ila athain ka ring a.

Thingtlang khua engemaw pilril deuh Kudam han dahna tur atana tih hleihtheih si loh headload ang deuh phurh ngai te pawh a la awm deuh a, tunah hian chhim lamah te tin, khawchhak, khawthlang lam te thleng pawhin Godown han dah hi thil harsa tak a ni. Godown hi a tam viau dawn chuan a hnathawktu dah belh a ngai a. Store-keeper te, Chowkidar te leh a buktu tur a lo ngai a, hmunkhatah khan a thawktu 4/5 vel zel dah belh a lo ngai zel avangin Godown han siam belh vak hi chu rin aiin harsatna kan nei thin a. Engpawh nise Mautam atana a harsat loh theihna ang ber chu Sorkarin a ngaihtuah turah ngai ta ila tih kha kan chhanna ni hrih phawt s ela a thain ka ring a.

Tin, Pu Lalduhoma rawn zawh belhna, Buhfai thiarah harsatna tam tak a awm a, kan hria a. A thente c hu kawng chhe tak tak Motor kal hleih theih lohna, kal ve theih si, kal that theihna mang loh te a tam a ni. Heng Tinghmun te pawh hi a dik ang. Chuvangin, carrying charge hrim hrim hi tunah pawh hian hmun tam takah hian quintal ah Rs. 300/- te, Rs. 400/- vel dawn dawn a phurhna hi kan la nei nghe nghe a, chhim lamah te mihring an tlem viau naa chhim lama bill a tam em emna chu heng carrying charge a to avang hian chhim lamah sawn phurh man a tam em em a, pawisa ba te pawh a tam thin a ni. A mihring tam lam ngaihtuah phei chuan leh a Buhfai phurh tam lam ngaihtuah phei chuan a tam lo em em chungin tuna kan MLA zahawm tak Pu Lalduhoma rawn zawlha atang khan hei hi hrechiang bawk ila a thain ka ring a. Chuvangin helai te pawh hi kan lo la ngaihtuah chho zel ang a, engtinngi hemi Tinghmun khua bik tak pawh hi tihdan kawng a awm chuan ngaihtuahna kan lo hmang ang e.

Tin, Buhfai phurhna man leisak tih chungchang hi engnge ni kan hriatpui lem lova. Hei athuphung hrim hrimin, Unstarred Question ah khan chiang deuh maiin mimal buhfai phurh zat te, an bill kan pek te leh an lak zat leh balance achiang khawp mai. In lo hmu em tih ka hre lova, hei a awm vek a, in kawl vekin ka ring a, chuvangin mimal duhsak bik a awm leh awm loh chu a chiang khawp mai a. Vawiinah he House-ah chhiar vek sen a ni lova. Chuvangin bill ngah deuh hi an la tam a, bill ngah lo hian an la tam ve lo a ni mai a. Chuvangin inhnial inhnialna ngai lo turin Unstarred Question ah chiang takin an rawn zawt a. Tahkhan tuna in hming han sawi thin te leh sawi lem lohle pawh kha an lak dan chiang takin a inziak mai a. Khawngaihin lo enchiang leh hlawm ula a thain ka ring a. Chuvang chuan hetianga lehkhabu chhahpui en tur hi a awm a. Chuta tang chuan kan bill pek dan, an la bat dan, an bill neih zat Mizoram pumpuiah pakhatmah hmaih lovin contractor zawng zawng te hi a chuang vek a ni. Chuvangin, kha kha a chhan chianna ni mai sela, a mimal mal anga kan sawi chuan hunin min dahi lo ang a. Chuvang chuan hei hi a chhanna ni mai se a thain ka ring. Mimal ang taka duhsak bik emaw kha han tihsen pawh a ni lo. A dik chiah chuan Buhfai phurh hi thenkhatin a vaibelchhe tel tel vaibelchhe 2, 3 vaibelchhe 4, 5 te man an phur a, kum khatah, a thenin nuai sawmhnihih, khat nuai 20, 30 nuai 4 nuai 5, nuai 100 chutiang ang chu a ni a. Nuai 500 man phur chuanin a lak tam loh nakah, nuai 300 phur chuan a lak tam loh nakah nuai 100 phur ai chuan entirnan. Chuvang chuanin, hei keipawh contractor-ah kum 35 vel experience ka nei ve tawh a, tunhma pawhin a dik chiah chuan bill hi kan thian ten nuai 100 te an lo la a, nuai 50 te an lo la a, keinin nuai 10 te lek lek nuai 3 lek lek te pawh kan la a. Kan lak tam chang chuan nuai 20, 30, 40. 50 te kan lo la thin a, kan thian ten nuai 4, nuai 5 te khang kha bill kalhmang a ni a. Chuvangin, vawiinniah hian bill miin an neih dan a zirin bill te an la la thin a. Chuvangin, engpawhnise ziakin kan chhang a, chiang takin Unstarred Question tah hian a awm a, ta tang hian kan la lungawi lo tawk a nih chuan ka Office-ah pawh kan MLA te nen pawh la thlir ho ila a thain ka ring a. Chuvangin, chiang takin heta tang hian en thin ila House-a a mimal ang deuha intihmualpho tumna emaw ang chi kha ni lovin, heta kan la lungawi tawk lo anih chuan ala sawiho theih vek a ni. Chu chu heliaih khan kan chhanna ni ta selangan.

Tin, pakhat lehah chuan Pu Lalrinliana Sailo zawhna "Mautam tam tura Carrying thlannaah duhsak an awm em ? Main road ah experience anei tur ani tih heta duhsak bik thlan kan nei lova, hei carrying ah hrim hrim hian tender kan koh chuan ka tihsan chu achhang zawng zawng kha ka pe tawp mai a ni. Tunah pawh hian han zawt ila, Department lam hi a chhang zawng zawng hi pek tawp mai tur kan ti a, an valid anih chuan kan pe tawp mai a ni. Chu chu kan kalphung a ni a, kan remrual a, tin, Main-road kan ti a, District road main road ah hian experience nei te kan ti a. Motor neite kan ti a, tunhma pawn motor an nei tur ani tih te a ni a. Carrying ni ve lem si a, Motor nei lova Buhfai

phurh chu a tha hrampa lova. Tin, a hrim hrimin contract experience-ah hian keini carrying chauh ni lo PWD ah te reng reng Central PWD ah te NBCC ah te contract thil reng reng ah hian experience hi a ngai vek a, PWD phei chuan an duhtui khawp mai. A na zawng kha a tih theih loh, experience nen kum 5 chhung a an hnathawh te nen lam kha.

PU LALRINLIANA SAILO :

Pu Speaker, khawngaih takin tuna a sawi lai tak kha a chhang a piang kan pe mai a ni tih kha, tender kohve lema an chhan dan pawh inzat lo lutuk ringawt mai si a kha engtizia nge ni le ? Tin, a then hei invalid tih te pawh a awm a, invalid na na na te chu enge an pek luih ang a? Tin, Justice a va awm awm lo ve ? Khami anih chuan a dik thei nang. Tender koh a ngai lo tawp a nih chu, engahng an koh mualpho a ? Mi ngo deuh hian.

**PU K. SANGTHUAMA
MINISTER :**

Pu Speaker, a invalid-a chu kan pe lova, chu chu understood ni tur a ni a, helaia House-a ... (K.Lalrinliana mi ngo deuh Hian Food & Civil Supplies-ah hian thu a nei lutuk a, an tibuai vek alawm mawle) chuan hriat ve awm tak invalid chu engtikawng mahin a pek theih loh a ni tih kha chu hriat awm tak a ni a. Chuvangin invalid kha chu kan pe lova, valid kha chu kan pe a. Chutiang zel chu ni mai turah kan ngai a. Chutiangin a mimalin duhsak kan nei chuang lo. Experience erawh hi chu a ngai a, experience kan siam a ni. Khatiang chi chu kan ziak alawm, a dang pawh kan ziak, Lunglei lamah pawh kan ziak tho, heti laiah pawh kan ziak tho. Engtikah nge he House-ah ka ziak ngai miah lo ka tih ? Bial pawh ka ziah sak a, ka ziak zel dawn ka tih kha. (Ka ziak ngai lo I ti ani .. K.Lalrinliana). Hmanah pawh khan bill ah pawh khan kan ziak dawn a, kan la ziak zel ang ka ti a nih kha he House-ah chiah hian, en chiah rawh u. Chu chu proceeding-ah pawh in hmu chiang ang, min ziah tir a ka la ziak zel ang. Miin an rawn tih chu ka ziak zel ang ka ti, tunah pawh ka la ziak zel ang.

PU SAILOTHANGA SAILO :

Pu Speaker, Godown sak tur emaw, repair turah emaw khan Lungdai leh Kawnpui kha a tel ve em aw? A tello a nih chuan Lungdai khu transit Godown a ni a,

sawmi Bokpui phei zawng zawng ina kan Buhfai lakchhuahna hmun a ni a, sakthat kan mamawh hle a ni. Tin, a pahnih lehnaah chuan Kawnpui khu kan transit Godown a ni a, khumi thlang lampang zawng zawngina kan Buhfai lakchhuahna hmun a nih avang khuan, khawngaihin sak that turah khan he Kawnpui leh Lungdai hi min telh sak ve theih lawm maw ni le ? ka rawn ti a ni..

**PU K. SANGTHUAMA
MINISTER**

: Pu Speaker, a theih dan kawng kan lo dap phawt ang a, a theih phawt chuan tih kan lo tum dawn nia. Experience tel lo hi chuan atih theih lova, PWD ah phei chuan keini ang rual chuan tender kan chhang thei lova, ruai a nih tawh hi, chuvangin, experience hi a ngai a hei hi chu kan hriathiam hram hram a ngai. Tin, hei Pu Lalsanguala zawkha kha buhfai hi theih tawp kan han chhuah zel ang a, Central atanga Buhfai lo kal hrim hrim a hi vawikhata lo kal teuh teuh a ni lova, chuvangin duh ang hun hunah duh anga tam a pawng chhoh theih mai lova. Engpawh nise, kum dangah pawh kan harsa lova, kumin pawh harsa lo thei tura thingtlang lama Buhfai chhek hi chu kan la tum hram hram zel a, tih theih pawh kan la inbeisei a ni, tih kha kan chhanna ni mai se a thain ka ring a.

Tin, BPL leh Anapurna te pawh a awm a, tin, Chini hi erawh chu Bombay atanga lo kal a ni a. FCI hian duh anga a phurh that hleih theih loh avang hian a man thla hnih thum kan pek sa te pawh hi duhthusamin a rawn thlen hlei thei lova. Chuvangin duhthusama kan sem lo a nih pawhin thingtlangah pawh hian sem chu kan sem tha thawkhat viauin kan hria a, BPL te, Anapurna te hengte hi a la awm vek e, tih kha ka chhanna nisela, a tha awm e.

S P E A K E R

: Minute 4 chauh a awm tawh a. Pakhat hi la leh hram ang u. A fai khat lo maw ? Aw, ti leh hram ang u a. Pathum tal hi lak i tum teh ang a. Pahniha tawp leh ringawt chu. Aw i ti mai ang. Remchang dangah kan la ti dawn nia. Starred Question No. 143 na zawk turin Member zahawm tak Pu K.Lalrinliana i lo sawm ang.

PU K. LALRINLIANA : Pu Speaker, ka Starred Question No. 143 na Sericulture Department Minister zahawm tak chhan atan (a) Pangang khawia inchawm thei eizawng Mizoramah mi engzatnge awm ? (b) Pangang khawitute hi Sorkarin an tharchhuahte kan lei sak thei zel em ? tih kha ka zawhna a ni e.

S P E A K E R : Chhang turin Sericulture Department changtu Minister zahawm tak Pu K. Sangthuama i lo sawm ang.

**PU K. SANGTHUAMA
MINISTER** : Pu Speaker, zawhna 143 na (a) na Pangang khawia inchawm thei eizawng Mizoramah mi engzat nge awm tih kha Hetiang zawngin chhang ila. Tawite lovin han chhang ila a thain ka ring a. Tunah hian Pangang khawi taima theihmu huan siam hi chhungkaw sing vel an awm tawh a. Mahse, heng chhungkua zawng zawng hian tunah hian an khawi vek lem rih lo a ni. Tin, Pangang vulh thei dinhmuna ding hi tunah chuan chhungkua 4500 an awm tawh a. Mahse, chhungkua 4500 hian tunah hian an khawi vek thei rih lova. Rearing House kan tih a khawina tur In sak te, kan la sak zawh sak vek theih loh avangin, hei hian an la khawi vek thei lo a ni. Tin, Pangang vulha eizawng tak tak mahni chhungkua inchawm thei tak tak hi chu chhungkua 500 chuang vel awrh chauh an la awm a. Heng hi Rs. 20,000/30,000/40,000/50,000 leh 1,00,000 tel thlenga lalutte an ni e. Chu chu ka chhanna a ni e.

(b) Pangang khawitute hi an thar chhuahte Sorkarin kan lei sak thei zel em tih hi, tun thleng chuan Pangang khawitute Cocoon thar chhuah hi Sorkarin a lei sak thei zel rih tih hi kan chhanna a ni e.

S P E A K E R : A zawhna neitu i dah lal ang. Pu K. Lalrinliana.

PU K. LALRINLIANA

North East tih lovah hian a awm lo tithe hi sawi a awm a, a dik em tih kha ka zawt belh duh a ni.

Pu Speaker, ka lawm e. Muga/Nauthak Pangang atanga thar chhuah Silk hi a tha Bik tih a awm thin a. Hei hi a dik reng Em ? Hei hi khawvel hmun dangah,

S P E A K E R

Pu Liansuama.

PU LIANSUAMA

zel a la ni em ? Tin, pahnihnaah chuan tunlai hian Thingtheihmu hmanga pangang khawi hi kan ramah hian a lar ber a ni a. Cocoon Kg. 1 ah engzatinne Sorkarin a leih theih ? Tin, chhungkua 10,000 vel zetin Thingtheihmu phun a pangang khawi turin an inruahman a. heng ho hi lo hlawhtling ta vek sela, an tharchhuah hralthna a buaithlak thei angem ? Hmanni lawk khan sap chanchinbu ka chhiarah chuan India ramin a Raw silk amamawh hi metric ton tam tak a ni a. Discussion a kan sawi tawh thin ang khan a tam lam Mizoram kuthnathawktute chuan tun ai hian lo uar zel se a hralthna lam hi a hnawng ve thei a hlauhthawn awm em ? tih ka'n zawt duh a ni.

Pu Speaker, tunhnuah khan kan ramah hian mutih pangang khawi a ni ve thin a. Lengpuiah te pawh farm a awm a, Lungleiah te pawh. Hei hi chhunzawm

S P E A K E R

: Awle, question hour a tawp chiah a, mahse han chhang se kan duh theuh ka ring a. Kan han chhan tir dawn em ni ang ? Minister i lo sawm leh ang.

**PU K. SANGTHUAMA
MINISTER**

tam takah hian a awm vek lem lova. Chuvangin a tharchhuah hi a tha bik em em a. Amaherawhchu, a puitling har deuhhlek a, hetianga theihmu kan tih te ang hian

Pu Speaker, Pu Rintea rawn zawhna kha Muga hi a tha bik a. Khawvel pumpuiah pawh hian hei hi chu a tha bik an ti a. Tin, Mizoramah hian a awm thei a hmun

a puitling hma lo deuh hlek a. Chuvang chuan chu chu a harsatna chu a ni, chuti ni lovah chuan a tha bik a to pawh a to bik a ni.

Tin, Pu Suama zawhna Lengpui leh Lungleiah Farm hi la chhunzawm a ni em a ti a. Farm hi chhunzawm ani a Lengpuiah khuan. Amaherawhchu, Pangang khawi hrim hrim ah hian Farm a anmahniina a farm anga a sorkar anga kan tih angah chuan a thar chhuah emaw ang hi a tam tak tak thei lova. A private farm ang zel hi duhthusam zawk a ni a. Keini farm atang chuan akawhhmuhn a pangngang chi han siamna te a khawla han hlumna te Zemabawkah sawn, la zai siamna khawl kan nei a. Tin, a pangang chi siamna te kan nei bawk a. Chuti ang chuan department lamah chuan a farm hrim hrim atanga tharchhuah tam tum lam hi chu thil hlawhtling har tak a ni a. Mahse, chumi a nih rual rual chuan tunah hian farm chu kan la kalpui chho zel a ni tih kha kan chhanna ni sela. Tin, a hralthna chungchangah hi chuan harsatna tehchiam kan la nei lo a. Kan thar ang ang hi chu kan la lei zo thei vek a. Tunah hian a tlangpuiin athat leh that loh dan a zirin a ni a. Tin, a khawitu hrim hrim pawh hianin an tharchhuahah hian experience te a lo ngai a, a tira an han tih hi chuan a tha tawk lo deuh te pawh a awm a, a that dan a inchan lova. Chuvangin a man hi a in ang chiah lo, a tlangpuiin hemi tun ami ang hi chu quintal-ah Rs. 10000/- vel a ni a. A aia hniam deuh ache deuihte chu a awm a, chutiang chu kan neihdan tlangpui a ni a. Chuvangin a leina leh a hralthna chungchangah hian harsatna a awm lova. Tam takin karhnih karthum thlakhat te kan han bat te hi an sawisel thin a, hei hi kan hriat atana ka duh chu Sorkar kalphungah Finance ah pawisa te an bill atanga thehluh a ngai a. Finance-in min sanction sak zel a ngai a, chu chu ni 4/5 mai ah a lo tihtheih bik lova. Ni 10, ni 20 te han nghah chang te a awm a. Engemaw chang phei chuan, thla khat aia rei te pawh a lo ngai ve a. Khang em em fahrama kha chu, lo ngaithiam ula. Finance hi a kalphung hetiang hi a ni a kan ti thin a. Chuvangin, a hran a hraia rei tak bat emaw, pek theih loh emaw tunah chuan kan la nei rih love tih a kha vawiina ka'n chhanna chu ni selangin a tha awm e.

S P E A K E R

: Le, question hour a zova, List of Business ah kan kal dawn ang a. Mahse, chumi hmain hei, Member zahawm tak Pu Andrew Lalherliana, Khawzawl bialtu-in

Guwahati Arya Hospital-a damlo refer a kalte harsatna chungchangah Special mention hun hman a rawn dil a. Chu chu remtih sak a ni a. Chu chu han hmang sela. Hemi chungchangah hian a concerned Minister deuh, Health pawh a ni chiah si lova. Kan House Leader hi a ni mah mah mai awm mang e. ICICI Lombard ami a refer-a kalte kha anni a. Kan lo in hrilh lawk lem lova. Pu Andrew Lalherliana i lo sawm ang.

PU ANDREW LALHERLIANA :

Pu Speaker, ka lawm e. Hei, ka thu dawn hi telephone atangin a ni a. Hospital hmingte hi ka ti diklo palh ang tih ka hlau khawp mai a. Amaherawhchu, ICICI Lombard-in a hemi M.R. a take up hnu a, Guwahati a an recognized Hospital khu a ni. Hetiang hianin Pu Speaker, kan sawi mai ang a. Nimin ni 25 March, 2007 khan Guwahati Arya Hospital a damlo enkawltu attendant-te hnen atangin telephone ka dawng a. Tuna Arya Hospital-a harsatna an tawh thu min rawn hrilh a. He damlo hi Sorkar Department pakhata thawk ICICI Lombard sponsor-in medical refer a, khu Hospital-a inenkawl mek a ni a. An harsatna chu hetiang hi a ni. Damlo leh attendant-te tan chaw an pek thin khulaiah khuan ni khatah Rs. 360/- a ni a. Chumi chu attendant a ken leh a damlote tan khan an pe thin a ni. Tahchuanin, tun hnaiah khanin 360 khan phal ta lo khan. Rs. 160/- man chiah an phal ta a. A dang zawng chu mahni intum tur ang khan, mahni pocket atanga pekchhuah tur khan an ti ta a. Mi 4th Grade te, Sorkar hnathawkte te, rethei ve tak tak annih avang khuan an harsa ta em em a. Tahchuan ICICI Lombard Office Aizawl ami an rawn telephoned a, chuta an hotunu Dr. Pi Shahnaz Zothanpari chuan tihian a lo chhang a. Agreement-ah chuan Rs. 360/- nikhatah chuan a ni ngei alawm, Hospital chu ka rawn phone ang e a ti a. Tahchuanin, Hospital chu a rawn phone vel awm hnuah chuanin an rawn telephoned let leh a. Amaherawhchu, "provision a nikhat adamlo leh attendant tana Rs. 360/- a ni e ka tih kha ka lo ziah sual zawk a ni. Chuvangin 160/- tur zawk a ni ti khan a rawn chhang leh ta mai si a. Anih leh Sorkar te nena he company-in agreement a engzata pe tura rate engnge in siam dan tih an rawn zawt leh ta a. Mahse, a rate kha a hrilh duh si lo a ni. Tahchuan, agreement chungchangtu min rawn hrilh teh an tih pawh chuan achhang tha ta lo niin thu dawn a ni a. Tahchuan Hospital a chaw supply tu khu Arhos Food Plaza tih a ni a, khumi Institution neih tho kha a ni. Chaw man khu a sang em em a, mi 2 tan nikhat a chaw an ei khuan a tlawm ber pawhin Rs. 360/- in a daih tawk a. Chutah pawh chuan thingpui vel phei chu a daih lo hial ni a hriat a ni. Tunah chuanin Rs. 160/- a nih tak phei chuanin a chhe em em tur a ni a, amaherawhchu, khami chhe lutuk ei ai kha chuan tiin an in tum belh ta a ni. An harsa em em a, kan Sorkar hruiatu ten min rawn ngaihtuah hram the se ti khan niminah an rawn telephone khan Office kal a ni bawk si lova. Chuvangin tukin zing hmassa berah hian kan rawn hmang a ni a. Damlo 28 attendant-te 28 – 30 chuang vel awm khuan tunah khuan harsatna an tawk mek a ni. A rawn sawi zel dan chuan Arya Hospital khu a te em em mai a, Guwahati-ah pawh mi hriat rnang loh khawpa zawn buai ngai a ni. Treatment pawh duhthu a sam loh thu an sawi tel a Damdawi Doctor-in damlote hnenah khuan an pe thei lawk lova, ni hnih ni thum hnuah treatment te tan a ni a. Khatiangah khan engtizia nge ni treatment kha nimin min leh daih tawhah min chawh a ni si a , a va tlai ve ti a an complaint pawhin damdawi thenkhat hi a vang a, kan hmu theilo a ni ti tein an chhuanlam a. Amaherawhchu, khami-ah khan harsatna

nasa tak an tawk niin a lang a. ICICI Lombard hianin a India ram pumpuia an sponsored hi 660 chuang leh Sorkar Hospital 25 lai ni khan an insawi si hi khutiang te te a ni khu chuan kan harsa vek dawn a ni keimahni ang hi tiin an sawi a. Bajaj Allience khanin India ram Hospital zawng zawng leh Sorkar Hospital zawng zawng a cover a ni kan sponsored in a tih kha kan thlang ta lo a kha Sorkar hian a thlang ta se chuan employee keiniho hian kan that phah hle ang tih kha an rawn sawi tel kher lehngthal a.

Tin, hei bakah hianin Bajaj Allience thlan lohna chhanah khan Employee contribution awm a ngai anih avanga kan hnawl kha chutiang ang ngai tur anga proposal thehlut turin kan G.M. Office khan a ti a ni tih kha thu dawn a ni si a. Amaherawhchu, a hnuah he ICICI hianin proposal an thehluh takah khan contribution a tel tak lohah khan keini pawhin ka thei ve tho a ni an ti si a. (**SPEAKER** : Ngawi rawh khalai kha chu I ziakah khan a tel lova, sawi belh vak lovang. Ziak chinah khan i kal ang aw!) Awle, kha vang khanin a fair lohna an rawn sawi tel avangin kan sawi tel lawk mai a ni. Engpawh nise heng inentir mekte manganna sum leh pai a an harsatna hi kan Minister zahawm tak a changtu emaw te hian a chin fel chuanin kan lawm khawp ang. Hei hi khawngaih takin kan rawn ngen a ni e, tiin min rawn hrilh a ni a. Chu chu vawiinnia he House-ah kan han tih rik takah chuan chung damlo aiawh chuanin Pu Speaker, kei pawhin, khawngaih takin hemiah hian hma a lak ve theih lawm ni ? pawisa an keng tlem hlawm si a, inentir man a to si a, chuvang chuanin an daih dawn lo an mangang, Rs. 360/- a a hma a ei an phal ang khan ti leh mai selangin an ti a. Tin, Rs. 360/- hi mithenkhat vawiinni thlenga phal an la awm ni a sawi a awm tlat mai a. Khami a te kha engvang bik nge tih min rawn zawh sak thei lo maw ? an ti a, a vai law law hian keimahni ang hian ti sela, tin, khami refer-na a an ziah dan pawh hi a in ang lova, athenah chuan 'As per agreement' tiin a inziak a, a thenah chuan Rs. 360/- tiin.

S P E A K E R

: Ngawi rawh, khawngaih takin, kha lamah kha chuan I kai tawh lo mai ang, kan sawi dunnaah bawk a ziak chhiar ni se kan ti kha ! aw. a chiang tawkin ka hria. Sawi kha chu rem lo rawh se, an ziah chinah khan ding ila a tha ang e aw! Hemi chungchangah hian enge ni a nihna tak hi phone a dawng ka ni e a ti a engemaw fuhlo deuh te pawh a awm mai thei a, a dik vek te pawh a awm mai thei a, achangtu kan House Leader hian sawi duh a nei em ?

**PU ZORAMTHANGA
CHIEF MINISTER**

: Pu Speaker, ICICI ho nen a kan kalnaah hian engemaw complain neuh neuh Private clinic-ah te an Health Department lamah te an awm avangin chungte chu chingsel turin anmahni kan chah a, kar khat vel kalta atang khan lokal tum an ni a, mahse, thlawnha a lokal theih loh avangin Kolkata-ah an tangkhang a, a that veleh lo kal tum tho ula, Guwahati-ah emaw, Silchar emaw rawn tum ula, emaw Motor-in lo kal mai rawh u kan ti a, tichuan Silchar atangin an lo kal chho va, tichuan inrinni tlaiah khan Private Clinic a, complain tu ho aiawh te Finance Department lam te Health Department lam te nen kan sawi khawm ta a, an complain zawng zawng pawh ant i a a nepnawi kha atam bawk a, engpawhnise a tlangpuithu darker 1½ vel kan sawi hnuah khang zawng zawng kha ziak chhuakin detail nen umzui ta ula in chinfel theih loh a awm a ni leh min rawn hrilh leh dawn nia ka ti a. Tlai dar 6:30 P.M. - 10:00 P.M. thleng kan ti leh a, chumi hnu chuan a tlangpuithu chu heng harsatna hi kan chingsel thawkhat viau a, tin umzui leh turte pawh kan la nei zel e an ti a, chu chu an hawng hman ta em ? khati khan an chinfel mek a ni a. Chuvangin khang nepnawi a pawh kha keini pawn kan lo en ang a, adetail no. etc. hi keini tan chuan han hriat sen rual pawh a ni law, Mahse kan MLA zahawm tak te pawhin khatiang telephone a dawn theih kha chu min hrilh mai se, House-a special mention vel ngai lo hian a tih theih turah ka ngai a, engpawhnise kha kha han lo en a nge.

S P E A K E R

: Kha kha duhtawk tawh mai ila, debate zui vak chi pawh a ni lova. Tunah chuan Statement khi a Minister tih a ni a, kan dan 60-nain a phal angin Pu R.Tlanghming-thanga, Minister zahawm tak hnen atangin Statement siam duhna a hun taka dan angin kan dawng a. tin, business a a lan ang khan kan Member zahawm tak Pu Lalrinliana Sailovin special mention a hman chungchangah khan a ni a. Tunah Pu R.Tlanghmingthanga, Minister zahawm tak Statement pe turin i lo sawm ang.

**PU R. TLANGHMINGTHANGA :
MINISTER**

23.3.2007 ka rawn thehlut a. Chu chu remchang vawiina min siamsak avangin ka lawm a. Tin, kan Member zahawm takin a thahnemngaihna leh a initiative avanga thil lo lang hi a lawmawm ka ti a. Tin, damdawi thi tih chungchangah hian enzuina

leh vawiina House ngeiah pawh han sawi chhuah remchang a lo awm theihna chhan hi kan member zahawm tak thahnem ngaihna leh a bengvarna rawn thawh avangin House chhunga hetianga sawichhuah a lo awm hian thil tha tak a hring chhovin ka hria a. Tuna he hun kan han neih atang leh Member in a rawn point out atang khan kan Department chhunga helai Saipum mai nilovin hmun dang dangah pawh simkhurna leh damdawi thi leh thi lo chungchangah pawh in enna leh khatianga regular taka anmahni pawh hriattirna leh hmalakna thar rawn piang chhuakah hian lawmthu ka sawi a. House chhungah lo pawh Damdawi te a lo thi emaw, a thawkute an lo zelthel deuh emaw nih dan tur ang ni lote hengte pawh hi member hrang hrangin bial chhunga min venpui a, a thalote inhlahrung hauh lova, point out chhuah thin tur leh tin, advice-te pawh min pe zel turin kan sawm zui nghal ni sela.

Pu Speaker, Kolasib D.C. ngenna angin ni 14.3.2007 khan Bilkhawthlir Medical team te chuan Saipum ah clinic nei turin an kal a, zan an riak a. Chuta kalte chu, Dr. Laldohsaka, Medical Officer, P.C. Lalthazuala, Pharmacist leh Sylvia Lalchhanhimi, Laboratory Technician leh Zohminga, Driver te an ni a. Ni 15.3.2007 (Thursday) zing dar 7:00 A.M. atangin damlo an en tan a chawhnu dar khat thlengin damlo 78 an en a. Thisen exam leh damdawi semte pawh a tul angin an buaipui nghal a ni. Heng damlo zinga Laltlanzovi chu pumpui thalo leh vun lam natna nei anih avangin, pumlam damdawi leh Tetracycline chawh a ni a. Tin, Hrangthanuala, kawthalo leh khawsik pawh, Tetracycline chawh ani bawk a ni. Khawsak harsate te annih avangin PHC damdawi stock chi 10 an keng a, heng kan team te hianin an damdawi ken te chu, chi 10 a ni a. Chung zingah chuan Tab Cotrimonazole D.S. te, Tab. Cotrimarizole leh Syringe cotrimanuzole te, Tab Ciprofloxacin 500 mg. Capsule Tetracycline 500 mg, Capsule Tetracycline 250 mg. Tab Brufen 400 mg, Tab. Uniflam. Tin, Norfloxacin 400 mg, Tab Toxiclin 100 mg te anni a. Heng an damdawi ken zinga mi, Tetracycline 500 mg chu an pe a. Mahse, he damdawi, December 2006 a expired tawh a lo ni a. Damlo pakhat zawk, Laltlanzovi hi pumpuina nei sa anih avangin tetracycline mum khat chauh a ei hnuah vawikhat a luak ta vak mai a. Reilote hnuah a tha zui leh mai a. Hrangthanuala hnen atang erawh chuan, sawiselna dawn a ni lova. Hetianga Laltlanzovi a luak a ni tih hriat anih veleh P.C. Lalthazuala, Pharmacist chu ni 18.3.2007 Sunday ah tirh thlak lehngthal a ni a. Engmah in sawiselna dang a neih zui loh avangin a rawn hawsan leh mai a. Damdawi an ken zinga expire lo awm tlem te te pawh chu tihral nghal vek a ni a. Hetianga damdawi expire tawh, Pharmacist in a lo sem avang hian Medical Officer, Bilkhawthlir PHC chuan P.C. Lalthazuala, Pharmacist hnenah warning te pein Kastric damdawi expiry date check ziah turin thu a pe nghal a. Tin, CMO, Kolasib pawhin enquiry la turin Doctor Zolawmzuala, M.O., Vairengte PHC chu thu a pe nghal a ni. Tin, helaiah hian han sawi belh lawk kan duh a chu, hetia damdawi expiry date check ziah tura order, kartin a pekah hian amah chauh a pe nilovin, vawina kan statement atang pawh

hian, midang zawng zawng hnenah pawh, hetiang ti tura kan inhriattirna nghal remchang anih ka beisei a. Chubakah Director of Health Services atangin Pu Lalsawma Pachuau Assistant Drug controller chu ahmuna enfiah turin 23.3.2007 (Friday) hian Saipumah a kal nghal bawk a. Tin, heng kan Officer-te report atang hian hmalak zel dan tur chu ngaihtuah zui ani dawn a ni.

Tin, Pu Speaker, hemi kan report kan tih lai hian kan mi tirh Pu Lalsawma Pachuau Drug Controller pawh a lo haw tawh a. Chu chuan a thil hmuhte a rawn report nual a, hmai hmachhawnah kan la inhmu hman lo nain helaia Saipum leh Bilkhawthlira kal chuan damdawi thi eite a concerned person te nen ti ti hona te, interview na te an zuk nei a. An ngaihtuahawm loh leh kha khan an mahniah harsatna a thlen loh thu te a rawn hmu a. Tin, hemi ka luh hnuah khan chumite nena an inkawm a C.D. te pawh hei a rawn hawn a, chulaiah chuan a duh tan chuan a C.D. pawh en theihin a awm a. Tin, expert te kan nei a, chumi tena an sawi tlangpui chu, han sawilan a that ka ring a. Damdawi expiry date hi a tlangpuiin company manufacture te hian a expired tak tak hma thlarukah hian expiry date an siam thin a. Tin, damdawi expired hmu hian achakna a hlauh a ni mai a. Hetah hian hemi a damdawi chak ta lo a nih mai bakah hi chuan taksaa chhiatna emaw thlen tur zawngin a hlauhawmna a awm chuang lova. Thlaruk chhung expired a nih hmaah thlaruk hmaah an fixed thin a ni tih kan expert tena min hrilh dan a ni a. Engpawh niselangin tunah hi chuan a expired a nih hrim hrim hi chuan sem lo tur leh ei lo turin tih hi kan dinna chu a ni tho tho a. Amaherawhchu, keimahni han knowledged atan expert tena min hrilh dan kan sawilang tel ni rawh se. Ka lawm e.

S P E A K E R : Awle, tunah chuan Presentation of Reports hun kan hmang ang a. Report pathum present tur kan nei a. A hmasaberin Pu Lalrinliana Sailo, Chairman zahawm takin The First Report of Subject Committee - III House-ah han present sela, i lo sawm ang u.

PU LALRINLIANA SAILO : Pu Speaker, I phalna leh he House remtihnain Subject Committee - III, First Report relating to Environment & Forests Department (National Forest Afforestation Programme) hi he House zahawm takah hian ka present e. Ka lawm e.

- S P E A K E R** : A copy kha han sem ni sela (a copy sem a ni a). Tunah Subject Committee – IV Chairman zahawm tak Pu H.Liansailova Report pahnihna present turin i lo sawm ang.
- PU H. LIANSAILOVA** : Pu Speaker, I phalna leh House remtihna-in Subject Committee – IV, Second Report relating to Trade & Commerce Department Border Trade hi he House zahawm takah hian ka present e.
- Tin, he Report hi Session lai a nih loh avangin Ni 12.12.2006 ah khan Hon'ble Speaker-ah present a lo ni tawh a ni. Ka lawm e.
- S P E A K E R** : Sem tur kha a la awm em ? A awm chuan han sem ni sela. Tunah chuan Subject Committee – V Chairman zahawm tak Pu Liansuama Report 10-na House-ah present turin i lo sawm ang.
- PU LIANSUAMA** : Pu Speaker, I phalna leh he House remtihna-in Agriculture Department Minor Irrigation chungchang a, Subject Committee – V, 10th Report hi he House zahawm takah hian ka han present e. Ka lawm e.
- S P E A K E R** : A copy te kha han sem ni sela. Kan Minister zahawm tak Statement kha a copy sem tur a rawn buatsaih em aw ? A awm chuan han sem nisela. Kan lo theihngihilh tep a lawm le, Statement kha in han siam a, Statement bak kha in sawi belh ve ve a nia. Detail lo deuha sawi chuan athawl ve viau a nia, detail deuh khan insawi a.

Chuan kan Business hnuhnung ber Financial Business ah kan lut ang a, Discussion and Voting on Demands for Grants a ni a, vawiinah hian kan Minister zahawm takte pahnih Pu Tawnluia leh Pu Aichhinga Demand te kan sawiho ang a, kan vote dawn a ni. Le, kan tihdan thin angin a rualin sawi kawp leh a tha mai em? Anih leh tunah Minister zahawm tak Pu Tawnluia, a Demand No. 13, 16 leh 25 te House-ah pulut turin i lo sawm ang.

**PU TAWNLUIA
MINISTER**

: Pu Speaker, Mizoram Governor recommend-na leh i phalnain Demand No. 13, 16, 25 avaiin cheng vaibelchhe zahnih sawmpanga nuai sawmkua singkhat, heng Department a hman tur hian ka han pulut a, chung Department tina Demand te chu hetiang hi a ni:

Demand No. 13 Personnel & Administrative Reforms Rs. 1,26,50,000/- Demand No. 16 – Home Department excluding Jail – Rs. 1,44,83,35,000/- Demand No. 25 – Water Supply and Sanitation Rs. 69,80,25,000/- Avaiin Rs. 2,15,90,10,000/- Ka lawm e.

S P E A K E R

: Tunah chuan Minister zahawm tak Pu Aichhinga Demand No. 33,38 leh 44 te House-ah pulut turin i lo sawm ang.

**PU AICHHINGA
MINISTER**

: Pu Speaker, Governor zahawm tak recommend-na leh i phalnain ka Demand No. 33, 38, 44 avaiin Rs. 67,67,19,000/- heng te hi House-ah ka rawn pulut a. A detail in hetiang hi a ni. Soil & Water Conservation-ah amount Rs. 8,07,40,000/. Tin, Demand 38 na Rural Development-ah Rs. 56,55,85,000. Trade & Commerce Demand No. 44 naah hian Rs. 3,03,94,000/- Avaiin Rs. 67,67,19,000/-.

S P E A K E R

: Le, tikhan kan Minister zahawm tak pahnih ten an Demand an pulut ta a. Kan sawi ho ang a. Kan tihdan thin pangngaiin minute 10 diat diat Group Leader theuhte

duhsak leh deuh kha a tha kan ti em ? Nih leh sawiho dawn ang aw. Tunge han sawi hmasa ang ? Pu Khawpuithanga a phar hmasa tlat mai. i lo sawm ang Pu R. Khawpuithanga.

PU R. KHAWPUITHANGA : Pu Speaker, Budget Session anih angin Demand hrang hrangte kan ngaithlain kan sawi hova. Tuna kan Demand hrang hrang kan han ngaihthlakte pawh hi vawiinniah hian kan pass leh thei ngei turah ka ngai a. A bik takin ka'n sawi duh chu Demand No. 16 na Home excluding Jails tih hi a ni a. Hetah hian 144,83,35,000/- zet a ni a. Hei Mizoram awmna hi kan hria a. Kan ram dep vel hi hel awmna vek mai. Thal pai fur ang deuh mai hi niin ka hria a. Ka'n hriat danah phei chuan, Manipur-te pawh kan hria a. Hel bawm a ni ringawt mai a. Helaiah khawthlang lamah Tripura pawh chutiang tho chu a ni a. Arakan lam Myanmar lam pawh nisela, Hel tawm khawmna hmun khawchhak lam te pawh khi a lo ni a. Ramri bul chho velah te. Nagaland a hel engemaw zat te pawh an tawm thin tih kan hria a, Arakan te pawh tiang chuan kan dep ram zawng zawng hi hei kan chiang theuh mai a. Mizoram atang chuan, chutiang chuanin min hual khup mai a ni a. Chhumpui nasa takin min hual tih ang deuh kha a ni a. Chumi ang laiah chuan Mizoram kan lo awm ta a. Hetah hian ralmuang taka awm hi thil theih loh tluk a ngaih ni thei tur a ni, thil harsa tawp khawk a ni a. Chuvang chuan a ram chhunga chengte tan pawh pawn lam atanga harsatna an rawn siam theih tur te tan pawh thil awlai tak a ni vek mai a, buaina siam hi thil harsa a ni hauh lo a ni. Amaherawhchu, kum hmasa leh hmasalam atangte pawha han en hian a chhunga enkawlna governance a that vang ni maw. Chuvang chuan hei a tlangpui han en hian crime a tlak hniam dan te pawh Governor's speech-ah khanin a hmasa berah rawn tarlan a ni a. Kum hmasa lam aiin crime hi za a sawmpariat point 85 in a tlahniam a. Hei mai hi a nilova, hei hi chu kawngkhat chauh a ni a, kumina tehna ani a. Kum dang a tehnaah pawh khanin 2000 hnu lamah kha chuan a tlahniam hret hret zel a. tihan tuna a dinhmunah pawh hian zaa 18 zetin a lo tlahniam a. Chutih rual chuan kan dep ram State hrang hrangah hian a tlahniam lam ni lovin a pung lam anni deuh vek a ni. Crime a pung lam deuh vek kan dep te annih lai a keini a tlahniam zawng hlira kan kal hi engvangnge ni tih kan ngaihtuah chuanin hemi a mawhphurtute a bik takin Home hi ani a, dan leh thupek kengkawhtute an ni a. Tin, chubakah chuan Kohhrante pawh a ni a, kan sawi thin tawh angin, NGO te abik takin YMA te anni bawk a. Chubakah chuan keimahni ngei ngei pawh politically a kan nihna lai a awm a, Opposition leh Ruling te pawh kan inkar ache lo a ni tih kha a hriat theih hialin ka hria a. Vawiinniah hian a lawmawm hlein ka hria a.

Tichuan dan leh thupek kenkawnna bikah hian India ram hmun hrang hrang te nen pawh hian tehna hi neih thin tawh a ni a. India Today lar tak hi a tehtu a ni thin a. Kum thum chhung a India State hrang hrang economic lama hmasawn dante, dan leh thupek Education engkim mai tehna hi an nei a. Hei hi a tha khawp mai a, tehna atang hian a chiang thin a. Keini Presbyterian Kohhran te pawhin tehna kan nei a, Kristian chhungkua tehnaah chuan Buhfai thamah te, chhung inkhawmah te leh thildangah khangah khanin tehna an siam a, khata tang khanin mahni veng theuhah, mahni Kohhran theuhah kan dinhmun kan chiang a, tan kan lak ngaihna lai turte pawh kha tehna atang khan kan hre thei a ni. India ram State hrang hrangte pawh teh a ni a. Chumiah chuan India Today-ah hian a lang a. Hei kan sawi thin tawh angin khawchhak lam State 12 a tehnaah hianin a lawmawm ka ti a, ka sawi leh thin a, hei over all ah hian a pumpuiah hian State 12 W.Bengal State changkang pui puite pawh an tel a ni. Chutah chuan Mizoram hi 2-na kan ni pha a ni. Tin, 1-na nihna pawh kan nei a. Primary Education-ah te, Infrastructure-ah pawh kan ni a. Tin, law and order-ah hian 1-na kan ni bawk a ni. Tin, a dangah pawh hian 2-na te, kan ni bawk a. A tlangpuii thuin 5 na aia hniam kan ni lo hrim hrim a. A tlangpuii hemi North East-ah hian chuan a sang ber kan ni deuh vek mai a. State dang khumi W.Bengal te a tel avangin, min ti tam deuh ta a. North East bik State 8 ah hian chuan kan sang ber a. Hemi 12-bikah erawh hian chuan Sikkim an ni a. Chuan heta tang hian Law and Order bik Home in a kenah hian a lungawi thlak hle a ni, tih a hriat theih a. Tin, thil bo zawn hmuhchhuah kawngah pawh hian kan lo sang hle mai a. India ramah Tamil Nadu a sang ber a, 64.2 % thil bo an chhuichhuah an lak kir leh a ni a. India rama a sang ber Mizoramah tih loh chuan a ti kher a ni. Chuvang chuan a pakhatna chu chiang takin Mizoramah hian crime chi hrang hrang bakah thilbo zawnchhuahna lamah kan Police-te hian an chhui chak hle a, Mipuiin an support a ni tih a chiang a. Chuvang chuan, he Department chhuanawm tak thin thia min mut tirtu an ni a. An hnathawh hi Pathianin mal a sawm a nih ka ring a. Hem tum pawlte pawh an awm bawk thin a, border an thleng hmanchauh tihin an man leh thuai thin a. Tin, BFLM te pawh an rawn in surrender ruih ruih a, tunah chuan awm lo tluk deuhthaw dinhmunah kan din tir a. Tin, HPC 'D' te pawh kha hman kum 2000 vel bawrah khan an rawn inpe a, an inpekna functionah khan kei pawh ka tel ve a, hetah hian an leader-in a sawi ka la hre reng a. Pu Zoramthanga te Pu Tawnluia te hruainaah hian kan lungawi a, ramhnuia a do zawnga awm reng hi tul kan ti tawh lova, kan lo chhuak a ni, a ti ngat a. Chuvang chuan, he Sorkar hi an ring hle a ni, tih kha a entir a.

Tin, tunah hian kan Police Department hrim hrim hmalakna hi a tlangpuithuin a kaltluang a, infrastructure-ah hian tunah pawh hian nasa takin a thangchho dawn a. Quarter chi hrang hrang sak tur pawh tunah hian PWD ah hian tender teuh a ni a. Hmun hrang hrangah a tam em em a ni, sawi dawn ila sawi sen a ni lovang a, demand pakhat ringawta tawp chu a thain ka hre lova. Governor's speech-ah te kan hmu a, Chief Minister budget speech atang

pawhin kan hmu bawk a. Heng lehkhabu hrang hrang atang hian Home in hma alakna hi a lawmawm hlein a chhuanawm hlein ka hria a ni.

Tin, Demand 25-na Water Supply & Sanitation hi a lawmawm hlein ka hre bawk a. Hmun hrang hrangah Scheme an neih te hi an achieved deuh vek a. Hei kan hriat theuh angin Aizawl Greater Water Supply Scheme te pawh a function chho tan dawn niin kan han hria a. Tui te pawh an han pump haw tir chin niin kan hria a. Chiang zawkin nakinah kan ngaithla ang a. Hei chu thudangah dah ta ila. Thingtlangah han kal ila, hmun tam takah hian hemi Gravitation hmanga tui an lak hi an hlawhtling em emin ka hria a. Khing Tlunvelah te pawh tumkhat kan kal tumin a khawh to to mai a, dawhtu an awm si lova. Khatiang khan khaw hrang hrangah hian tui lak hi a hlawhtling hle a. Chanchinbuah te pawh keini hian tui kan hmu tha love han tih pawh awm lo khawpin Mizoram khaw kilkhawr te te thleng pawhin tui lam Water Supply ah hian kan tha a. Amaherawhchu, tui lak tur a kang miau hunlai erawh chu thal a awm ve a. Chungah chuan harsatna te tam tak kha a awm lo thei lova. A tlangpuithu chuan Water Supply & Sanitation hmalakna hi tha hle chuan ka hria. Amaherawhchu, thil pakhatah erawh chuan duhthawh ve deuh hlekna ka'n neih chu anmahni ina an ken drain system lai erawh chu hei khawpui chhungah pawh kan mamawh hle mai a. Hei hi chu chak zawk a umzui theih nisela tha hlein ka hria a. Khangte kha vawiinniah hian kan hriat tawh mah nisela ka'n sawi duh a ni.

Tichuan, Trade & Commerce hi han sawi leh pawh ka duh viau a, mahse kan sawi tawh lo mai ang a. Kan bial chhunga Retail Market tha deuh an rawn sak te pawh hi kan sawi tawh lo mai ang. Hengah hian an ti zel turah ka ngai a. Hei hi ka support vek a ni tih kha lawm takin kan sawi ve a n, ka lawm e.

PU R. LALZIRLIANA

:

Pu Speaker, ka lawm e. Vawiin chu tlem te sawi ka duh a. Amaherawhchu, pawimawh ka ti em em mai a. Kan Minister te hian min ngaihthlak sak ngun hle ka duh

a. kan Minister te pawh hi mi famkim bik lo an ni a. An ngaihtuahna te pawh hi a famkim lo laiah chuan kan hrethiam a. Chu chu kan han sawite hi engemaw tia min ngaih pawimawh sak hram hram a tulin ka hria a. Nichina ka han sawi tawh Khawzawl bialtu zahawm takin a 9mm Pistol bo a sawi chungchang kha han chhunzawm ka duh a. Police ah duty-naa an kalin emaw khawi ilo naa an kalin an ralhuamte an tihboin emaw, khatiang anga diklo taka an tih chuan a lo berah pawh suspend an ni a. Hrem anni thin a ni. Vawiinniah erawh chuan, hei Khawzawl P.S. ah hian ni 27.11.2006 ah daih khan case register a ni tawh a. Tahchuan an

han zawng nghal char char a reiloteah a la chhuaktu kha an hmu a. Tichuan a thianpa MNF returnees a awm CID a awm nen, leh, gun runner pakhat nen Rs. 1,20,000/- in an hralth a ni. Hei hi Demasa hel te hnenah an hralth a ni ahriat a ni lehngthal a, Pu Speaker, hei hi a serious em em ani. Vawiinniah hian hetiang anga thil sual titute hrem annih theih loh nachhan hi kna Home Minister hian ngawi rih rawh u, ngawi rih rawh u, a ti nia hriat ani a, chuvang chuan hetiang ang thil thleng te kan han hriat hian House a sawichuaktu nih pawh hi a hlauhawm a ni. Amaherawhchu, public tan thil pawimawh precedence atan a thil thalo em em hetiang ang action kan lak ngam si loh chuan vawiinniah pawh hian ka hmuh dan chiah chuan kan Police Officer rinawm leh fel kan Mizo tlangval kan chuan ngawih ngawih te pawh hi Uniform an han haka an in form that mai hi chuan mawi ka ti a, chhuanawm pawh ka ti a. Chutiang ang pawh chuan vawiinniah hian kan Minister hi tawiawm tlakah hian an ngai ta lo nge ni a, a demand sawi niah pawh tumah khatian ganga zahawm taka inchei pawh hi kan hmu thei ta lo a ni, a chhan chu anmahni ka zu dem lo, kan Home Minister thil tihdan hi a rapthlak lutuk a, rambuaiah kan awm a kan kham tawh a, tun election hruhnung berah silai hmanga invauna Champhaiah te, khawbung bialah te, helaiah Suangpuilawn bialah kidnap na lem te a awm a, chung chu kan manchhuak thei lova, a chhan chu he Ministry avang a ni tih hi mipui ten an hre vek mai. Police chuan an man chhuak thei reng a ti tu pawh an hre vek a ni. Amaherawhchu, Home Minister atanga heng hi tihpuitlin theih anih loh avangin kan hnathawktu te pawh hian zah tlakah an ngai ta lo em ni aw! tih theih ani a, hei hi thil anihna tur anga a kal hi a thain ka hria. He thu ka sawi dawn pawh hian dik tak chuan ka nunna atan pawhin a hlauhawm ang tih hi ka ring a ni, kan Police Officer te leh kan Home Minister ngei pawh hian kan nunna te pawh hi min ngaihtuah pui a ngaiin ka hria. Amaherawhchu, hetiang sawi ngam lova kan awm si chuan kan hnam kal dan tur hi a ngaihtuah awm lutuka ka hriat avangin vawiinniah hian mipui te avangin hei hi sawi lo thei ka niin ka hrelo a ni. Chuvangin vawiinniah hian helai silai lachhuak tute, CID a a hralth puinegi MNF returnees, Police a an hnawhluh te kha an arms te pawh hlih sak lohvin an la awm ani, hetiang tur hi a niin ka hre lo reng reng a ni. Chu chu Pu Speaker, ram hmangaihna avangin ka han sawi nawn leh duh a ni.

Tin, chutiang lo pakhat ka han sawi leh duh chu, hei hmanni lawkah kan hria a. Hmar unaute an inthat a, mi paruk lai thihna, silai kahna ni ngeia hriat kan Police ten an va hmuchhuak a ni, an ruangte kha. Chutiang ang chu a lehlam pawl niawm tak ten kan Home Minister te an rawn hmu a. Chung mite hnenah chuan A.K.47 sawm leh pahnih lai pek an lo ni leh ta ringawt te hi. Underground, New Underground kan siam leh ta mai hi engnge ni a chhan? A pawi ka ti em em a ni. 1966 ah ram a buai a, MNF unauten khatih laia Sorkarna neitu Mizo Union Volunteer te leh Union pa engemaw zat an rawn thah avangin Mizo Union volunteer ten beih an duh a, tah khan sorkar dinglai hotu tam takin MNF te kha beih an duh a ni. Mahse kan

Chief Minister/CEM zahawm tak Pu Ch.Chhunga chuan "Ram leh ram, hnam leh hnam kan inbeihin tunah kan ding chhuak lo ang, naute u, MNF beih hi ka remti lo a ni" a ti a. A ropui ka ti em em a ni. Vawiinah hian kan Home Minister a ni emaw Party chhung atanga thahnemngai zual ten Election lo thleng leh tura kan mi hman theih tur underground kan siam a nih pawhin kan Chief Minister zahawm tak hian engatinge heng hi rem a tih ? kan ram buai dan tur hi vawiinnia ka ngaihtuah hian a lungchhiat thlak lawk a ni. Tichuan tahrik ni 13.1.2007 ah AK 47 paruk phur Zilthawchhuahah Suma MZ-01B3645 Driver-in Zilthawchhuahah he Silai hi a han dah a ni. Heng underground tharte ta tur hi, a va rapthlak em! Kan hnam kal dan hi hetiang mai mai hi em ni ni dawn ? Kristian ram hravuitute hian kan hnam hi hetiang hian maw kan enkawl dawn ? Chumai a la ni lo. Ni 29.1.2007 ah kan Home Minister te leh helaia underground tharte inbiaknain Sumo a pangngai bawk hian AK 47 heng tiang zat hi helaiah hian a han dah leh a ni. Kei chu kan hnam hi kan dam lo a. Vawiinah hian tisa leh thlarauah kan dam tawh lo. Ka sawi zawng pawh hian a hnuk ulh thlakin ka hria. Nuihbo mai mai chi a ni lo. Chuvangin Pu Speaker, thil dang tam tak sawi tur awm mahsela, hmanni lawkah Naga Helho Phailengah an duh duhin an zu che a. Kan Police te hian hrehawm an ti em em a ni. Engatinge khatiangte kha he Zoram Police CID hnuai a tunah khulaiah kan Police kan O.C. te armed lama kan dah ngawih ngawih te pawh rawnna leh hriattirna nei reng reng si lova, hetiang hi an tih ? Khawngaih takin hetiang hi i duh tawh lo ang u. I bansan tawh ang u. Ramhnuai lam atangin Independent kan sual a, kan lo chhuak a, a tawk rih e, mipuiin kan tlin lo kan ti a. Hetiang tih leh hi a tha lo a ni. Hravuituten keimahni sahmim tihpuarna leh kan lal chhunzawm zel duhna avanga hel te min tanpuitu tur kan siam dawn a nih ngai chuan, vawiinniah hian kan hnam hi engngeni a kal dan tur ? Hel te chu kan siam ve mai dawn em ni ang ? Ni love, keini chuan siam kan duh lo, kan zavai hian ngam leh ngam kan nih chuan Politics-ah thil tha tih tumin intlansiak ila, I inbei zawk ang u, tih hi Pu Speaker, kan hotute hi ka ngen tak zet zet a ni.'

Chutiang chuan Demand 25 naah hian
tlemte sentence khat chauh ka hun a tawp tep tawh a, Pu Speaker, han sawi leh ka duh a. Hmanniah ka sawi chhuak tawh, mahse lo lam takin renovation of the existing rectangle main reservoir at Tuikhuatlang chu siamturin ni 24 leh 29.3.2004 ah khan cheng nuai sawmhnih pathum singkhat sangruk zathum sawmhnih paruk hna thawk miah lovin a la chhuak a. Hei hi engtinne in tih dawn ka ti a. Department-in hei hi chu kan lo siamzo tawh e ti a min chhang tluangtlam ringawt mai kha. Kan hnam kal thatna tur kawng zawng hian kan hotute hian ro an va rel lo em! Contractor te hian hetiang hian advance an la ang a, hna chhe deuhin an thawk anga, an duh tawk zel ang a. Hnam ro engmah vawiinni hian kan siam dawn tak tak lo. Engatinge hei hi ngaihdam a a awm tak mai, hetiang ai chuan Pu Speaker.

PU LALDUHOMA

: Pu Speaker, Demand 25-na atang hian ka han tan a nga. Greater Water Supply Scheme Phase II bawk hi han sawi nawn leh thuak ka duh a. Hei hi kan hriat angin contractor-in a thawh tur Rs. 32 crore man hi tender a ni a. Tender chhangtute hnena alternative offer pek phal sak a tir atanga a ni ringawt kha engvang nge tih hi kan Minister zahawm takin min hrilhfiah se ka duh a. Tin, Rs. 32 crore man chu engatinge Rs. 99 crore a an pek ? Sawmthum pahnih man sawmkua pakua a an pek hi zaah zathum a sang a ni. (300% a sang a ni) A pumpui complete na tur atana estimate ai pawhin a chanve thawhna tura contractor an pek hi a sang zawk hrim hrim. Central lam a sawi hmasa lo leh an phalna la bawk si lovin contractor te hi an duhsak ta mai a. A buai dawn ani tih hi a chiang sa a. Engatinge hetiang a re-tender leh mai dan pawh ngaihtuah lova. 32 crore man 99 crore a a Project pumpui a buai dawn ani tih chiang sa ngawih ngawih chunga an pekluih tlat ni? House hi min hrilhfiah thar leh se tih hi ka duh a.

Tin, Draft Agreement Department-in an han siam a, Agreement dang siam ang thlapin an rawn siam a ni. Pu Speaker, hetah hian ka nei vek. Draft Agreement te chu CPWD drawal chuan estimate atanga 10% emaw 1 crore emaw, 'which ever is less' hi advance a pek thieng chin a ni. Engzat pawh nise advance ah 1 crore ai a tam pek a thieng lo hrim hrim. Chutiang tur chuan a sirah Department hian a rawn duang ve thlap a. Mahse, 1999 November 12 khan kan Chief Minister leh kan PHE Minister zahawm tak hi Delhi ah an awm a. Chief Secretary a awm bawk a. Chief Secretary chuan Fax Message a rawn thawn chho a, kha draft agreement a number 3 na (4) na kha lo delete rawh u tiin a rawn hrilh ta a, hei a copy ka nei vek a. Hei hi official a ka dawn a ni. Engatinge contractor hnena 1 crore aia tam pek theih loh 19 crore chuang pek anih theihna tur a Delhi atanga kan Chief Minister leh PHE Minister in thuneihna hmanga ralkhat atanga agreement hi an rawn tih chhiat zawh vek mai le? Chu thu ang ngei chuan ni 23. November, 1999 ah khan agreement sign a ni ta a. Tichuan, contractor hnena hian Rs. 19.86 crore chu advance atan dan kalin pek a lo ni ta a. Interest free a ni,,, interest awm lain. Hmanniah kan member pakhatin a sawi tawh a, chutatanga 9 crore chu contractor-in a kawl a, 10 crore dang chu 5 crore ve ve nei hote pahnihin an insem niin kan hria a tih kha.

Tichuan, a engamah hi Central a phalna la hmasa si lovin NLCPR atanga sum lokal tur ni si kha an tih avangin an buai leh a, revise an tum a. Rs. 113 crore ah, DONER in a phal si lova, vawiin thleng hian. Tichuan kan buai chho ta a ni. Kan hawng dawn an ti reng a, vawi 3 lai an postponed tawh a. Hmanniah kan Minister zahawm takin hun leh hun lo pawh thliar hrang hlei thei lovin kan pump chhuak dawn ta tih sawi nghakhlel em emin he

House-ah hian a lo ding chhuak a. Tichuan, anih leh Zonal Tank 29 vel kan nei a. Chutah chuan tui hi a thleng kim tawh em ? a puan tawh hnuah hian. Engzatah nge thleng tawh tih hi ka hre duh vawiinniah hian. Kan veng bawr zawng zawng tlangau ri kan hria, MNF sorkar chak takin Phase II chu a rawn ti thleng dawn ta, tiin mipui min hrilh a ni, a auhla hrim hrima kha a nalh lo, kan Sorkar pawh ti ve hle hle ang hmiang. MNF Sorkar han tih te kha, inthenna hi a siamsa ringawt, an hote andan pawh hi a dik lo.

Tichuan, Luangmualah chuan kan Zonal tank ah chuan tui tiethlen turnin chawlhi pawh hmang thei lovin an Staff zawng zawng Pu Speaker, tlaivar deuhthawin nizañ thleng khan an chhawr a, tukin zing atangin an chhawr leh rmap map a, tlang an autir tawh si, far khat pawh a la far lut si lo tunah hian, a leak a tam lutuk, siamthat ngai a tam lutuk, a thleng thei lo. Tin, khu tanky an dahria bul vel In neitute khuan tui a rawn hawn chuan zanah kan riak ngam lovang, kan riah chhuah a ngai ang, an ti tlat mai. Khu khu a chima a chhehvelah tawrhna a thleng anih ngat chuan he Sorkar hi a mualpho khawp ang. Hengte pawh hi enfiah rawh se, chu Zonal tank-ah chuan lo thleng tehreng pawh nise, khata tanga a distribution tank tam tak awmah hian engtikniah nge tui kan hmuh ang, pipe chhia engzatnge awm ang, a tanky pawh a chhe tawh a, kan mit hmuh phak rengah pawh, a tui tak tak hi engtikah nge kan dawn ang ? Heng siam nan hian additional expenditure tam tak sen a ngai leh dawn a, khawi a sum nge an hman dawn ? vaibelchhe 90 vel a complete nan kan seng dawn an ti a, an pek zat chu vaibelchhe 71 vel a ni si a. Khawia sum nge an pek dawn ? kan passed tak ang nilo khan kan budget sum hi an thuai danglam leh anga, a hmanna lo turah khan an hmang leh mai mai dawn em ni? thil dangin a tuar leh dawn.

Tin, 24 mld pump chhuak thei tura tih a ni a, a chanve chiah tunah an pump chhuak dawn a la ni a, hei hi thil chhuanawm a ni lo, engtikniah nge 24 MLD ang hian a tira original estimate ang khan Aizawl khawpui hian tui kan hmuh dawn tih ka zawt duh a ni. Tin, a pumping machine dah belh a, a MLD tihpun hi a harsa lutuk tawh lova, tih mai thei ang pawhin a lang a, chu chu tu contractor nge an thawh tir leh dawn, a ngai nge, an tender thar dawn tih te pawh House min hrilh rawh se. Tunah hian tu emaw chuan a pumping-machine a lei tawh a, to deuha leisak an tum mek a ni awm e, tih te kan hria a ni. Hengte hi a dik em ? chu chu hemi chungchangah hian kan hre duh a ni.

A dawt lehah chuan Demand 44 ah hian kan tum tawh ang a, Sawhthing kan hrall thei lova, tunlai kan buai a ni. Ka zinnaah pa pakhat chuan, "Kan Pu hi kan bialah a lo zin a, a ti, Sawhthing cheng 10 in kan lei dawn, a ti a, a rawn sawi mawia in In sak thar chuan motor dahna tur garage lo sa tel zel rawh u, in hausa dawn min ti a. Lo neih thulhin Sawhthing hmun kan siam ta a, ka fapa Aizawlah lehkha ka zirtir a, mahse Sawhthing chu a

tawih ta si a, keimah ang tam tak BPL a tlathla ta hi Sawhthing avangin an awm a. ka thin a rim lutuk a, ka duhdan chu nise min chin tirtu pa hi a leng tawk lek mai bawm siam ila tahchuan khung ila tuktin mai hmawlh zum a hawlh hawlh hi ka chak ber a ni” a ti a ni. Sawhthing ching rawh u an ti a. Loan an pe a, Rs. 10/- in leisak an tiam a, mipuiin phur takin an ching a. Mau an ti leh a, Aieng ah an kai leh tawh a. Hman zana nu pakhat TV en chuan kan hotupa aieng sawi mawi lai a lo thlir a, “Awi karei Aieng a ti leh tawh”, a ti a ni awm e. Tiang mai maia mipui an tih avangin mangangin chhungkaw tam tak an awm a. Internet ah tukinah kan herh chhuak a. Ajadpur Market-ah inrinnia a rate te kha ka hmu thei vek, kan Officer te hi tir ang hmiang en tlawk tlawk lo hian zuk kal rawh se, a tihdan kawng engemaw tal dap rawh se. A har lo. A tih a tih awm lo a hetianga tih hi a dik lo. Assam Chief Minister pawhin Budget ah a dah mai a, Rs. 8/- in a lei mai a. Ngawih san ringawt hi a dik lo. Sawhthing thlang laklawh tawh site hi ngaihsak turin mithiamte pawh kal se, kawng dap teh se. Kawng chu a awm khawp ang. Mite pawn an hralh tlat a ni.

Demand 16-na Home ah hian forensic Science laboratory hi misual vau nan a pawimawh hle tih kan hria a. Kan ram a kan neih chu a lo chhe hle tih kan hria. Enganginnge Sorkarin hma a lak? Khawl leh hmanrua engzatnge kan neih tawh ? Tun kum 5 kalta chhung khan hmasawnna engzatnge awm tawh ? Mithiam bik hetiang lam Pass chhuak, hna hmu si lo engemaw zat kan nei ve a. Chungte tan chuan hei hi tihlen a Employment Generate nan pawh siam theih turin Sorkar hian a buatsaih dawn em ?

He House-ah ngei hian Boundary Commission chungchangah Resolution kan pass a. Chumi Draft tur chuan Home Minister hian vawi hniih min ko khawm a. Kan telvenaa hnuhnung berah chuan final theih mai a ni a. Kei phei chuan final tawh mai ang u ka ti a. Kan la en ho leh dawn nia a ti a. Kum liam ta a House-in Resolution a pass taka kha vawiinah hian an thehlut tawh nge eng dinhmunah nge a awm tih hi ka hre duh a.

Tin, I.R. Battalion Chhatishgarh a kan tih te hi an condition a chhe em em a. Hrehawm an ti a, an chhungte pawhin hei hi a koh haw leh theih tawh lawm mawni le ? Tihdan kawng a awm em ? Engtia rei nge awm tura tih an nih ? Hard Posting ah te chuan sipaite pawh an in awm chhawk diat diat ania. Chuvangin Sorkar chak tak chuan a tihdan a ngaihtuah thei lawm ni?

Kan ramah kidnap leh eng engemaw a awm zing ta hle a. Hunter force te pawh kan nei a ni awm a. Eng anga tha nge an nih ka hre lova. Khatiang Force tha bik hlawh sang bik, tui lo leh chaw lo pawha khawsa thei tura training pek, kan mipuite tithlabar chi reng reng nuai mit zung

zung thei hi kan Police ah kan neih a hun ta. Helam kawnga hma la tur hian kan duh bawk a.

Tin, Soil ah hian, Department building an nei reng a. Mahse an luah si lova, mimal inah an awm tlat bawk si a, engatinge mimal Inah an awm tlat le, Pu Speaker? Anmahni building ngei hi an luah theih tur hian hma lak thuai nise a thain ka ring. Tin, New Capital lamah pawh a tul anih chuan an tan bik hian hmun siam nise a thain ka hria.

Tin, Soil erosion hi a tam em em a, City of Silpaulin tih kan ni hial a, hemi atan hian kan khawpui leh thinglang khua te pawh a pawimawh zualah hian erosion veng tur scheme hi Major scheme tha tak hi Soil sum atangin siam a. Silpaulin ringawt a inhnangfak lo hian. Chungte chu kan tarlang ve duh a ni. Ka lawm e.

PU A.B.CHAKMA : Pu Speaker, ka lawm e. Demand No. 16 na, Home Department hi State pakhatah chuan Department lian ber leh pawi-mawh ber a ni a, kan Governor Speech a tarlan angin kum 2006-2007 hi "largely peaceful and under Control" tih a ni. Peaceful tih hian ka rilrua lan g chu kan Chakma a bik takin an lawmin ka hria a. Tunhma a buaina chi tinreng a lo awm thin chu MNF Sorkar veleh a reh ta mai chu ropui kan ti a, a lehlamah MNF Sorkarah development a tam si a. Chuvangin Chakma District Council-ah mipuiin MNF Party an bawr nasa a ni. Hei hi Tlabung bial lamah kan Chakma unaute pawhin an realize tan tawh niin ka hria a. Crime rate te pawh hi kumdang ain a tlem sawt hle tih hi tarlan a ni a. Hei hi kan Police force te taimakna leh preventive measures an lak leh NGO te fuihna vang a ni. Hemi chungchangah hian kan Home Minister zahawm tak leh Police zawng zawng leh kan NGO te hnenah lawmthu ka sawi duh a.

Tin, building chungchang sawi leh lawk ka duh a chu, Chakma District Council huam chhungah hian Police Station pathum kan nei a, chungte chu Chawngte, Borapansuri leh Vasei a ni. Vasei Police Station ah hian Police quarter concrete in tunhnaiah an sa a, kei ngei pawhin ka en a, tha ka ti hle a. Amaherawhchu, Police Station building a hi a fel tawk lo niin ka hria a, Police Station building hi kawng bul a ni si a, semi congrete a ni a, bang te hi tile a ni si a, Police Station building atan chuan a safe lovin ka hria a ni.

Tin, Chawngte Police Station ah hian Quarter kum 10 hmalama sak vek a ni a, a hlui em em tawh a ni. A then chu

beyond economical repair te a ni a. Henga Police awm te chu khawngaihthlak hle a, hei furah phei chuan an harsa lehzual thin tih hi chu kei pawhin ka hriatpui a.

Tin, Borapansuri lam phei chu an harsa lehzual a. Police Station building pawh an nei lova, an awmna tur quarter te pawh an nei mumal lova, hei erawh hi chu kan Home Minister zahawm takin a rang lama min enzui sak theih chuan alawmawm khawp ang. Administration & Discipline kan en hian kan Police force te hi tunhma ai chuan an ziaawmin a lang a. Tin, crime detection ah te pawh chuan tunhma aiin hma an sawn a ni tih hi a lang bawk a ni.

Demand No. 25 na Tui lampang sawi ka duh a. Hei kan Minister duhsakna zarah kan bialah hian hna, entirnan, resoirvor siam te, intact siam leh Water point siam hna te nikum maiah pawh tam deuhin min pe a. Amaherawhchu, hetiang an hna thawh hi enzui a awm thin lova. Hna te an thawk a, a tirah chuan Tui hi a chhuak tha em em a, tuilakna hi a harsa vak lem lova. Pipe an zawn a, chuan tui a chhuak nghal a ni mai a. Amaherawhchu, enkawlzui hi a awm thin lova. A department kan zawhin a enkawltu tur hi sanction a awnm lova. Pawisa hi a awm loh avangin M.R. tur takngial pawh kan la thei lo a ni. Chuvang chuan an thawk te te a, reiloteah a chhe ve leh mai ani. Hei hi a pawi ka ti a. Tlangram ai chuan tuilak hi a awlsam deuh a, a enkawltu tur, department-in chhawr tur a hlawhfa chhawrna tur pawisa a tam loh pawhin a theih ang chin chin pawisa dah thei se chuan a lawmawm khawp ang.

Tin, hei hi a enkawltu tur a awm loh bakah a department lam khan an hnathawh an supervise tha lo em mawni ! A chhan chu a thenah resoirver ah pipe an zawn lo a, pipe zawn hna te hi department tih tur an ti a, nikum hmasa khan Parva lam ka zuk kalin hei hi department in kan ti dawn an ti a. Mahse, tun thlengin tih lovin a la awm a.

Tin, hemi Demand No. 38 na Rural Development chungchangah tawite sawi ka duh chu, kan bial lamah chuan BADP pawisain hna chu an thawk ve a, mahse, khulam mi nilovin pawnlam mi tam zawk an ni thin a. Hna thawh hi duhthusam a ni lova, tin, hei hi supervision thalo nge ni? tih erawh chu ka hre lova. Chuvang chuan, a Department lamin a thawktute chu khawi ami pawh nise a supervision lam kha an uluk chuan a hnathawh hi athat ka ring a, hei hi kan Rural Development Minister zahawm takin mi rawn hriatpui se, a tha ka ti khawp mai. Tin, hei an Demand an putluha te hi he House zahawm tak kan Member zahawm tak tak ten pass pui turin ka sawm che u a ni, ka lawm e. Pu Speaker.

PU LALHMINGTHANGA

Pu Speaker, ka lawm e. Demand No. 44

Na atang hian kan tan ang a, Trade &

Commerce ah hian Helai hi kan sawi

Duh chu hei kan ram history kan thlirlet

chuan Sap ho hunlai India Independence hma khan kan sumdawnna hmunpui ber chu Lunglei District a Tlabung saw a nia. Tin, kan sumdawn kawng pawimawh ber pawh khawthlang tuipui kalna fuli kan tih saw a ni a. Tichuan, India Independence alo nia, partition a lo awm a, 'E' Pakistan a lo piang a, khata tang khan chhimlam ho saw chuanin sumdawnna kawngah hemi land-root-ah Silchar lam Aizawl kaltlanga kan tih a lo ngai ta a. Chu chuanin ei buh bar zawnnaah leh sumdawnna kawngah harsatna tam tak min siamsak a ni. Tichuan, hei hun a lokal chho zel a, kan Ram political status pawh a lo sang chho a tunah State puitling kan lo ni ta a. Tin, MNF unaute leh India Sorkar inremnaah khan hen g border trade te hi hmalak chhohna tur atana an inremna point zinga awm a ni a. Tichuan, chhim lam ho chuan kan beisei lian ber mai hi, sawlai hmun Demagri-ah sawn border trade center rawn awmin, tichuan, tuikawngah tlawm takin kan mamawh thil Bangladesh lam tena an neihte lalutin, tin, Zoram atanga annina an duh zawng kan thlai leh kan thil tharte kan thei tharte bakah kan ram leilung hmul phurh ina a ken ho leh mau te pawh tha zawka hralk inbeiseiin chu beiseina lian tak nen chuan vawiinni thleng hian kan thlirchho a ni a. Amaherawhchu, he House-ah hian vawi tam tak kan sawi tawh a, term hmasa Congress Sorkar rorel laite pawh khan kan han sawi a, hei hi beiseina neiin kan kalchho zel, mahse, vawiinni thleng hian tihpuitlin lohin a la awrn a, kan hotuten khata chhanna min han pek dan tlangpuiah hi chuanin Bangladesh leh India Sorkar inlaichinna hi a tha tawk lo a ni e an ti thin a. Amaherawhchu, tunah hian ngenna kan siam leh duh a chu tun aia nasa zawk hian kan hotute hian hma la leh ta selangin beiseina hi a awm theiin ka ngai a. A chhan chu Bangladesh ram va ritu State hi keini chauh kan ni lova, hei Tripura State in a ri a, Assam in a ri a, tin, Meghalaya in a ri a, West Bangal in a ri bawk a. Henghoah hian a Trade Centre hrang hrangah India Sorkar leh Bangladesh inlaichinna that tawk loh avanga tih theih loh thil hi an sawi lo tlat mai a. Chutih laia Mizoram bika harsatna an siam tlat a nih pawh hian thil dik lo in-justice kan hnam leh kan ram an State chungah an ti a ni tih kha kan Central Sorkar te pawh hriattir a thain ka ring a. Tin, Bangladesh lam pawhin Mizoram bika kha min thliar hran pawh a rinawm lova, kan chhehvela State dang hnam dang State te nena insumdawn tawnna an neih reng lai hian engtinmah min thliar hran bik kha a rinawm lova. Tichuan, vawiina Demand No. 44 na kan Minister zahawm tak Trade & Commerce changtu demand kan han sawi leh takah hi chuanin kan Sorkar hnennah hian a chhim bial aiawh hrim hrim leh sawmi Chhimtuipui District kan tih thin Lawngtlai District te leh Saiha District te leh Lunglei District te aiawh hian ngenna rilru leh tih tak zetin kan siam duh a ni. Tichuan, tun aia na zawk deuh hian tun aia thahnem ngai zawk deuh hian Central Sorkar lianah te pawh hma la ta selang. Tin, kan Chief Minister zahawm tak te pawhin hmanah khan Bangladesh ah

te a zuk zin a, a theih phei chuanin zin phah leh hial selangin. Sawlaiah sawn Trade good thar hi han buatsaih ta sela, heng kan thlai chin Sawhthing te heng kut hnathawkina kan thawh chhuah ve theih chi tunah Aieng te kan han ti leh ta a, chutiangin thil chi hrang hrang kan thing leh mau te. Mautam ah hian Mau pawh hi lo ro pawh niselangin paper mill ah te hian raw material an tihna kha a chhe chuang dawn lova, a ro leh a hring kha thuhmun reng a nih avangin sawtah sawn tam tak hrall chhuah theih niin a rinawm a. Chutiang chuanin sum hnar tha tak kan neih theihna lai tur a hi hawn lohva a awm reng hi a pawi takzeten ka hria a, chu chu kan ngen duh a ni.

Tin, hmanni khan Minister zahawm takin ka zawhna a rawn chhannaah khan khami administrative building atana 2003 a Central Sorkarin a rawn sanction nuai za leh paruk pawh kha aside hnen lamah pek leh vek a ni tawh a. Chuvang chuan State hian thuneihna kan nei manglo a ni tih ang deuh khan min rawn chhang a. A sides kha engeni a lam chhuah ti khan kan zawl a, kan Minister khan kan rawn hrilhfiah ang e a ti a. Hei hrilhfiahna tha tak min rawn siam sak a. 'ASIDE' aside han tih hi a lampum kha chu kan Minister hnen atang vek hian kan dawng ta a. Assistance to State for development of export infrastructure and Allied Services tihna mai a lo ni a. Hemi fund rawn kal hian kan State Sorkar thuneihna atang khan engmah khawih pawi a nein a lang lova. A fund hming mai kha an han thlak danglam ta deuh a ni tih kha a lang thei a. State hrang hranga export kan neih theihna tur atana infrastructure kawng laihnate, administrative building han siamnate. Tin, a tul ang dang trade center siamnate leh allied services a ti a. Khatiang ho chi kawk tur central-in tanpuina a rawn pek ho kha akawk mai niin a lang a. Chuvangin khalai pawh kha kan Minister zahawm takte khan, kan Sorkar khan lo thlir nawn leh ta sela. Administrative building han sak, Chhim lamin kan nghahhlelh em em maite hi a fund kha Zokhaw thar lama divert lova a ngaia dah leh a nihchuan a work execute chhoh mai hi chu daltu awmin a lang lo tlat mai a. A daltu awm ber anga han sawilai kha hei a lo chiangta kuar si a, chu chu ngenna kan siam leh duh bawk a ni.

Tin, pahnihnaah chuan hetah demand No. 25 na Water Supply and Sanitation-ah chuan integrated project kan nei mek a. Greater Aizawl Water Supply Scheme Phase II leh Solid Waste disposal scheme leh Storm, Rain_____ Scheme kan ti mai ang a. Khami pathum inkawp kha kan ram project zawng zawngah chuan a lian ber a la ni a. Hmanniah kan House Leader hlui, Congress Group Leader khan a rawn sawi lang tawh a. Crore 176 he scheme hian a keng a. Hemi hnuaiah hian Sorkar hian drainage hi a kalpui a. Hei, kawr hrang hrang a rem thain tunah hian a bei zel a. Kan hmu reng a. Amaherawhchu, Lunglei lamah sawn drainage leh sanitation lam hi helai khawpui anga hma lakna a awm lo hle mai a. Saw saw thil pawimawh tawpkhawk a ni a, kan ram tlang ram a ni hi vanneih thlak tak a ni a. Khawpui lian pui pui India ramah kan

hmua Zawlah an awm a. Entirnan Kolkata, Chennai, Mumbai, Delhi te. Drainage leh Sanitation system hian sum a ei hekin hna ahautak em em a. Mahse, mihring khawsaknaah leh khawpui thang zelah hemi system a that loh chuan hrisehain a tuar a, kawng tinrengin a tuar ta thin a. Chuan phaizela awmte chuan heng atan hian sum leh pai leh tha leh zung nasa tak an seng a ni. Keini ah hi chuan a awlsam viauna lai a awm a. Hei lutuk a sum sen tam pawh ngai lova, drainage system te hi kan siam chuan kan tlangram tlangpangah hian drain tha tak kan siam chuan monsoon tha tak Pathianin min pe a. Man power leh paper tam tak ngai lovin, tin, vehicle lifting a solid waste nasa taka tih ngai lem lo hian a tam ber hi chu storm rain kumtin a lo kal hian labour tam tak hu a thachakin min pailfai sak thin a ni. Chumi advantage chu khawpui than chhohna atan lak a pawimawh em em a. Tah hian Central Sorkar te pawh kan convince thiam chuan sum tam zawk hmuh pawh thil harsa lo turah ngai ila. Tichuan, Aizawl khawpuiah bul kan tan tawh a, tunah hian Lunglei khawpui saw khawpui upa tak a ni a, a thang chho ve zel a. Kan tuihawk luankawr leh veng hrang hrang a faina tur atana kan hmalakna pawimawh ber tur chu hei chiah hi a ni ta a ni. Tunah ka hriatsual loh chuan master plan deuh Lunglei khawpui tana siam kha beih mek niawm ten an sawi a. Chu chu tihchak theih nisela Krismas hma khan thla khat ka va cham a, tin, kum tharah hian thlahnih aia tam mah ka va cham a. Veng hrang hrangah ka kal a, Rahsi veng te saw veng upa tak a ni a, drainage system a nei tha lo em em a. Tuna venghlun kan tih tak tunhmaa Bawng veng kan tih te saw chutiang thoin sap ho hunlai atanga Lunglei khawpuiah chuan veng pawimawh tak a ni a. Remchang taka kawr siamna lai turte a tha em em a ni. Mahse, Scheme a awm that loh avangin khatiang kha hmuh tur a awm lova. Tin, Bazar phei te tin, veng lo piangthar deuhhlek Lunglei khawpuiah sawn Chanmari I & II te Electric veng te Venglaita tin, College veng te sawn an nei tha lo a ni. Tin, tlema a sabath area deuh mahse, khawhlun tak tak deuh pawimawh tak tak Zotlang Zohnuai Pukpui, Lunglawn, Theiriat, tin, vengthar deuhhah chuan Ramthar te. Chuvang chuan Water Supply & Sanitation-ah hian kan Minister zahawm tak hian khati zawng khan hma min lo lak s ak thei sela tiin ka'n rgen duh a ni.

Tin, Demand, No. 16 naah hian sawi ka duh chu kan Police service condition chungchang hi tunah chuan kan Finance Minister zahawm tak khan Budget a present a kan pawisa non-plan lamah te pawh kan dinhmun a lo that hret dan a sawi chhuak a, kan revenue expenditure leh kan receive in balance dan pawh a that chhoh dan a sawi chhuak a. Pu Speaker, minute khat chauh min pek belh la, ka hnungah tumahin an sawi dawn tawh si lova. Khami lai advantage kha min pek belh theih chuan ka va lawm awm ve. Tichuan, Police Manual te pawh kan nei chho va, Police Service pawimawh dan chu he House hian kan hrechiang theuh va. Kan nun ralmuang tak leh thlamuang taka kan mut theih leh theih loh thlengin kan service ah hian a innghat a ni. Tichuan, hman atanga kan au pui tawh, Assam Police Manual kan neih thlak a tulzia te kan sawi thin a. Heng

kan siamthat loh chuan an Service conditition te pawh siamthat theih a ni love kan ti a. Nichin lamah pawh zawhbelh naah te an ration money chungchangte an clothing chungchangthu te, Rifle allowance tih te kid allowance tih angte thleng khan. Chung chu tunah hian Sorkar chuan manual chu a rawn siam chho ta a, hman tan a lo ni ta a. Khatiang ang dungzui chho tur khan heng hi kan sum dinhmun pawhin a lo zir ta deuh si a, tihsan sak deuh an tha lawm ni? chu chu kan ngen duh bawk a ni. A piah lamah sawi tur a tam viau mai a, chumi rual chuan Police ho zingah hian zurui leh engemaw a daptu ni si a, a in leh tu nih mai te, a hrakh leh tu nih mai te pawh hi a thangin beng te a lo thleng ve nawk nawk thin a. Chuvangin, an service a pawimawh rual hian khati lam discipline te pawh kha tha deuhvin Police lam hian hotute pawhin lo en chho ta sela, hnam tan a hmingthat thlak ang a, a van lawmawm dawn tih kan sawi duh bawk a ni. Ka lawm e, Pu Speaker, hun min pekbelh a.

S P E A K E R

: Awle, ka pek belh che pawh a ni chiah lova, I in pek belh niah ngai ta ila. Awle, kan chawhma hun a tawp a, kan chawl rih ang, chawhnu dar 2:00 ah kan thukhawm leh dawn nia.

Afternoon 2:00 PM

PU SAILOTHANGA SAILO :

Pu Deputy Speaker, ka lawm e. Demand No. 16 na : Home hi a pawimawh hle a, kan ram chhunglam leh pawn lam damna leh dam lohna keng kawhtu kan Police te an chhuanawm ka ti khawp mai a. Tichuan, Pu Deputy Speaker, a hmasa berin Police Reform chungchang hi tawngkam hnih khata han belh ve ka duh a. Kan Minister zahawmtak khan a sawi tawh a, Police Reform hi Supreme Court Directive ang khan point 6 in rawn ti tur a ni, an rawn tihte zingah khan a then chu tih a ni tawh a, a then erawh chu ngaihtuah zui tur leh tlem a kan state tan pawh a harsa deuh te kha a awm ni tur a ni. Engpawhnise, he Police Reform hi chak zawka kalpui theih ni se tih kha ka han rawt duh a. He Police inrelbawl dan hrim hrim hi state sorkar te kuta awm a nih tlat avangin state hrang hranga Police te dinhmun pawh hi a inthlau viau reng a, state thenkhat Police dinhmun a chhiat viau laiin, state thenkhat erawh chu a tha em em a. Chutih lai chuan kan Police te hi kan chhuang a, chutah chuan tawite in serh hran bik an nih thu hi ka'n sawi duh a. Kan Police te hi hnathawk tur a an thuam famkim a, an in bel chiah hian Pasaltha, vantlang lak atanga serh hran danglam bik an ni nghal a. Mifel leh nunau te thian leh thlamuanpui, misual te hlauh leh biruk san an ni thin a, mihringte venhim hna, human right, thleih bik nei lova, Police te kut-ah hian a in nghah tlat avang hian he Reform hna hi chaktaka kalpui nise ka duh a. Tichuan, kha Supreme Court Directive point 6 te kha chu ka sawi hman lova, kan sorkar te kan ring tawk a.

Tichuan Pu Deputy Speaker, ka sawi leh duh chu, Forensic Science Laboratory hi Session hmasa-ah pawh ka lo sawi tawh a, ka ngaipawimawh em em a, heng zinga kan neih ngei ngei tur Forensic Science Laboratory a pawimawh em em, Biology Division te, Serology Division te phei chu pawngsual thubuai atan hian pawimawh bik a ngaih a ni a. Tin, hei DNA, Brain Finger Printing han tihte leh Forensic Engineering han tihte, Narco Analysis leh Lie Infector heng ho zawng hi kan neih thuai thuai a ngaiin ka hria a. Tichuan, Pu Deputy Speaker, Forensic Science Laboratory hian mimal zalenna kan humhim theih nan leh thilsual titu diktak chu dan anga hrem a lo nih theih nan, sulhnu chhuina Scientific Investigation leh Scienctific Evidence atan thil tangkai tak a ni bawk a. Chuti chuan he Forensic Science Laboratory hmang hian thudik hailanna kawnga hmanraw pawimawh tak a ni. Tunlai kan khawtlang nun lo chir chho ta mek ah hian he Forensic Science Laboratory changtlung tak a neih hi hmanhmawh chi a nih ka ring a.

Tin, Police Reform chungchanga a ken tel pawimawh em em Kawnpui Police Station tih changtlun hi he sorkar hian min ngaihpawimawh sak sela. In 1300 vel kan awm a, mihring 10,000 chuang kan awm

a, Kawnpui Police Station tihchangtlun na turin sorkar hian theihtawp min rawn chhuah se kan duh bawk a. Tin, Police Housing hi a pawimawh em em a, Police te kan thuamthat a, India rama Police tha ber ni tura kan duh bawk si chuan kan Police te kan duat a ngai a, an harsatna kan tanpui angai a, In leh lo chenna neilo tan he Police Housing hi kan ngaipawimawh bawk turah ka ngai a.

Tin, Home Guard pawh hi theihtawp in hna an thawk a, kan ram tan, hengte pawh hi kan ngaipawimawh turah ka ngai bawk a.

Tin, Fire Service Organisation pawh hi Pu Deputy Speaker, chak zawk leh hei aia awmze nei zawka hmala tur in ka duh a. A theih chuan sorkar in survey nei sela, Aizawl khawmun pawimawh deuh deuh ah Fire Service Station te hi neih belh a pawimawh hle in ka hria a. Hman kum khan ka In a kang tawh a, khangte pawh khan hnaite a tilovin, kangthelh Motor khan in thelh hman lo a ni. Tin, kang an awm reng rengin, in thelh hman ngai mang lo. Chuvangin, sorkar hi tlem a ngaihtuahna in hman a tha in ka ring a.

Tin, Pu Deputy Speaker, sipai ram luah hi man pek loh tamtak ala awm a, chuvangin, kan bial chhungah pawh Bualpui te, Kawnpui te, leh Bukpui leh khawdangahte pawh sipai ho in buai lai a an in leh lo an luhsakte, vawiinni thlenga la pekloh hi pe thuai turin sorkar ka'n ngenpui nisela. Tin, rambuai compensation hmu tawh, an awmlai in la hmu lo mitamtak an awm a, hengte tan pawh hian kan han sawi sak ni bawk se la.

Tin, Demand No. 25-na, PHE-ah hian :
PHE ho hi Kawnpui bialah khu chuan nasa taka fak an phu in ka hria a, hmun hrang hrangah nasatakin hna an thawk a, kan bial tan hna an thawk tha em em a ni. An thawk tha thlawt a, ka'n ti leh ang : tichuan, kum 60 teh meuh kan lo nghah Kawnpui tui lak, Kawnpui leh Bualpui leh Thingdawl chawmthei tur nikum favang khan kan Minister zahawmtak in min hawn sak a. Kan mittui a tla hial a, kan lawm a ni, lungchhiat thlak kan ti. Tin, chutiang bawkin Lungdai leh Serkhan tan tunah khuan an ti leh mek bawk, khu pawh khu tunah tihpuitlin kan duh a. Tin, kan sawi tawh ang khan, N.Hlimen leh Thingthelh ah tuilak nan he sorkar hian nuai 200 chuang zet min pe a, kumthar-ah hna kan tan thei dawn a, kan lawm khawp mai. Amaherawhchu, chutih lain tuna awm ang angte tui harsatna khua, heng Bukpui te, N. Chaltsang te, Lungmuat te leh Zanlawn te tan khuan khawngaihtakin tun maia tih theih loh anih pawhin maintenance atangin kan tuikhur awmsa leh engengemaw khu improvement min thawhsak sela, tih kha ka duh a. Tichuan Hortoki leh Nisapui tan pawh kan tui line thalo te min thlak sak mek in leh kan tuizem te pawh a reserviour ani ang chu, chungte pawh chu hei, min repair sak a, an thawk mek a, kan lawm em em a ni, tih kha ka'n sawi duh niselangin.

Tichuan, Pu Deputy Speaker, Demand No. 33-na : Soil-ah hian kan kal leh lawk ang a. Soil hi Coffee Board khuanin Mizoram Coffee Grower ho hnenah hian 15,000 vel an rawn pe ve thin a, a beitham em em a. Tin, Lungdai bikah khuanin Coffee Grower-te insiamin Self Help Unit te insiamin, In tha takte an sa thei a, khung ho khu tanpui an ngai hle-in ka hria a. Kuminah hian, Coffee 200 qtls. zet thar kan in beisei a. Tichuan, khu an coffee siamna hmunah khuan thlai chi hrang hrang phun theih tam tak awmte khu, coffee grower, Lungdai-te khu duhsak bik nise, tiin kan han sawi leh duh a.

Tichuan, hetah Demand 44- na, Trade & Commerce-ah hian, ka'n sawi leh duha chu, Bazar-a Trade & Commerce ina In in sak nikum lama hawn tawh tura ka ngaih, vawiin ni thlenga la hawn loh saw, a rang thei anga hawn dan a awm em? tih a kha, Sorkar kan ngen niselangin, hemi kan Foreign Trade, khimi Zokhawthar leh Kawpuichhuah pawh hi tun aia chak zawka kal theih nise ka'n duh bawk a.

Tin, chulo lehah chuan, Demand 38-na RD ah hianin, RD hi hmannia kan sawi ang deuh khan, tingtai hrui kimlo a perh leh tingtang perh dawna herh millo a perh ang ni tawh lovin, a dawng tur ten dawng thin selangin IAY ahte, PMGY ahte leh Food for Work, inhlawhna ho reng reng-ah khanin Sorkar hianin tha taktakin rawn ti zel selangin, thlei bik nei lovin. Tin, BADP ina min huam ve lohte kha, khawi maw kawng atanga sawh hek dan awm se kan duh bawk a. Tin, Pu Dy. Speaker, tun atang chuan, PMGSY hi tawp dawn tawh anga sawite a awm dawn dawn bawk a. Hengte pawh hi kan Minister zahawm tak hian rawn hrilhfiah nghal se, ka'n duh a. Pu Dy. Speaker, hun hi a tlem thin a.

Tichuanin, a tawp ber atan chuan kan Police-te hemi Form chungchangah chuan thil tam tak ken tel a awm ang a, vawiin niah kan sawi seng lovang a. Kan sawi ang khan kan Police-te hi an thuam famkim a an inthuam hianin serh hran bik, mi danglam bik an ni tih hre rengin, an mualphona-te pawh hi tun aia a lo tlem zawk theih nan siam that a ngaiin ka hria. Ngawi rawh Pu Speaker, minute khat chiah, kan hmingchhiatna pakhat chauh ka sawi zo tep. Tin, Chhatisgarh-a kal tur kha hmingchhiatna kan nei a, tute emaw an lo tlanbo avang khanin. Sap tawng Chanchinbu darhzau tak 'The Telegraph' chuanin 'Mizote ti hmingchhetu' ti khanin a rawn chhuah a ni, tun hma kan hmingchhiatnate awm tawh lo turin Sorkarin tan la zel sela tih ka sawi duh a ni. Ka lawm e.

PU K. LALRINLIANA

: Pu Deputy Speaker, ka lawm e. Hei vawiin ni-ah kan Minister zahawm tak takte pahnih Demand kan sawiho ani a. A hmaa Demand kan sawiho tawh, kan passed tawte nen khan tun kum kal lai mek, hei tunah March ending kan kaichho mek ani a. Tun kum chhunga hmalaknate han chhui kirin an fakawmin vawiin nia Demand pawh hi pass pui tlakah ka ngai a.

Han sawi duh ka neih a chu Demand No. 16-na Home-ah hian, Law & Order vawn that chungchangah kan Police-te an chhuanawm zia-te, hma an lakna te, India ram pumah pawh a ti tha pawl an nih ziate, nichin khan sawitu tam takin an rawn sawi tawh a kan ngaithla a. Vawiin niah hian a takin kan hmu a, kan hria a ni.

Hei keini Kolasib District-ah hian a dik takin han sawi ta ila. Mizo mipuite kan rilru a riak reng mai, Sumo suam tihte, Night Bus suam tihte kan nei thin. Nikum khan kan Police ten khulai hmunah Gundha ho ti mai ila, Bus leh Sumo suam thintute kha an riahbukah luh chilhin, engemaw zat kahhlum niin engemaw zat man an han ni a. Tunah chuan insuam tih thangvel pawh kha reh ta-in, keimahni State chhung mai nilo, Assam State leh Meghalaya State inkara zin veivakte tan pawh ralmuanna a lo thlen theih phah hi a lawmawmin ka hria. Chung lo pawh chu kawng hrang hrangah Police hna thawh that tam tak awmin ka hria a. 1999 khan hel inpe engemaw zat kan nei a, MAIDA te kha 47 lai inpe an ni a., HRF te kha 2000 kum khan 18 an inpe bawk. Tin, BNLF te kha 2005 kum khan 195 Mizoram Sorkar kutah an inpe leh a. Tin, BLFM te kha tum hnihah inpe-in, tum khatah mi 53 tin, a dang lehah mi 804, an vaiin 857, 2006 kum khan an inpe bawk a ni. ZFF-te mi 3 2006 kumah an inpe bawk a ni. Hengte hi kan Police-te hnathawh that leh kan ram hi heng Helho-te paw'n thlamuanpui nan an hman zia hria a, chutianga kan Sorkara rawn inpe an nihna hi a ropui ka ti a, an hnathawh rah a ni tih kha sawi loh theih loh a ni.

Tin, I.R Bn. Chhatisgarh -ah 2006 ah an kal a, vawiinni thlenga an record han enin a tlangpui thu-in an tih chhiatna em em sawitur kan hre lo, an fakawmin ka hria a. Kan ram atanga hetiang anga mi ram India ram laili laia buaina thenkhat lo awmte tireh tura kan tlangvalte huaisen taka an pen chhuak thei hi an fakawm ka ti a, an chhuanawm ka tiin an hnathawh hi kan hre reng ang tih ka ring tlat a ni. Tin, vawiinni-ah 3rd Bn. IR lak a ni leh mai dawn a, tihfel a ni tep tawh tih kan hria a, hengte hi kan thalai tamtakin hna

hmuhnan, ram venhimna kawng-ah pawh nasa taka inpe tur kan nei thar dawn a, a lawmawmin a ralmuanthlak ka ti a. Tin, Mizoram Police Manual 1.5.2006 atang khan kan nei tan thei kha a lawmawm ka ti a, nichinah pawh kan ngaithla tawh a. Tin, tukin zingah Question Hour ah kan Minister zahawmtakin Police te nunna, Life Insure kan tihsak thei kha a ropui ka ti a, hei hi Department tin pawhin a an entawntlak niin ka hria. An nunna atan, engemaw palhah an chhung leh khat ten Life Insure mai bakah pawh zangna dawmna chi hrang hrang kan nei a ni, tih te kan han ngaihthlak kha a ropui ka ti a, an fakawm hle in ka hria a ni.

Tin, hei Internet-ah North-East State hrang hrangte dinhmun tihlan a ni a, Nagaland leh Assam ah in rikrapna leh in thahna a tam em em ani, tih an rawn tilang a. Mizoram chu a ralmuang ber ani, tih tihlan a ni leh tlat mai. Vawiinni a record thar berah pawh chu chu a ni leh tlat. Chuvang chuan Mizoram hi a Peaceful State anihna kha puannawn leh a ni. Internet-ah a lang tlat a, a ropui in kan Minister leh Department a thawkute thawh rah a ni, tih kha a chiang em em a ni.

Tin, Demand No. 25 - PHE ah khan han kal leh lawk ka duh a. Hei, GAWSS -II Pump chhuah theih a ni a, hawn a la ni lova, hawn anih hma hian thian thenkhat ten kan helh em em kha a mak ka ti a, nichinah kan member zahawmtak tak ten an sawi a, kan hawna mipuite chhawrtheih a semral anih hma khan, a thalo zawngin kan sawi vak mai a, thawhthat lohna leh engemaw siam that ngai nia kan hriat kan sawi chu nise thudang a la ni a. A hawn theih hun, a Commission theih hun tura hi kan huphurh nge ka hre lova, a engamah hma in kan sawichhe vak mai kha chu thildik niin ka hre lo. Pu Deputy Speaker, engpawhnise, a tir atanga a chip a chiara sawi duh tan chuan sawi tur tamtak a awm ang. Aizawl tui lakna Phase-I hi mi singsarih vel ei theih tura tih a ni a. Vawiinniah Aizawl State Capital ah mihring hi nuaithum deuh thaw kan lo awm tawh a, Phase – II trial thei a an awm hi chu a ropui a ni, lawmthu sawina tur hliah hliah niin ka hria. Reilote-ah kan hawng thei dawn, kan Commission thei mai dawn niin a lang, hengte hi a lawmawm a ni.

Tin, Pu Deputy Speaker, Soil and Water Conservation ah khan kal ta ila; hei nichinah Kawnpui bialtu MLA zahawmtakin a sawi a, Coffee chin uar a pawimawh ka ti a ni. Hmanni kar hmasa lawk North East News ah khan Mizoram a Coffee Board lo awm ten Coffee an tharchhuah hi India ram a Coffee tui pawl tak a ni. Coffee tha pawl tak an, tih an rawn puang a ni. Khu, keini chuan a ta in kan hmu zing a, khawl te Coffee Board in an rawn bun chho mek a, tunah khuan Bualpui ami khu tih changtlun mek a ni. Tin, kan ram leilung hek tur venhimna nipah fawmin, Coffee kan lo thar theihna tur khatiang a Coffee tha chi

kan thar theihna tur anih dawn chuan, tun aia nasa hian tan lak a tul mang e aw, ka ti a ni. Tin, kan lui lian ina leilung a eiral zelna thin, entirnan Bairabi-ah pawh, Teirei leh Tlawng infinna laiah tui a lian a, tui a vir mup mup a, chu chuan khawmual hi a rawn eiral thin a. Tunah khuan kan khua Bairabi khaw in thenkhat phei khu chu min hlauhawm khawpin a then phei chu an compound a timin tawh a, chutiang chu a ni a, chung han venhim hna chu thawk turin Soil and Water Conservation Department hian tan an la tawh em, tih ka hre duh a. Tlem a zawng chuan hma an la ni te in ka hria a, chulai chu nakinah kan Minister zahawmtakin min chhan theih chuan a lawmawm khawp ang, tih kha ka sawi tel duh a.

Tin, Demand No. 38 na - Rural Development-ah khan sawilan leh ka duh a. Hei R.D hmalakna hi a chhuanawm hle a, miharsa zawk, thingtlang khua a miten kan chhawrzia hi vawiinni-ah chuan a hre tute kan ni a, sawi tam pawh ngaiin ka hre lova. District Headquarters tinah DRDA Project Director Office paruk lai sak a ni tawh tih District tinah kan hria a, keini-ah pawh khuan sak niin, tunah khuan a building thar te kan han neih belh a. Chutiang chuan, hmun hrang hrangah BDO Office te pawh hawn thar zel niin, hengte hi hnai zawk a, heng RD hnathawhte mirethei tena an ban phak, miretheite chanpual a diktaka kan lak theih na tur atana inpuahchahna niin ka hria a, a lawmawm ka tiin a chhuanawm ka ti a. IAY te, PMGSY te leh thildang miharsate chanpual tur ang chi pawh anihna tur ang takin an dawng chho niin ka hria a, Pu Deputy Speaker, sawitur tamtak a awmin ka hria.

Trade & Commerce lamah pawh an hnathawh sawitur, Border Trade chungchangah pawh sawitur tamtak a awm ang. Mahse kan sawi vek seng lova. Khang ka han sawina atangte khan kan Minister zahawmtak takte pahnih Demand hi Pass ngei thei ila, tih ka sawi duh a ni. Pu Deputy Speaker, ka lawm e.

DEPUTY SPEAKER : Awle, dinglam leh veilam kha inchhawk ila a tha in ka hria a. Awle, Pu H. Lalsangzuala kha nichin khan a phar a, i sawm ang u, a ni hi a awmna a kil deuh a, i duhsak ang u hmiang.

PU H. LALSANGZUALA

:

Pu Deputy Speaker, ka lawm e. Hei tunah kan Department pawimawh em em mai pahnih kan sawiho tlang a ni a. Tluangtaka kan pass ngei pawh ka duh a. Abik takin

Home department phei hi chu sawitur a tam hle in ka hria a. Kan himna leh lungmuang taka kan awm theihna tur atana min vengtute Department an ni a. Heng kan ramah pawh thilsual lian tham tak takte kan la tawng tam lova, mahse kan tawn ang chinah pawh man lohin a awm ngai lova, tualthahna rapthlak tak tak mai te, state pawnah thleng pawha man thei Police rual kan nei a, an ropui ka ti a. Hei Police hi a biktakin magnet an nei e, tih hial thin an ni a, man theih awm lova mipuiten kan ngaih pawh hi an tih an tih chuan Investigation an nei a, a tawpah an man leh nawlh mai thin a. Chuvangin tih takzeta hna an thawhna-ah hian an fakawm ka ti a, ka fak duh a.

Mahse, chutih rual rual chuan Pu Deputy Speaker, kan la hre theuh ang a, kum 2003 MLA intlhana Suangpuilawn biala in kidnapped na khan kan ram a nghawrnghing a ni ber a, a ram buaiin kan buai a ni a, tunthleng maia man loha an la awm thei hi thil mak a ni a. Hetah hian engnge a chhan leh vang ni ang, tih hi ngaihtuah tham tak niin ka hria a. Tunah he House zahawmtak-ah hian vawi tamtak kan sawiho tawh a, Investigation leh thubuai kallai a ni e, tih a ni a. Mahse, chutih rual rual chuan khilai intlan laia an in kidnapped na In neitu BDO pawh tunah Kolasib ah a awmthla leh tawhin, eng angin nge an re-instate kan hre lova. Tin, PSO pathumte pawh kha suspend niin, reilote-ah a fel leh mai a. Mahse, tunthleng khian charge-sheet pawh la pek theih lohin a la awm a ni. Chuvang chuan, tunah khian khilai kidnapped na area bawra awm, kan Police te chuan thil tamtak an sawi a ni. Tin, chumai bakah, Aizawl khawpui chhung mai pawh nilovin, Mizoram-ah hian kha kidnap na, Candidate te tla nen, kidnap tawk bawk si nen, miin an lainat hle in ka ring a. Amaherawhchu, tun thleng mai a man theih loh hi enge a chhan leh vang? Kan Department hian tan lak a va ngai ve, ka ti a. A diktakin kan ram a barakhiah a, tunah phei chuan mipui hianin kan sawi peih tawh lo, thil nuihzat thlakah, fiamthu thawh nan kan hmang mai mai a ni a. Amaherawhchu, chutih rual chuan kei chu ka nuih a za tlat lova, ka bial anih avang ni lovin, he kan ramah hianin kha thil khan thil tha lo gung culture kan tih hi a thlen thei a ni.

Tunah pawh intlan kan hmabak dawn, nichin lawkah Saitual bialtu zahawmtak thusawi atang te pawh khan ka ngaihtuahna-ah a lo awm a. Border area a bial neitu te chu kan tim sawng sawng mai a ni. Chuvang chuan, hei hi kan ramah Christian ramah thil tha a ni thei dawn em ni? Chuvang chuan, tunah hian kan Home Department pawh hian chak zawka hma la

turin he thilah hian beiseina sang tak ka neiin ka ngen duh a ni. Chutilo chuanin nakin lawkah inthlan kan hmabak ang, chungah chuan a aia rapthlak zawk kan la thleng ang, tih pawh hi a sawi theihloh niin ka hre tlat a ni. Chuvang chuanin, he inthlan laia thubuai kal a kha enge tunah a dinhmun? Charge sheet te pawh hi police te pawn Pu tena pe rawh, an tihloh chuan an pe ngam chuang bawk si lova, chuvang chuan chargesheet te pawh hi tunah hian a rei ta, kum 3 a lo ral tawh mai a. Hei kum 4 na kan hmang tep a, tunthleng tlenga hei chargesheet lova awm chho a hi thil kalphung pawh niin ka hre lova. Hei hi a chhan leh vang min chhuichhuah sak hi ka beisei tlat a ni.

Tin, chumai nilovin, border area hrang hranggahte chuanin hei kan chheh velah hel tamtak te an awm tih kan hria a, chung ang te pawh chuanin kan ram Police te hi an tha tawkin an rinawm tawk a ni. Amaherawhchu, a ruaitu leh a kengkawhtu tena kan hman thiam siloh chuanin engmah hi awmzia a awm thei dawn si lova, chuvang chuan kan Police chhuanawm tak takte, he kan ram tana mi pawimawh annihna ang taka engkim a thil sual leh thil diklo te chhuichhuak zung zung tur hian huaisenna te, rinawmna te an neih ngamna tur hian kan tih a ngaiin ka hria. Amaherawhchu, engpawh nisela, huaisenna leh an taihmakna te, an thawh thatna te theihtawpa tilang turin tunah Pu tena thupek an neih siloh chuanin anmahni in tunah record tha, chawimawina tih kawngah tepawh lak an duh ang, huaisen taka hna an thawh theihna tur atan an kut hi phuar loh ni sela, he kan ramah thil tha lo tamtak chhui chhuah kawngah hian kan Police te hian hma an sawn ngeiin ka ring a ni.

Tin, pakhat lehah chuan, hei RD Department ka sawi leh duh a, RD Department hi bial pawimawh ka ti a, kan ei leh bar, kan nunna ti ila kan sawisual pui awm love. Chawhmehte kan ti, buhfai te, kawng engkim mai hi zokhua atanga kan ei a ni a. Tah chuanin, kan mi pawimawh an nihna ang hianin Rural area kan enkawlna kawngah hianin Rural Development Department hian tan a lak a tul hle in ka hria a. Entiran, tuna ka bial chhunga khaw pakhat Luangpawn khua chu an khua kha tlangchhip-ah a awm ringawt mai a, Phullen atangin buhfai an phur chho a, an han e thla leh ringawt mai a, changkanna tak tak a awm lo a ni. Ram zalenna sual lai pawh khan, bankerte pawh kha awmin khilaiah khian camp ropuitak a awm a ni. He sorkarna kengkawhtu Ruling Party tan phei hi chuan khaw pawimawtak niin ka hria. Chutah chuan kan CM in "Kawngpuiah hian lo chhuk thla ula" tiin a rawn a, tahchuan kan CM zahawmtak tawngkam hi chu official ni-ah an ngai ve a. Tahchuanin, in ruk an chhuk a, a bak erawhchu an la awm thap mai a ni. Tahchuan, Rural Development Department atangin sum an khua-ah khian a lut tawh mang si lova, khawthar turah khan mipuiten in leh lo an dinna

tur atan RD department in sum a pe bawk si lova, dinhmun laklawh deuhin an awm ringawt mai a ni. A kal hmasa in ruk ten tihngaihna an hre bawk silova, zu te an zuar ta a. An khawtharah khan in rukin zu an zuar ta vek mai a ni. Chutiang chuan khilaiah khian bial thianghlim tak, a khaw bul lawk Phullen khuate pawh a ti bawrhbang em em a ni. Chungahte pawh chuan RD Department hianin LAD ina thingtlang Rural Area a bial tak loh hnuah hian RD Department hianin eng eng hing a hnathawh aw! tih ka ngaihtuah thin a. Tunah pawh insak tanpuina hi Mizoram ah hianin engzatnge awm, pathum theuh han pawt chhuak sela, khawthar dinna tura kha chu a khaw zatve aia tam kha an lut mai dawn a ni a. Luangpawn chu in 90 lek a ni a, chutiang dinhmunah an awm a, hmanni lawk khan epidemic a awm a, mi paruk an han thi lehngthal a, panga an rawn phur thla a, tiang chuan kan buai em em mai a. Anmahni khua khi develop a awm bawk si lova, LAD atanga an khaw thar tur cheina tur atana 3 lakhs vel an lo sanction bak kha sanction a awm ta bawk si lova, chung dinhmunah chuan an awm a. Chuvangin RD Department hian thingtlanga rural area te hi hetianga harsatna chi hrang hrang, khawsawn mai pawh a nilo ang a, harsatna lianahte hian tan a lak a tul hle in ka hria.

Tin, chulovah miharsa te te an lo ni a, kut hnathawktute, inhlawhnate an lo mamawh a, tahchuan, a agencies ah VC te an ni a, amaherawhchu, Party Worker tena VC te chanai an la fo mai te hi thil tha lo niin ka hria a. Tin, khaw chhungah nise in tha nei tawh sa, chhuat a carpet phah tawtena insak tanpuina an han hmu thin hi thil fello niin ka hria, chunglai karah kan han zin pawhin MLA tena kan han hmuh ngei kan ngaihpawimawh kan sawite, MLA in quota kan lo nei hauh bawk silo. APP ah khung turin BDO a lo ngai leh bawk si a, hengahte pawh MLA te kan zin hi chuan sorkar zin angah min lo ngai ve a, an harsatna te an lo sawi thin a ni. Chuvang chuan, RD Department hian tan a lakna tur hi a tam hle in ka hria a. Department pawimawh anih ang hian thingtlang miharsa zawkte tan theihtawpa tanla turin ka duh a, ka han sawi a ni. Awle, ka lawm e.

PU LALCHHANDAMA RALTE :

Pu Deputy Speaker, ka lawm e. Vawiin-ah kan Minister pahnih Demand Department 6 ta tur kan sawi dawn a ni a. Tawi te te in han sawi kim hram ka duh a.

A hmasa berin Demand No. 18 na - DP & AR hi ka han sawi hmasa duh a. Kan sorkar hnathawk ten hun reitak atanga sorkar a an lo nawr thin, nghakhlel taka an thlir thin Promotion hmu lova post ngaia awm thin ten ACP Scheme hman ve ni rawh se, ti a an lo dil thin chu kan sorkar, a biktakin a changtu Minister thahnemngaihna avangin 28.9.2006 khan hman tan theih tur atana ACP Scheme a han ti chhuak hi, sorkar hnathawkte chunga he sorkar ngilneih zia pholanna niin ka hria a. Tin, kan sorkar hnathawkten an Pension Age kum 58 ni thin, kum 60 ah nise tihte kan lo tihsak tawh a, chutiang chuan chi hrang hrangin India ramah pawh state-ah sorkar hnathawk hlawh tam ber kan ni hial awm mang e, tih khawp a hetianga sorkar hnathawk duhsaktu Ministry leh enkawltu DP & AR enkawltute chungah pawh lawmawm ka ti hle a.

Tin, kan MPS te, MCS te kan MFS hote Central Service a an luh theihna tura kawng awm chho-ah engemawzat tunah hian he sorkar in nikum lawkah te pawh IAS ah te, IPS ah te kan han nei chho a. Tunah hian kan Senior Officer te promotion due tak tak awm Central Ministry-ah tang mek awm niin a hriat theih a. Hengte pawh hi a rang lama tih chhuah a, kan Officers te hamthatna tur hi tih chhuah hma theih nise tha hle in ka hria a Hmanni khan ka zawhna pakhat a lo chhuak tawh a, kan zirlai lekhkhathiam te hna an zawnna kawngah tunlaiin kan service zahawmtak tak kan MCS te, MPS te lak tum hnaihna a awm em, ka ti a, reilote-ah lak tum a ni, tiin a post ruak te nen min rawn hrilh a. Hengte hi a hma thei ang a tih niselangin. Tin, kan MPSC te an thawk tha in ka hria a. Tunhnai-ah State Service Officer turté kan lakah an hnuai a an lak te mizo mipuite pawhin rintlak ni a kan hriat tak tak an la thin te, hei hian he sorkar hianin mithiam tute pawh an thiamna ang tak taka an in haichhuahna turin political thil engmah ngaihtuah lovin, tu chungah pawh a zir peih leh a ti tha peih te chu hlawhtlinna an nei thei a ni, tih a tilang thei a. MPSC in a lak apiangte mitha tak kan nei zel te hi a ropui hle in ka hria a ni.

Tin, Demand No. 16 na – Police Department ah khan han luh leh lawk ka duh a. Law and Order ah nichina kan ngaihthlak tak Kolasib bialtu in a sawi tak ang khan, Internet in an down load danah hian tihan a inziak a, “Mizoram has against taken the trophy for being the most peaceful state in the reagion. Mizoram was given a peace bonus by the previous an Indian design for containing with its government report”, a ti a. Kan state thenawm ten harsatna an tawh laia hetianga internet-ah te pawh kan hnam hmel mawina tur a tarlan anih theih nana thawktu kan Home department amite, kan NGO te leh kohhran hruaitu te nen thawh hona tha kan neih na tura’ kan Minister inpekna

te ropui ka ti a. Hei hi kan ram tan rohlu a ni a, vawn nun a tha a ni. Tin, ngaihthlak tawh angin rate te pawh alo tla hniam zel te a ropui ka ti a, nikum lawkah khan BLFM te mi 800 chuang an rawn lut an ti a, an in surrendered an ti a ni. Amaherawhchu, tun hnaiah pawh thawm kan hre thin a, chung zingah chuan khua leh tui diktak lo te pawh an awmlo maw tih te a awm avangin tun hnaiah kan NGO te kan sorkar hotute nen an fehchhuah na-ah mithenkhat chu rinhlelh deuh niawma hriat te pawh an awm niawm tak a ni. Heng kawngah hian sorkarin kan hnam himna turin chik leh zuala min bih pui a tha in ka hria.

All India a case detection siam chungchangah record en pawh hian kan Police te case an chhuina kawngah an thawk tha hle a, duhthusam ni lovin thil thenkhat awm mahse tun hunah te chuan an thawk tha hle a ni. Nikum 2006 chhung khan Inner Line Permit hmang dik lo mi 2998 man niin record kan hmu thei a, Inner Line Permit hi hei aia khawng leh zuala kan enforce tulin ka hria a, kan ram leh hnam himna turin a keng kawhtu Police te leh a kaihnawih te pawhin helai hi fimkhur lehzuala an en a tul a ni.

Tin, 3rd Battalion IR lak mai tur May thla laihawl a training zawm tura Home Minister in House min hrilh tawh-ah khan lawmawm ka tih chu, talent nei tha, abik takin Sports te tan 3% reservation an siam a, hetiang ang hna lakkur kan thalaite tan in elna tha an siam hi a ropui ka ti a ni. Tin, kan sorkar hnathawk huang chhungah, a bikin kan Police ah te hnathawk tha kan neihte promotion kan pekna turah hian dan fello awm in a hriat theih a ni. Kan Police Officer zingah pawh S.I Vanlalduata kan tih te pawh chhuanawm tak mai, a awmna apiangah kan thlamuanpui chin te pawh a awm a, heng mi bik ah hi chuan an phu ang a thil han tihsak fo te hi chawimawi phu kan chawimawi a, service tha, inelna tha kan neih theihna tur leh competition sang karah hian heng ang chi turte hi kan tih fo a tha in ka hria a. L.R Bawlliana chungchang ka sawitawh bawk kha. Police Manual thar neihah dan leh hrai kim hlel deuh a kan hriat mi bikte tan a Promotion Rules awm kim lo deuh a awm anih pawhin ennawn hma nise.

Kan member Kawnpui bialtu sawi ang khan Fire & Emergency Service hi tunah hian duh aiin thuam thatna kawngah kan sum indaihloh vang nge, hei aia chaka kan en hi tha in ka hria. Kangmei hlauhawm thuah, in leh lo kan in sak hnaih si a, kan Fire & Emergency Service te hi hei aia ngaihpawimawh zual a tha in ka hria.

Thil pakhat ka ngaihpawimawh, tukinah pawh kan sawi tawh chu, kan Police te hnam himna an ni kan tih lai hian, an Moral ti chhe zawng tur ang hian House ani emaw, hmun dang-ahte, khawi atang emaw a thahnemngaih vang nge kan disencourage thin in ka hria. Hei hi vawiina Legislator te, a bikin i Member te hi min hrilh fo a tha in ka hria. Chhatisgharh-a kal tur kan Police te pawh kal ngam mang lo tur awm engemawzat kan han siamte, tu tu emawin thu vuvuk kan sawi thin a, kal tha duh lo kan awm thin hian kan hmel a ti hemin ka hria a. Kan member thenkhat ten lak kir leh an rawt thawthangte kha a zahthlak ka ti. Hnam huisen, thian chhan thih ngam, kan ni thin. An nih phungah IR an ni a, a tul huna kal mai tur an ni. Heng hi chu kan zavai hian a felhlel lai a lo awm anih pawhin annmahni ti dawih tur emaw, ti pangchang tur zawng emaw sawi loh tha in ka hria. Kan hnam tan chu chu a tangkaiin ka hria a.

PHE-ah hian thawkute thawhna leh thiltih lawmawm ka ti hle a. Phase-II an han sial ah pawh an la commission lo a ni, duhkhawp lohna kan member puiten an han sawi te pawh lawmawmin ka hria. Khangte funkim chung khan an la commission turah ngai ila. PHE department hnathawh that zia kan hmuah chuan, ka bialahte pawh Tlunvel tlangdung zawng zawng khi tui hnianghnarin kan han nei chho va. Duhthal chu nilo mahse hmundang aia tha kan nei a ni. Sesawng khawro em em tanah Sesawng Water Supply Scheme kan han kalpui te a lawmawm a. Khawruhlian leh Khanpui tlangdung hian kan kawngthar Chalfilh kawng kan laih avangin an tui Supply Line a lai chhe tel deuh hret a, khingte khi en nawn theih nise.

Rural Development Department ah hian BADP area ni velo ho, ram laili ho tanah hian DRDA sum allotment kan siam hian BADP area lo te hi min pe hnem thei se. Tin, BADP, BPL family ten an chan thin PMGSY, IAY hmu tur kan thlante hi tunhnai dan tharah kum 5 chhung atan thlan lawk tur ti ang a lokal hi a felhlel hle in ka hria a. Mi BPL family mah nise, kum 2/1 thil thu-ah an dinhmun lo tha that thei a ni a, BPL a awmlo thei an ni thin a ni. Central Guideline ang kher kher hi zawm kher a tul em ni? Helai ah hian mamawh chawp anga kan Village Council te, BDO Staff te leh midang ten, a thlang awm a ten an thlan hi a tha lawm ni, tih hi ka sawi tel duh bawk a ni.

Demand No. 44 – Trade & Commerce ah hian : Trade & Commerce hi kan hmang tangkai tawk lo in ka hria a, an ni hi hei Agriculture Department chuan hnathawktute fuihin Incentive te an pe in, tul anga pe tur a ka ngaih laiin, Agriculture Demand kan sawi-ahte khan Aieng emaw, Sawhthing emaw hralh tur chungchangah a Department in champion pui an tum kha a tha lo in ka hria a. Trade & Commerce kan neih chuan a hralh zelna tur chu Trade & Commerce hian take-up a ni dawn lawm ni? Helai kan kalphung hi ennawn a tha viau in ka hria. Ka lawm e.

PU S. HIATO

: Pu Chairman, ka lawm e. Hei tun hnaiah thil duhawm lo tak tak kan ramah a thleng thin a, tualthahna te, pawngsualna te a thleng fo a. Police in thahnemngai takin hna an thawk a, mi engemawzat an man thin a, a lawmawm ka ti a.

Pu Chairman, hriat angin Ni 23.3.2007 zanah Saiha ah vanduaina rapthlak tak kan tawk a, Vety Department a Muster Roll a hnathawk Pu Tudu chu amah leh a nupui, a fa kumthum mi leh kum khat leh a chanve mi leh a nupui nutapa chu rawng taka thah an ni a, an inchhungah kut leh ke phuarin, tuboh a chhut hlum te, chemte a vihhlumte in an awm a. Tun Inrinni khan an ruang hmuh a ni a, Saiha khawpui pawh a titlabar em em a ni. Tin, Bihar lam atanga lokal an ni a, lehlamah chuan an mikhualna riau a awm leh a, mahse min rawn bel a, khatianga rawngtaka thah an ni hi hrehawm kan ti a, min tuarpui theuh pawh kan ring a. Hetiang thil a thlen avang hian Pu Chairman, kan Home Department hian thahnemngai takin tan min lak sak se. Hetianga mi rawngtaka thah, dimna reng reng neilo, rothap lutuk thil ti ang hi chu mipui-ah pawh hian man a, mualpho taka siam a, na taka hrem hi an phu hliah hliah in ka hria a. Tunah Saiha Police te pawhin theihtawp chhuahin tan an la mek a, engnge a dinhmun chiah Home Minister hian a hre zawk ang a, min hrilh thei sela tih a hmasa berin ka sawi duh a ni.

Tin, a pahnihna-ah chuan, hei IR Bn. Police an la dawn a, sawi a tam in, ti ti pawh a tam a. Reitak kan nghak a, kan Home Minister khan "Kan la thuai dawn e, 15th May hma in" tiin House min hrilh a. Chuvangin, a sawi ruala a sawi chu "diktakin kan la ang", a ti a, a la chhuak lovin a la la hrih si lova, a list hmuh tur a awm loh avangin a tha a la ngei dawn nge dawn lo tih hi kan hre lo a. Dik chiahin Police chhuanawm nitur chuan pumrua tha te, hmel fel veng vawngte, Physical ah pawh fit tak te a ngai a, chu chu kan Police Officer hote pawh in an duhdan a ni. Press Release ahte pawh an duhdan kha chhuah a ni a. Chuvangin, tun tum chu 15th May a la thleng lo bawk a, a la final lohte pawh a awm ang a, Party-ah emaw base lovin, kan hriatte a sualloh chuan Tlungvel bial bye-election ah phei chuan engemaw zat IR Bn. a thun tura hrall kha a niin ka hria a. Khati mai maia a kal palh kha kan hlauh avangin khatiang thleng lo tur khan tun atang hian ka ngen nawn leh duh a. Tin, District Wise te pawhin quota te a awm a, District Wise ah pawh khan kan SP te, kan Police Officer ten pakhatna atanga sawmhnh an rawn dah thla vek a, khatiang Order of Priority an pek ang kha chuan min zahsak hram turin ka duh a ni. Chutilochuan, Pick & Choose a awm leh ang a, helamah tu tute emaw an lo tlan leh ang a, min telh ve loh chuan tiin chhe pui pui, chawrche tak tak, drugs in a eihlum tep tih te hi an awm leh fur ang tih hi ka hlau a ni.

Tin, DP & AR ah hian a biktakin chhimlam hi Economically a backward kan nih bakah lehkha thiamna lamah te, sorkar hnathawk ah te kan hnufual em em a. Chuvangin, Central Sorkar pawn min hria a, UT kan nih tirh khan Importance Circular hial kha a chhuah a, tahchuan, chhimlam hna ruak reng reng hi Group 'C' emaw 'B' emaw pawh nise, duhsakna pek nise, tih a ni thin a. MCS ah te pawh quota min siamsak thin a ni a, mahse tunah hian a bo ta daih a, hei hi nguntaka min ngaihtuahsak ka duh a. Hman deuh-ah Pu Chairman, kan Minister pawn a hria ang a, Radio ahte pawh an puang a, Lawngtlai ahte pawh an puang a, Lawngtlai ah chuan kan tlangval thenkhat chu an beidawng lutuk tawh a. Sorkar hna a awm tawh silova, contract hna a awm tawh bawk si lova, chuvangin underground mai loh chu tih tur kan nei love, tiin ramhnuai a kal te pawh an tum tih Radio-ah te pawh an puang a ni a. Chutiang chu kan nih avangin ngundeh a, serious deuh a min ensak leh hi ka duh a. Concession a tulna-ah chuan concession min pe se. Tin, Literacy-ah pawh keini avangin kan hniam a, Saiha leh Lawngtlai District avangin tihte kan ngaithla a, chuti anih chuan duhsakna hi kan phu hliah hliah in keini chuan kan inhre ve a ni.

Tin Pu Chairman, Rural Development a ka kal hmain Police hi quarter an nei chhe lutuk a – Saiha-ah te hman deuha an Quarter en in ka zuk kal a, an quarter chu tunah to lo kal tur hi an hlau em em tawh a ni. A phuarna turin hruizen te an lei a, chutiang khawpin an awm a, an sakna a rei tawh si a, tlu mai thei tur dinhmun-ah vek a awm a, a biktakin Saiha Police Quarter hi min ngaihven sak se ka duh a. Chumi rual chuan pakhat ka sawi duh chu, Ni 16 March khan kan Governor, Pu Thawla MLA in a han hmu a, chuta alo hrilh dan chuan Mara District Council Election chu April 13-16 hi Nomination file tur a ni a. May Ni 3 ah vote inhlak ang, tih min hrilh tawh a, chutiang anih tawh chuan Code of Conduct hi effective nghal turah kan lo ngai a, tun atangin, tunah hian Police Quarter sa turin hman deuha MDC 11, MNF bang ta te kha nuai 5 atanga nuai 8 theuh contract hna ka rawn hawn e, a ti a. An Division President Pu Rokhawa'n niminah khan kan Hnam Run ve ah sawn a puang a ni. Khatiang anih chuanin, chhe deuh deuh khan MDC Election tur hmachhawn khan hna an thawk ang a, Election Fund kha in pe ringawt kha a ni mai a. Chutiang chu a hun pawh niin ka hre lova, Election zawh thleng tal chuan insum ula, chumi hnu-ah chuan hna pawh an thawk tha deuh ang chu mawle, Pu Chairman le, tih ka sawi duh a ni.

Tin, Rural Development lamah sawitur a tam avangin Rural Development ah kan lut ang a, central sorkar hian Burma border a awmte hi Burma pawhin min it tham ve tur, keimahni pawh develop ve na turin min pe thin a, pawisa engmawzat, mahse min pek that ang hu hian kan hmang tangkai

lo a ni. Chu chu pawi ka ti khawp a, tun tumah pawh hian hei, min han pe a, tuna ka sawi ang khan Election Campaign nan engemawzat pek nghal ani a. Theiri atanga Tuisi te nuai 3 leh sing 5 pek an ni a, a hming chu C. Thysa, Division Secretary hmingin pek a ni na a, a thawktu tur hi mi hrang hrang an awm a ni. Tin, Tuipang leh Chheihlu inkar nuai 8 te hi, Ngobei MDC Candidate tumte pek a ni a, Siasi leh Chakhang inkar phei hi chu Aizawl lam mi deuh vek pek an ni a. Rohlua Ex-MNA te, T. Lalchhandama Tuikhuatlang te, Biakchhunga S/o Lalmuana Khatla te, Lalchhuanmawia S/o Lalbuka Khatla tihte, heti lam daihin an thawh thin avangin hna hi a tha thei lo hrim hrim a. Tin, tak tak pawh ila an zuar leh nghal a, chuvang chuan hetiang hi min tihsak tawh lo hram turin ka ngen duh che a ni, Minister zahawmtak RD changtu kha.

Tin, BADP hnuiah Special Scheme a nei a, Model Village tur chu abiktakin Chhuarlung khua hi thlan ve a ni a, chu chuan Phusa khua in 40 vel khawdanga va chhuak ta te, Chhuarlung atanga pengte rawn luh lehna tur remchang siam a ni a, a tha kan ti em em a, tunah hian tihdanglam tum mek a ni, tih kan hria a, tidanglam lovin tlangpui ngei ngei turin kan Minister hian tan min lakpui se ka duh a ni.

Mizoram pumpuia tha tur ber hi tunah chuan Mautam turte kan ni dawn avangin NREG Scheme hi tha ber a ni mai a. NREG hi Pathian lo-ah chuan a dawttu a ni, an ti a ni. A chhan chu eitur pe tak tak tu a ni a, nitin inhlawhfakna ni 100 chhungin thawh tur nei a ni a. NREG ang te hi Mizoram pumpuia hman ngei ngei tur hian kan Minister hian engchen nge hma a lak tawh, tihte hi hriat ka duh a. Hma hi a tak takin la se, hemi a awm hi chuan ei in, BAFFACOS kan sawisel zawng zawng pawh hi a bo ang a, Party pawh awm lovin chutah chuan mipui inang tlanga thawh a nih avangin NREG hi hmang ngei turin tan min laksak rawh se, tih ka sawi duh a ni. Ka lawm e.

PU SAIKAPTHIANGA

:

Pu Chairman, ka lawm e. Hei vawiinni-ah Department pawimawh deuh deuh mai pahnih kan sawi mek tawh a ni a. A tam si a, kan sawiseng lo nasa ang a, a fakawmna lam te, a thalaite sawina hun a awm lovang a, a pawimawh kan tihlai zualte a rang thei ang in sawi tum ila, a vaiah hian kan lut hman lovang tih pawh ka ring a.

A hmasa berin Demand No. 13 na - DP & AR ah hian 1989 President Rule laia sorkar hnathawk hlawh nasataka sorkar ina a tih danglam a, a tihdanglam ve loh Department tenau, entirnan Education Department a Physical Education Department Wing ah te, I & PR ah Technical Section ami an Technical Staff te, chutiang chuan Department hrang hrangah hian tam tham lo, mahni pawh in represent zo lo, chutiang chuan engemawzat kan sorkar hnathawk zingah hian an awm a. Hei hi Sixth Pay Commission a lo awm leh hma a engtin emaw siamfel a nih loh chuan harsatna an tawk chho zel ang tih ka ring a. Sorkar tan thil harsa lutuk pawh niin ka hre lova.

Hei hi kan sawi hmasa duh a, Home excluding Jail tih-ah hian - pawisa pawh a tam telh tawl a, kei kan Police te hi ka fak thin, tunah pawh la fak zel ka nia. Tun hnu-ah hian eng engemaw sawi a tam ta hle mai a, tak takte a ni ngai anih chuan kan Police a enkawltu leh kan Police Department pawhin inbihchian a tul hle in ka ring a. India ramah hian kan Police te hi a tha ber te zinga mi an ni ka ti thin a, North-East ah phei hi chuan an thaber lawr lakin ka hre thin a. Chuvang chuan, tun tum kan IR Chhatisgarh a ankal tur boruakte kha mak hi ka ti khawp a, kal kha an hreh em em mai a, Lunglei lamah kan chhung lam deuh pakhatin min rawn Phone a, "Ka pu, Chhatisgarh-a kallo tura min tihpui dan i hria em?" a rawn ti a, "Ngatinge i dam lo a mi?" ka ti a. "Dam e, an sawi hlauhawm em mai a, ka hreh deuh a" a ti a, "E, bang la, chutichu ban hi Chhatisgarh a kalloohna hnai ber a ni, kei Police Officer nih tum nizo talo ka ni a, lo ni ila chu ka chak ngawt ang" ka ti a. Chutiang deuh chuan annihna kha IR an ni a, a tul chuan kal mai tur niawmtak kha kan sawi sawp a, engtin tin emaw a sorkar leh a department demna tur zawngte khan nasa deuhin kan bei a, ka la hriatchhuah reng chu kan 1st Bn. khulai BSF training-na hmun Bihar a an kal dawn tum Pu Ch. Chhunga, Chief Minister lai khan, Truck-ah khan an rawn au chho tuar tuar mai a, "Pu Ch. Chhunga bang rawh se" an ti a, an training kal hreh khan. Khatih lai khan Political Party thenkhatin rampawna training te kha nasa takin an sawi hnual a, hreh deuh khan an kal a, mahse an zu train zo kha chu vawiinni thleng hian tifuh anla inti zel a. Chuvang chuan, vawiinnia kan IR Chhatisgarh a kalte hi hunrei deuhah chuan experience thatak nen an lo haw ang tih ka ring a. Tin, India khua leh tui kan ni a, kan tihtur a kha kan ti ve mai turah hian kei ka lo ngai mai a.

Tichuan, Member zahawmtak tak ten Home Ministry tiin sawi ta ila, kan Police enkawlna chungchangah Hel te nena inzawm ang leh engemaw ang a sawi awm fo hi fiah a tha khawp mai a. Tin, kan state dinhmun hi kan hriat chian a ngai a, North East ah chuan Peaceful State kan ni a, Remna leh Muanna nei tha ber state kan ni a. Kan thenawm state hel tamtak hian India sorkar

nen emaw, an state sorkar pawh a niang, chutiang nena remna an zawn kawngah hian Mizoram sorkar hi tunhma atangin belh tlakah an ngai a, tuna sorkar chauh pawh hi a nilo, khawiah emaw thlamuang taka an awmna tur leh kha India sorkar nena inremna tur kawng zawnna tur kha chuan he state sorkar hian tihtur a nei a, a ti fo a ni. Vawiina sorkar chauh pawh hi a nilo, sorkar hmasa te pawh khan tha thawh ve hun hi a awm a. India sorkar leh state sorkarina a hriatpui a, hel te nena engemaw tih hi sual a ni ringawt lova, keini pawh sorkar-ahte kan awm tawh a, Minister ah te kan awm tawh a, hetiang lamah hian hnathawh tur kan duh vang reng pawh nilo, sorkar tan pawha tha, helte tan pawh a tha, chutiang angah chuan thuitak kal ve tulna hun hi a awm thin a. Chutiang ang chuan kan sorkar hian a lo thawk tawh thin a nih chuan an fakawm ngawtin ka hria a, chu chu India ram pumkhatna atan leh North East a remna leh muanna a awm chhoh zelna atan pawh kan tihtur diktak, kan duty kan lo tih ve laia hi kan inhrethiam lo lutuk emaw ni aw, tih ngaiantuahna te ka nei thin a. Churni baka kan kal anih erawh chuan Hnam tana tangkai kan nih dawn mek lai khan Hnam hmelman anih theih tho a ni, tih erawh chu vawiin hian ka sawi duh a ni.

Tin, kan Police te hi kawng tinrengah India ramah a tha ber nilo mahse, a tha pawl tak, North East-ah phei chuan kan tha lawr lakin ka hria a. Hei hi kengtlang zel se ka duh a. Tin, hei kan vannei a, India ram sorkarin a duhdan te pawh a niang chu, Police Lal kan han tih thinah te pawh keimahni Mizo tlangval ngei hun engemawchen kan nei chho tawh a, kan neih chhoh leh zelite pawh beisei ila. Chuvang chuan, vawiinni-ah hian Police chak state hi a pawimawh em em tawh a ni. Security chungchang mai pawh nilo, development atan pawh hian Police chak nei tha state hi hmasawnna-ah chak takin an kal zel a ni a, chuvang chuan kan Police Department hi a pawimawh em em ani tih ka sawi duh a. A thuam theih na ang ang pawha sorkar hian thuam deuh deuh turin, chutihrual chuan kan Police te pawhin he ram hi kan ram a ni a, kan ram awmdan kan hria a, ramri hrula mi kan ni a, chuvang chuan kan pawimawhna pawh hre deuh deuh a, he ram tana kan thawhho hi tul hle in ka hria a, chu chu ka'n sawi leh duh mai a, sawitur tamtak awm karah.

Tichuan,Demand No.25 na - Water Supply
& Sanitation ah hian tlem han lut leh ila. Tuilak lian tham hi a harsa a niang, Lunglei Water Supply Congress hunlaia kan beih lai khan sawi a hlawh hle mai a. Sawlam atang khan ka chhang mai thin a, tui hi awm phawt mai sela a tha mai e, ka ti a. Tunah Aizawl Water Supply Phase-II an han bei leh a, mahse tui a lo haw dawnah beisei ila. Tin, a senso tam hi chu tam tur a ni hrim hrim a, a buatsaih hmasatu pawh kha sorkar sela, a tam tho tho ang. A bul kan tan dawn atang khan a senso tam tur zawng hian hma kha lak tan a ni hrim hrim a. Chuvang chuan, helaia kan han in puh vak hi Lunglei Water Supply te nen khan va dah kawp ila, tui a haw ve ve a, a tha hle ah ngai ila tha maiin ka hria, Pu Chairman.

Tichuan, Demand No. 38 na - Rural Development ah hian han lut leh ila, hun a tawi si a. Rural Development Department hi Zokhua mipui te hi hne hnaitu ber an ni a, LAD lam tun hma a mipui inhnangfak na tam ber kha zokhua-ah a kal theih tawh loh avangin RD hi kan thlir ber a ni. Chutah pawh keini ramri hrula awmte chuan RD Fund pangngai ai mah hian BADP Scheme hnuia hna lo chhuakte hi kan innghahna nasa tak a ni a. Mahse vanduaithlak deuh maiin kumin RD hnuia BADP hna lo chhuakah hian ka bialah hian nuai 35 lo chhuak tura ngaih Work Scheme under BADP during 2006-2007 a hnathawh turte pawh rawn tarlanna bu-ah hian kan lo hmu a. Kan hlim khawp mai a, kan han dil hlawm a, kan han buaipui a, MLA te pawhin. Mahse kan beisei ang a nilova, nuai 35-ah hian nuai 12 thawh a ni ta a, a dang zawng hi thawh loh in a awm a, zawkna ah pawh khan ka zawl a, chhanna ka la hmu lova. Hei hi a hrilhfiahna kan dawng turah ka ngai a. Tin, RD hrim hrim hi tunhma aiin MLA te hi min ngai pawimawh ta lo em em mai a, Beneficiaries Selection chungchangah te, thil dang dangah te, Block Development Committee-te pawh hi session lai ten an han ko mauh thin a. Nikum lamah khan nasa takin MLA hovin kan react a, kuminah chuan keini block-ah chuan min ko ta lova, hengte hi inngaihpawimawh lohna liantak, MIA te he House-ah kan tih khat teh reng nen kan buai em em laia Committee han kohte hi chu awm lo ka ti a, inzahlohma ah pawh ka ngai. Chutiang zel chuan IAY kan tih te, thil tenau helai atanga kan ngaih Zokhua-ah chuan pawimawh em em si, hengte pawh hi a mumal lo lutuk a. Vawiinniah pawh wait list an ti a, a dawng hmasa tur khawlaiah an tar chhuak a, Public Notice Board ah. Heng ang hian a kal tak tak dawn em? a kal leh pawh ka ring meuh lo. Khawi atang emaw hian a lo chhuak a. Chuvang chuan he RD Department hi hmun hrang hranga inngeihlohma, inthurual lohna ti chhuaktu ah a chang lek lek maiin ka hria a. Heng hi en uluk a ngai hle in ka hria a.

Tin, Pu Chairman, Demand No. 44 na - Trade & Commerce hi tawite in : engatinge Bangladesh nen Meghalaya an in sumdawn tawn theih a, Bangladesh leh Cachar, Karimganj sector-ah an insumdawn tawn theih a, Tripura nen an in sumdawn tawn theih a, West Bengal nen an insumdawn tawn theih a. Vawiinniah hian kan foreign trade lian pui hi kan la ti thei lo anih pawhin nitin mamawh insumdawn tawn theihna tur chu hmalak kan tum lo em ni? A lian hi kan tum a, a te lamah hian kan ngaihtuahna hi kan hmang lo em ni, tihte zawkna a awm thin a ni. Pu Chairman, sawitur a tam khawp mai, mahse hun in min daih si lova, chung chu a hrilhfiahna hrang hrangte pawh kan Minister zahawmtak hnen atanga beisei chungin R.D leh Trade & Commerce hi ka'n sawi tel duh a.

Soil & Water Conservation pawh hi sawitur a tam mai. IWDP nena a inzawmna dan leh a thawhhona lei chungchangte pawh hi enfel chu a ngai ngawt mai. Chung chu siamthat ngai leh mipui nghawng, mipui hnena a thlen tur ang tleng tawk lo ni a ka hriatte ka'n tarlang a. Tichuan, a Demand pumpuiah hian lawmthu sawi tur tamtak awm rualin, khalai mipui tena kan harsatna nia lang zualte kha bial nei ai mipui aiawh ka nihna atangin ka'n sawi chhuak a ni. Ka lawm e.

PU ANDREW LALHERLIANA :

Pu Chairman, ka lawm e. Hei vawiinah hian Demand 6 te kan sawi dawn a, kan hun han en hian daih ngaihna a awm tawh lo a, mins. 12 vel emaw kan sawi thei tawk a ni a. Chuvangin kan ngaihpawimawh zawngte tlem kan thlang mai a niang chu.

A hmasa berah hemi Water Supply & Sanitation, PHE hi ka'n sawi ve duh a. Hei, kan sawi angin tunah hian kan Minister hian House-ah hmanni lawka a report-ah khan, Aizawl Water Supply Scheme Phase-II chu hawn a ni dawn ta a, tunah hian a pump chhoh theih tawh e, a ti a. Nikhatah tui litre maktaduai 12 leh tih kha min pe chhuak thei dawn a ni. Hetia han en thuak hian lawm lo anga han lan hi ni e, i dinglama thute hianin lawmna chang hre lo, ti ang lek lek te hian an sawi thin a, amaherawhchu, thil hi sawi chian a ngai hle in ka hria. Entiran tihian han sawi ta ila, chiangtaka practical a ka hriat chu keima chungchang thu-a lo tleng, 1982 khan Shillong a kan zirlaiin, Aizawl kan awm a, ka hmelihriat tha takin "Hei, i Book Grant ka rawn hawn che", Rs. 700/- min rawn pe a ni. "A va lawmawm ve" ka ti a, lawmthu ka sawi a, a bo vat a, a hnu lawkah Shillong atanga ka hriat dan chuan a rawn hawn kha ka Book Grant Rs. 2000/- a lo lak chhuah a ni a. Tahchuan, Rs. 1300/- a rawn hmang a, Rs 700/- min rawn pe tih ka hriat chuan ka thin a rim khawp mai. Rs. 700/- min rawn hawn a, 'engatinge i lawm loh le' in tih ngawt chi a ni lo. Rs. 200/- ka chanvo tur a rawn keng a, Rs. 1300/- a hmang a, Rs. 700/- min pe a ni. Kan hriat khan ka thin a rim tlat.

Chutiang ang chiah chuan ka'n sawi duh a chu, Pu Chairman, Aizawl Greater Water Supply Scheme hi Deva Gowda hunlaia pawisa min rawn pek a ni a, Aizawl-ah khan kan tui supply kha Phase-I, 1988 mipui

80000 tana kan hawn a ni a, hawn anih khan mipui Aizawl-ah khan 155,000 kan awm tawh a ni. Indaihlo sa in Phase-I kan hawng kha a manganthlak dawn e, tiin PHE a kan hotute khanin Scheme siamin Delhi lam te an zuk dawr leh niin kan hria. Chutah chuan, Pu Deva Gowda Prime Minister nihlai in, Mizoram mipui tan duhsak takin Aizawl Integrated Scheme min rawn pe a, cheng vaibelchhe 176 man min rawn pe a, chumi zingah chuan scheme han siam chhoh takah chuan Greater Aizawl Water Supply Scheme Phase-II Project Report an rawn pek atan gin vaibelchhe 71.80 pawisa Greater Aizawl Water Supply Scheme atan min rawn pe ta a ni. Chu min rawn pek a scheme ah chuan nitin tui litre maktaduai 30 pump chhuak thei turin he Aizawl Water Supply Scheme Phase-II hi mipui tan Delhi sorkar Deva Gowda hunlai khan min rawn pe ta a ni. Chu chu Congress hunlai a ni a, Congress Ministry a rawn pek a ni lova, Mizoram mipui an rawn pek a ni. Congress Ministry a'n tla a, MNF in hei hi an chalai dawn chiah khan, MNF Ministry ta nilovin, mipui aiawh a an chalai a ni a. Tui min pek tura kha Million litre 30 min pe turin kha scheme a kha rawn pek a ni. Tahchuan, an han chalai tak taka, sum leh pai vaibelchhe 39 kha Department hnathawh atan an ti a, vaibelchhe 32.7 kha contract-ah Johnson Eastern Power an han pe a nih kha. Chu contract chu induhsak uchuak takin, an over estimate chho ta vak a, vaibelchhe 99 in an pe a, tui litre maktaduai 36 pe chhuak tur angin an ti ta a ni.

Khami scheme a kha han en ta ila, vaibelchhe 32.07 kha vaibelchhe 99.32 hi an tih len si chuan department in vaibelchhe 39 an lo hman tur a an dah nen han belh chuan kha a scheme a kha pawisa a pun dan tur a chu vaibelchhe 139.05 a ngai ta daih mai a ni. Chuvang chuan, central-ah hei, an ti a, an sawi pawhin an lo pe duh ta lo ani. Tahchuan, vaibelchhe 71.80 bak hi kan pe dawn lo che u, tiin Secretary Jay Prakash-a khan lehkha a rawn thawn ta a, in zawh theih ang angin zo rawh u, a rawn ti ta a nih kha. Chuvangin, vaibelchhe engzatnge an tih tet kha an in ngaiantuah laiin, a tui pek chhuah tur a kha liters maktaduai 12 pe chhuak turin an han ti te ta a. Chumi atan chuan an in nawr ta ngat ngat mai a, in nawr a ngai ka tih tawh chu kha contractor vaibelchhe 99 an pek a kha engzatinng, maktaduai 36 tui pe chhuak thei tur kha 12-ah a tlak tlak theih chuan engzata tih tet theih nge ni ang, tiin an han indawr a. Chuan vaibelchhe 80 vel baka a tlak theih loh thu a sawi ta a ni. Tahchuanin, dawnna pawisa chu a buai ta a, engpawhnise, tui pek chhuah theih tur hi nitin tui litre maktaduai 12 a tih tlak a ni ta a, chutah chuan Joint Secretary in charge khan tunhnaia kan hriatsual loh chuan Hari Khishna Pawel-a kha a ni. Heti hian a rawn ti ta, vaibelchhe 71.80 chiah hi keinin kan pe ang che u a nga, Mizoram sorkar in vaibelchhe 18.98 tum ta ula, a scheme hi vaibelchhe 90.78 ah siam ula, nitin tui litres maktaduai 24 rawn pe chhuak rawh u, tiin an ti te ta ringawt a ni. Chu chu vawiinni-ah an tih chhuah theih tur an

han beih ngat ngat hian tui an pek chhuah theih tur tui maktaduai 30 mipui tan a an tih kha maktaduai 12-ah an tla thla ta hi an sum leh pai diklo taka an hman a, hlep an siam a, an lo tihchingpen avanga mipui chanai tur Aizawl khawpuiin nikhata tui liters maktaduai 30 kan dawn tur litre 12 a a tlathla hi a na kan ti a ni, keini chuan, kan hriat chian avangin. Hre miah lovin tui maktaduai 12 min rawn pe ta that nise kan lawm viau ang. Mahse central in kan chanvo min rawn pek danah khan tui litre maktaduai 30 siamna tur min pe a, maktaduai 12-ah an tih tet takah hian corruption vang anih liau liau avangin he Ministry hian mipui chanvo diktak, tui kan nunna tur kan Aizawl khawpui chanvo hi hmun thuma thena hmun khat an ti te ta ringawt mai a ni. Tunah hian tui indaihlo sa in kan Phase-II hi hawn a ni dawn ta a. An han chhut danah chuan kum 2018-2020 thlenga daih turin litres maktaduai 30 kha pump chhuak thei se, Phase-I tui litres maktaduai 10 nen chuan maktaduai 40 vel a lo ni ang a, kan tla thei tur a siam a ni. Mahse vawiin niah hian a manganthlak em em chu diklo taka hman anih tak avangin hetianga a tla thla ta hi a na kan ti in pawi kan ti a, Aizawl khawpui hian 2018 thleng hian tui hi kan indaih ngai dawn tlat lo, a pawisa pawh hian. Engtinngé kan tih dawn tak le, tunah hian. Johnson Eastern Company hian vaibelchhe 80 demand ta se, sorkar hian pe ta se, department in vaibelchhe 39.73 a lo hman nen han belkhawm hian, a scheme a hi vaibelchhe 119.86 a ni hrim hrim a. Pawisa hi an indaihlo hrim hrim a ni. Chu pawisa chu engtinngé an tih dawn? Vawiinni-ah hian.

Tin, Deva Gowda sorkar, central ina pawisa min pek danah khan, Integrated Aizawl Project ah khan vaibelchhe 176 min pe a, chutah chuan vaibelchhe 71.80 hi tui atan kan han hmang tan ta a, diktak chuan hmang ta ila, pawisa kha, Aizawl khawpui cheinan leh sewerage atan leh drainage atan hian vaibelchhe 104, technical sanction awmsa kha kan nei a ni. Amaherawhchu, tui Supply Phase-II hi diklo taka kan hman avangin kha Technical Sanction akha vaibelchhe 104.20 hi a demand pawh kan zu demand ngam ta lova, Aizawl Sewerage system hi engtinge kan tih dawn tak le? Aizawl Drainage System atana chu mite Scheme pahnih atana vaibelchhe 104 chu tui scheme diklo tak maia kan tih chingpen tak avang hian kan zu demand loh hian, vaibelchhe 104 chuang kan hloh ta hi na kan ti em em a ni.

Chuvangin, he Scheme hi Pu Speaker, khawngaihtakin min han zawh tir la, a pawi em em a, tahchuan he a senso vel rulhna tur hian tunah hian kan hotute hian tui bill te leh eng engemaw chhiah tihsan an tum leh ta hi, sum leh pai diklo taka an tih chingpen avanga hetianga an tih tawh a hnu a, tunah hian Phase-II kan pe a che u, 12 liters kan chanvo hmun 3 a thena hmun 1 tih tet rual hian tui hi a bill tihsan an tum tih kan lo hre leh a. Chhiah engtin tin emaw tih

san a, khatiang zawnga an ti leh si anih chuan mipuite hnen atangin chhiah sang la in, central atanga mipuite tana pawisa lo kal ei ching kan ni tih kha a lang em em mai a ni. (**SPEAKER** : I duhtawk dawn ang aw.) Awle, duhtawk dawn ila, hei sawitur atam khawp mai a, Pu Speaker, a alternative hi tamtak suggest tur pawh ka nei a, Pu Speaker, amaherawhchu, ka sawi hman ta lo a ni. Aizawl Greater Water Supply Scheme Phase-II lo hawng tur hi indaihlo lutuk sa a lo hawng tur an nih avang hian tlem a zawng chuan kan in daih phah hlek maithei. A chhan chu, nikhat ah tunah hian ni 13 dan zelah tui hi vawi khat kan hmu ta a, chu pawh chu indaihlovin, hemi an hawn hnu hian Phase-II cover zawng zawng leh Aizawl mipui hemi hian an han pek hian ni 10 dan velah tui chu min pe thei dawn ta tihna a ni a. Amaherawhchu, khawpui dang han en khuan nikhatah darkar riat te hawngin khatiang khan nitin tui hawng, khawpui dangte chuan an nei a ni. Chutih laiin keini chu ni 10 danah tui hmu turin tlem chuan hma kan sawn deuh e, kan tih rual erawh hi chuan mipui chanvo an ei ani tih kan hriat ang chi hre tan hi chuanin a va lawmawm em, tih a har em em in ka hria a. Chuvang chuan, hetiang hi ching tawh lo ila, kan term tawite kan la neihah pawh hian mipui chanvo tur hi a nihna takin thleng rawh se. Chumi kara ei tur a lo awm chuan ei rawh u, kan thik lo che u, mipui chanvo erawh chu in pek a ngai a nih hi tih ka sawi duh a ni. Ka lawm e.

PU ZODINTLUANGA : Lehlampang hi ti ve ila, Pu H. Vanlalthaliana, nichinah khan a phar tawh.

PU H. VANLALTHALIANA : Pu Chairman, ka lawm e. Vawiinni-ah kan Minister pahnihte Demand kan han sawiho a ni a, Lawngtlai bial min khawih tak takte an nih avangin ka sawi chak a. A hmasa bera ka han sawi duh chu Home Department - Police Demand No. 16-na hi a ni. Mizoram state ralmuang kan ni hi a lawmawm em em in ka hria a. Khawimaw laiah duhthusamlo deuh te thil a thlen avanga ralmuang lo ang viau leh sorkar chaklo ber anga inpuhna awm thin hi pawi ka ti a. Mizoram kan ralmuanzia hi state dang, Silchar pelh chiah hian a hriat in ka hria a. India ram khawtchhuah kan luhna ber, India ramchhung kan kal in. Chuvangin, state ralmuang kan ni hi a lawmawm em em in ka hria a, hemi kawngah hian sorkar leh Home Department, Police te hmalakna hi tha ka ti a. Nichina Kawrthah bialtu MLA zahawmtak in a sawi ang khan India

hmarchhakah hian Mizoram Police te aia Police tha hi an awmin ka hre lova, kei ka zin ve zeuh zeuhah hian Police te kan be fo a, kan chik a, phak tawk tawkin. Mizoram Police te tihtat zia hi a langin ka hria a, sorkar in hna a thawk tha ani tih hi a lang chiangin ka hria a.

Hei, Crime Record-te pawh a tlahniam a, a lawmawm tak zetin ka hria a, sorkar tan leh mipui tan a thlamuan thlak em em a ni. Chubakah Police te mamawh, building tha pui pui te sak a ni a, Lawngtai hi Mizorama district hnunung ber, naupang ber kan ni a. Police Quarter te, Office te kan nei tha lo em em a, chutiang dinhmun chu hria in, kan Minister zahawmtak hmalakna in tunah hian S.P Office tur te, district hrang hrangah Commandant, Armed Police ho Quarter tur te, Office Quarter turte ruahman chhoh an ni leh thenkhat chu sak tan chhoh tura tender an ni hi lawmawm ka ti, sorkar hmalakna kha ropui ka ti a ni.

Tin, chubakah Police ho tan a tul em em a ka hriat, Police te nunna insure hi sawi loh theih a niin ka hre lova. Theih nise sorkar hnathawk zawng zawngah tih nise tha hle in ka hria a. Amaherawhchu, Police te hi dan leh thupek kenkawhna-ah leh eng engemaw ah an nunte hi tlema risk a san deuh avanga hetianga an kal hi a tha in ka hria a. Police te tana an service zel leh an chhungte tan pawh Police te nunna insure a lo ni ta hi a lawmawm ka ti a, ka'n tarlang tel duh a ni.

Hei, hmanni lawk khan Minister zahawmtakin zaghna a chhanna-ah khan Armed Battalion thar kha May ni 17 ah zwm theih turin kan ruahman, a tiin ka hria. Helaia ka sawi tel duh chu Mizoram District pathum kan nihlaia Aizawl, Lunglei, Chhimtuipui kan nih lai, keini Chhimtuipui District kan nih lai khan, tuna dinhmun en in Aizawl-ah hian Champhai lamah Khawzawlah a awm tawh a, Kolasib lamah Mualvum-ah a awm tawh a, tunah hian Aizawl khawpui chhungah Battalion hnih an awm bawk a. Khawzawl lampang hi kan hriat theuh angin Chhatisgarh ah engemaw zat an kal a, amaherawhchu, an kal hlen dawn lova, lo kir hun an la nei dawn a. Serchhip hi a laili in, dan leh thupek leh Mizoram chhungah a ziaawmin, International Border ri lo a ni a. A ralmuang em em bawk a, an mamawhna a sang in ka hria a. Lunglei lam leh Aizawl lam ten a cover phak bawk a, chuvang chuan tuna Battalion thar lo ding turah hian Chhimtuipui District kan tih, tunah Saiha leh Lawngtai lo ni ta-ah hian khawngaihtakin sorkar hian min dah sak ve se, tih hi ka duh a, ka'n tarlang tel ve a ni Hetah hian Lawngtai nise ka duh a, ka bial anih vang mai piah lamah Administrative Convenient thlir in a laili a, Lawngtai atanga Saiha Km 80, Lawngtai atanga Tuipang, Saiha tlawh miah lovin Serkawr tuna PMGSY kawngah chuan 70 km chauh a ni a. Chuan, Sangau

lam hi Saiha kal tlangin km 100 chuang a ni a, amaherawhchu Lai District, Lawnglai nen District Area khat a ni a, Lawnglai chu an dawr ber a ni a, Chawngte nise Lawnglai atangin 86 km chauh a ni a, Saiha ah hian dah dawn ta sela, District senior zawk a ni a, Chawngte hmundang te a khirh em em a ni.

Hei, kan hriat angin tuna Mizoram chhimthlang lam eng engemaw hnawk kan neih deuh lai en te pawh hian Lawnglai a dah hi a fuh in ka hria a. Parva a hla ber ang a, Lawnglai atangin 200km chuang hret a ni a, chutianga thlir in Lawnglai hi Battalion hmun tur atan a rem in ka hria. Chubakah sorkarin a hman duh atan, tiin Council pawhin ram a pe fel thlap tawh a ni. Chuvangin, helai kan advantage leh kan mamawhna hria a, kan sorkar hian min siam sak ka duh a, chulai chu ka'n tarlang tel hram duh a ni. Ho te anga kan hriat ka ngaih pawimawh em em chu, MRHG lawmman pung hi lawmawm ka ti tak zet a ni. Silai nen meuh a duty ve si, an lo thi palh emaw, engemaw harsatna awm sela an tawp tawp a ni mai a, chutiang dinhmuna an din lai a, sorkarin a ngaihtuah a, an lawmman a tipung hi a lawmawm ka ti tak zet a. Sorkarin a mi te, a hnathawk, a hniam ber atangin a ngaihtuahna a seng ani tih a tilangin ka hria a, lawmawm ka ti em em a ni. Tin, hetianga ka sawitel duh pakhat chu Armed Police te Rifle Allowance hi thla khatah Rs. 4/- an la a, nikhatah emaw an dawn ka lo ti a, a tlem lutuk deuh in ka hria a ni, Rifle Allowance atan chuan, hei hi tihpun theih hram dan awm se tha in ka hria a ni. Ralthuam nena duty nan chuan hei hi chu a tlem deuh a ni. Helaiah hian sorkarin ngaihtuahna seng se a tha in ka hria a, chulai chu ka tarlang tel duh a ni.

A dawt leh ah chuan, Demand No.25 na – Water Supply & Sanitation hi a ni a, Mizoram District Headquarters ah hian Lawnglai chiah Greater Water Supply Scheme neilo kan ni. Mizoram sorkarin hma a la tha em em a, kan hriat theuh angin Kawnpui to Bilkhawthlir te, District Headquarter piah lamah Kawrthah te, Kawkethawveng te, tui pump an tihsak tawhin ka hria a. Chutiang anih lai chuan Lawnglai hi District Headquarter kan ni chungin, tuilak kan la ni lova, amaherawhchu, kan sorkar ka dem miah lova, a chhan chu harsatna kan nei a, nichina RD nena sawizawm ka duhlai kha a awm a ni. 1998-ah Lawnglai hi District Headquarter-ah dah kan ni a, khatihlaia sorkar khan duhsak takin District-ah min puan sak a, amaherawhchu, vanduaithlak takin 2001 census ah Lawnglai khawpui hi Town a puan kan ni tlat lo mai a. PHE Department atangin theihtawpin tui, Greater turin hma min laksak a, central a pawisa min pe tu ten an phal ta tlat lo mai a ni. Chuvang chuan a tih theih ta tlat lo mai a, tunah hian Scheme thar Urban Infrastructure Development Scheme for Small and Medium Town atangin beiseina nen Department in hma min laksak a, lawmawm ka ti a. Hei hi a puitlin hram theihna tura kan Minister zahawmtak leh Department te pawhin tan min laksak ka duh a, kan ngen nghal duh a ni.

Mizoram khaw pawimawh deuh thaw zawng zawngah tui laktheihna chinah hian bul tan titih deuh vek a ni a. Keini, Department felloh leh Minister leh sorkar min ngaihsak loh vang nilovin, nichina ka sawi ang khan pawisa min pe tu ten Town (Urban) a puan kan nih loh avang khan a tih theih tlat lo mai a, harsatna kan nei ta kha a ni a. He Scheme thar UIDSSMT atang hi chuan chance kan neih ka ring a, Minister zahawmtakin min chhinchhiah sak se, tih ka ngen tel duh a.

Tin, he Department hmalakna tha em em a ka hriatna dang pakhat leh chu Total Sanitation hi a ni. Hmanni khan an Office-ah ka zu leng a, Lawngtlai leh Saiha District duhsak bik kan ni a, lawmawm ka ti em em mai a. Kan bial a khawthlang lamah hian Ekin neilo deuh vek anni a, chungte tana sorkarin a ruahman sak hi lawmawm ka ti a, Mizoram cover tura hma an lak chhoh pawh ka ring a, tha ka ti takzet a, ka'n tarlang tel duh a ni.

Tin, a dawt leh a ka sawi leh duh chu R.D-ah hian Pu Chairman, ka hun a tawp mai dawnin ka hria a. RD a han tarlan ka duh chu tuna PHE harsatna ka sawi ang deuh khan Lawngtlai hi, Lawngtlai District sorkarin min duhsak a, NREGS Scheme min pe a ni. Saiha chu District Headquarter mai nilovin, sorkarin Town a puansak a ni a, Lawngtlai Town ni miahlo a kha NREG Scheme ah khan min hman tir phal ta tlat lo mai a, District Headquarter kan nihna behchhan khan. Ka hriatsualloh chuan Tripura ah te chuanin Sixth Schedule area-ah chuan an operate tir a ni. District Headquarter ka record-na ka tibo palh a, Abasa-Dolai District niin ka hria a, chutah chuan an hmansak tho a ni. Saiha chu Town pangngai a lo ni a, a theihloh anih pawhin Lawngtlai te chu thei tur kan ni tlat a ni. Helaiah hian Department leh kan Minister zahawmtakin khawngaihin hma min laksak se tha in ka hria. Khalai kan harsatna kha ka sawi duh a. Duhsak takin Lawngtlai Block, Block zau tak mai kha min han phal sak a, Bungtlang 'S' hmunah Block thar min han pe a, mipui kan lawm takzet a ni, tih hi he House pawhin min hriatpui ka duh a. Hemi avang hian mipui ten RD hmalak na-ah beiseina sang tak leh kan harsatna a hmuna min enpui zar zar thei khawpa tan la a, thahnem an ngaih avangin Minister zahawmtak leh a Department chungah lawmthu pawh ka sawi duh a ni. Hei kan Block tharah hianin, Block dangte dinhmun ka hre lova, tunhma chuan Block thar an pian khanin buildingte engemaw te an nei lawk lova, Minister duhsak na in keini Office tur te, Quarter tur te, engemawzat sak sak nghal kan ni a, hawn theih mai tur khawpin an in buatsaih tha a, Pu Chairman, he sentence hi ka'n zo lawk ang e. Hetianga duhsakna kan dawng hi lawmawm ka ti a, RD hmalakna-ah Lawntlai in hma kan sawn a, kawng thui tak kalkawng te, khua leh khua inpawhna kawngte pawh tha tak

tak kan nei a ni. Heng kan sawi tlemte atang hianin Mizoram sorkarin a RD leh PHE leh Police atanga hma a lakna kan bial bikah pawh lawmna leh hmasawnna tamtak a awm avangin lawmthu ka sawi duh a. Kan Minister zahawmtak takte Demand pawh hi lungrual taka kan pass a tha in ka hria, ka'n sawm nghal a ni.

Trade & Commerce phei hi chu sawi ka chak hle a, a chhan chu Consultative- a ka tel ve na anih avangin, hma lakna pawh sawitur tamtak ka hria a, mahse ka hun a tawp ta si a, khami chin kha ni mai se. Ka lawm e.

PU H. LIANSAILOVA : Pu Chairman, ka lawm e. Hei Pu Aichhinga Demand atang khan han sawi hmasa hlauh ilangin. Trade & Commerce Demand-ah khan sawiduh ka neih chu - Trading

Regulation chungchang hi kan sawina a rei tawh a, sorkar pawhin engemaw chen chu hma ala niin hriat a ni a. Zawhna-ah pawh ka zawl thin a, kan ramah Economic lamah, sumdawnna lamah kan hniam avangin, venhim ngai nia kan inhriat avangin, kan sumdawngte leh kan mipuiah a la awm reng a. Sorkar hian engtinng hma a lakzui tak, tih hi mipui tan hriat tur a awm ta reng reng lo maia, kan chawlhsan ta nge, kan beidawng nge, helai hi sorkar hian a enzui a ngai khawpin ka hria a. Hei VAT hnuiah ILP Act Section pawimawh lai hmangin sumdawng registration pawh hemi hmang hian restriction siam a, dan hmanga tih chu a ni na a, mahse tunhma atanga kan ram leh kan hnam himna tur ni a kan hotu hmasa ten an lo hriat leh vawiin thlenga kan ram hruaitu ten an ngaihpawimawh thin hi a Department hian hmalak chhunzawmna a nei lova, a chawlhsan ta nimai in a lang a. Helai hi mipui, Public Interest pawh niin ka hria a, ka sawilang hmasa duh a, engtinng sorkarin kalpui zel a tum.

Tin, tunlai hian kan Department hrang hrangte pawhin Company te nen Memorandum of Understanding te an sign a, Company pawh a lo dak chho sup sup a. Tin, Investment Banking dang dangte pawh a lo chhuak a, heng kawngah pawh hian kan ram leh hnam himna atan kan hotute hian ngaihtuahna hmanzui a pawimawh lawm ni, tih ka sawiduh hmasa a ni.

Tin, hei Trade & Commerce hian Agriculture Marketing hi a mawh a la vek a ni ber a, Marketing tih hian Local Market Municipal leh Village Council enkawl tur niawm tak hi an chang rih ta a. Hetah hian Trade leh Commerce anihna ang taka Marketing hi zau zawk leh Mizoram mamawh phuhruk tura hma a lak pawimawh hle in ka hria a. Kan fund dahte han en hianin, hmasawnna tur kawng chu a awm vak lo in a lang a.

Tin, MAMCO kan nei a, Mizoram Agriculture Marketing Corporation, anni pawh hianin eng activity nge an tih? Tih a hi ka rilru-ah zawhna liantak a awm a, an balance sheet te, an audit report te hi hmuh mai theihin a awmlo niin ka hria a, a uptodate dinhmun te chu sawiloh. Heng MAMCO tepawh hi an dinhmun enthat ngai hle in ka hria a, revenue an earn anih loh pawhin kan Agriculture Marketing lama kan loneitute harsatna sukiang tur hmanrua tur niawmtak te hi kan that tir mai mai nge, an thu mai mai nge ka hre lo va. Helai hi kan sorkarin attention a pek that hle ngaiin ka hria a. Tin, a problem tuna kan han face mekah hian kan loneitute Marketing chungchangah Sawhthing, hei a hmalam pawhin keimah pawhin ka sawilang zauh zauh a, kan hotu dang tepawh in an sawi theuh a. Tunah hian Aieng kan chin tir thar chhuah tur aia tam dahi hi a marketing hrakh chhuah mai tur inphum, amaherawhchu a marketing awmloh avanga lei a a awm, qts. sing tamtak a nuai telin a awm a ni. Amaherawhchu, a rate a chhiat avang hian nge ni MAMCO emaw, Trade & Commerce lam kan hotute hi an tui tlat lo mai hi, hei hi chu chet a hunin ka hria a. Kan hloh dawn anih pawhin hetah hian kan hloh ngam tur a ni a, kan loneitute laka kan hloh hi chu lehlamah an hlep a ni. Chuvang chuan Sawhthing market hi sorkar hian lo ngaiantuah lawkna a neilo anih pawhin tunah hian ngaiantuah that a, chet vat vat a hunin ka hria a. Mautam tam hmachhawn mek kan nih avang hian kan tharchhuah tawh sa, hrakh mai theih tura awm, a marketing that loh avanga hrakh theih lova kan mite mangang hi Market Intervention te, Support Price te, khang kan sawi thin zawng zawng kha tun hi hengah hian budget provision pawh dah hun a ni. Kan lo la neilo anih pawhin supplementary la kalpui tura huaitaka kal ngam chi, kan kalna tur niin ka hria a, helai hi ka'n sawi lang tel duh a ni.

Tin, thildang sawitur tamtak a awm ang a, hemi kan border trade chungchangah pawh hian, a thu a kan sawi hi a tam a, a taka thleng hi a awm hleithei rih lo a ni. A harsatna lai inhriatthiam pui thin mah ilangin, attention sorkarin a pekna tak takah hi chuan hmasawnna tunaia chak hi chu a awm thei ang, tih ka ring a. Chuvang chuan, helai pawh hi ngaihpawimawh ni selangan, kan ram thatna atanah hnuk pawimawh ber zing ami niin ka hria a.

Tin, chulo lehah chuan Rural Development Department ah hian Demand No.38 na – tah hian thil dang sawi tur tamtak awm mahsela, ka'n uar duh chu National Rural Employment Quarantee Act, 2005 kha ; hei kan district pahnihah, Chanchinbu ka chhiar dan chuan kuminah hian district 330 vel lai India ramah hian implement tura ruahman niin ka hria a. Tin, kan ramah hian district pahnih thlan belh leh tur niawmin ka hria a. Hei Mautam tam turte kan ni a, tin, inhlawhna hrim hrim, thingtlanga kan mirethei leh kut hnathawkte khawpui ah

pawh heng hi kan mamawh em avang hian hei hi chu kan sorkar hian chaktaka central sorkar a nawr ngaiin ka hria . Kum khatah chhungkaw tin ni 100 inhlawhna pek dan tur central in a lo pass reng leh pawisa pawh a lo dah reg hi Mautam tam chhunga tanah. Tin, kan ram economy siamna tur tak taka scheme hrang hrang lo neitute dawm kan kan tumna-ah pawh kan scheme ringawt hi kan thatpui hleithei lo. NLUP kan tih pawh a hlawhchhamna chhan chu a scheme-ah khan an in concentrate thei lo. Ei leh in nitin inhlawhfak chawp a ngai a, chuvang chuan an sum kha lo pawh pen loh theih loh a ni a, chu chu a ni. Vawiinni-ah pawh hian NREP Act-a hi inhlawhna hrim hrim anih bakah economic kan thanna tur leh kuthnathawktute sustain economy an thlen theihna tur atana scheme hrang hrang kan thlante belhchhahtu leh tuam hlawmtu atana kan hman chuan a tha hle in ka ring a, hei hi chu chaktaka nawr tulin ka hria.

Tin, hmanni-ah kan Opposition Leader pawh khan a sawi tawh a, Prime Minister te pawh an inhawng. Tin, keini hianin chhan thatak pahnih kan nei niin ka hria a. Pakhatah chuan mautam tam tur kan nih avanga chhanchhuah kan ngaihna, min chhanna tur a ni. Pahnihna atanah chuan kan district, kan state pumpui pawh hi khung state danga an block population pawh kan zat lo. An chanve, chanve kan tling mang lo ani. Chumi tan chhan chuan kan rama kan state pumpui district pumpui tuama NREP rawn tih hi a pawisa senso thu-ah pawh West Bengal te, U.P ah te, Andra Pradesh-ah te, Maharashtra-ah te an district a population kha kan state puma population khan kan zat lo. Chuvang chuan, helaiah hian kan tan kawng inhawng mai theiin ka hria a, hei hi ka ngai pawimawh ve hle a ni.

Tin, chulovah chuan Rural Development hnuaja hna chi hrang hrang, Central Sponsored Scheme thawhna-ah hian lang tlang zual deuh a kan tih hi tha in ka hria. Village Development Committee a awm tawh lo niin ka hria a. BDO te leh VC te inkara thil inhlawn chhawn leh thil kal anga ngaih tamtak a awm a, dik pawh a dikna chen a awmin ka hria a. Chuvang chuan mipui inhlawhna tura contract system deuh hleka thil kal a tam lutuk hi, Politics-ah pawh kan inpuh chhiatna leh mipui phunna tak niin ka hria a. Hei hi en that nisela, tun aia langtlang a bialtu MLA te pawhin sanction copy leh hnathawh dan, work order an pek copy zawng zawng pawh lo nei sela chu tun ai hian a that deuh ka ring a.

Tin, a tawpna atana ka han sawi duh chu DP & AR ah hian - Coaching Competitive hrang hrang atana Coaching hi ngaih pawimawh awm hle in ka hria a. A grade hniam deuhah te, Assisstant Grade-ah te, Group 'B' Officer lakna-ah te, All India Service leh Central Service atanah te, tun aia nasa zawk leh sorkar pawh in sengso zawka kan zirlaiten Competitive hrang

hrangah anmahni phak tawk theuh-ah hna an hmuh theihna tur atana kan Coaching neih sa te emaw, phai lamah an kal theihna tur remchang te emaw tun aia nasa zawka kan siam hi a pawimawhin ka hria a. Chung chu ka han sawi ve a ni e. Ka lawm e.

S P E A K E R

: Midang kan sawm leh hma in kan Opposition Group lian ber leh CLP Leader zahawmtak Pu Lal Thanhawla hianin a hritlang a nat deuh hlek avangin Session-ah awm harsa a ti deuh a "Chawhnu lam pawh min hrethiam turin ka rawn ngen e", a ti a ni. Keipawh hi ka hritlang viau a, kan House hi Air Condition kan ti lo thei si lova, ka tlanbo zeuh zeuh a, min hriathiam ka duh tel bawk a nia. Pu F. Lal Thanzuala i lo sawm ang.

PU F. LAL THANZUALA

: Pu Speaker, R.D Department ah hian ka han tan ang a. Hei BAFFACOS kumin-ah cheng vaibelchhe 35 lai kan han nei a, RD Department te kenkawh tur a ni a. Hei hi a thlamuan tlak hle in, pass pawh hi nghahhlelhawm ka ti hle a. Cheng vaibelchhe 35 lai chuan tunah hian a hlui a mi pawh kha la hman zawh loh engemaw zat a la awm a ni a. Sawng kan Lunglei lamah te pawh, mi tamtakin buhfai leina leh thildang leina te pawh an neih phak in, inhlawhfakna siam mek a ni a. Vaibelchhe 35 lai a lo awm belh leh chuan zonu/zopa tan pawh buhfai leina tlakchham a hlauhawm lo in ka hria a. Mautam kan han tuar tur pawh hi a huphurhawm lo sawtin ka hria a, lawmawm ka ti hle a. Hetiang budget hi chu pass thuai thuai pawh hi nghahhlelhawm hle in ka hria a ni.

Tin, chutih rual chuan thil pakhat han complaint deuh hlek ka nei ve a, IAY hi khawlai atang emaw hian an thlang a, waiting list ang hian an siam a, a copy ka han en chuan a diklo em em mai a, a Department kha ka va mawh chhiat pawh a ni chuang lo a, thingtlang a kan VC te nge, khawilaiah nge diklo awm, hmulo tur awm tak tak hi an tlar nuai zel mai a. Chu chu tihdanglam a va tha ve. Mahse a kal thui lutuk, hetah Office a kal chhuak a, Minister in a approved vek tawh a, tih danglam theih a nilo an ti bawk si a, heng te hi tuna list anga kalpui anih chuan a tha lo khawp a ni. A thlanna hi uluk deuh nise.

Tin, PHE Department ah hian - a hmasa berah chuan he Department hi a thawk tha hle a, nikum 2006 chhung khan Water Supply Scheme lian fe fe nuai za aia tam, nuai 200 ang te pawh pasarih lai an ti puitling a, nuai 186 aia tam deuh Kawnpui, nuai 1844 te, Mamit nuai 576 leh tlem te, Champhai Greater Water Supply pawh Test Plan thatak a tih a ni tawh a. Tin, Aizawl Greater Water Supply pawh la commission nilo mahse a tha a, tui a haw tur tur a ni tih te kei ngei pawh ka han kal a, a haw pawh a lian a, a thlamuanthlak hle a, a lawmawm tak zet a. Kawrthah lam te pawh siam a ni tawh a, Zamuang te, Rengdil te, hna an thawk chak a, a lawmawm hle a. Chutihlai chuan thawh mek lah an ngah a, hei Lungdai, West Phaileng, Tuidam te, Tlabung te pawh proposed a ni mek a, Lungsen thawhmek a ni bawk a. Hnahthialah pawh Hnahthial khawpui tan bik deuh nuai 240 man te, Thingsai leh Cherhlun tan nuai 100 aia tam ve ve pawh beih mek a ni bawk a, khatiang khan hna an thawk hi a lawmawm hle a ni.

Tin, Mizoramah hian hei, thinglangah school hi 2936 vel a awm a, Rural School engemawzat a awm a, tah chuan 1986 hi tui supply la neilo, tuizem la neilo an ni a. Heng School ah hian tui pek vek tum a ni a, ruahmannan an siam a, ti thei tura an ngaite hi a lawmawm takzet a ni.

Tin, Police Department ah hian han kal lawk ila; ka rilru-ah hian kan rama muanna a awm hi a lawmawm lutukin ka hria a. Thil reng rengah hian thil tha tak a awm lai pawh hian khawi emaw laiah hian a chhe deuhte a awm ve thin a, a mihringa ber pawh kan famkim loh takah chuan sawitur chu kan nei nual pawh ani thei e. Amaherawhchu, kan Police te an tha in an fel a, an hnathawhna-ah an efficient hle a ni tih hi chiangtakin alang a. Hei case chhuichhuah te hi an lo ti tha hle mai, IPC Case hi 2005-2006 ah khan 15.52% lai mai a an tlahniam kha ngun takin ngaihtuah ila. Hemi ringawtah mai pawh hianin lawmthu hi sawi sen loh a awmin ka hria a. Tin, non-IPC-ah pawh 24.57 laiin a lo tlahniam bawk a, a pahniha belkhawma han chhut khawm khanin crime hi an han record-ah hian 18.82% lai mai khanin a tlahniam a ni. Chutianga kan tlakhniam lai chuanin kan thenawm state lam han en ve thung chuanin Assam-ah chuan 3.27% in a up a, Tripura-ah chuan 8.93% in a up a, Manipur-ah phei chuan 14.91% in a up a, Nagaland-ah pawh 6.61% in a up a, Arunachal -ah 2.13% in, Meghalaya-ah 7% in, Mizoram ah chuan 31% vel hian a down tlat mai a ni. Chuvang chuanin, thil ropui a ni a, hei hi vawiinniah hianin internet atanga Romei in a lakchhuah ah khanin Mizoram state chu kan sang leh hle a, hei hi a lawmawm takzet a, hei hi Pathian malsawmna a ni a. Assam-ah hianin Violent Incident, hriam nena intih natna hi a pung nasa khawp mai a. 398 atangin 413 ah a pung a, Nagaland ramah chuanin 192

atanga 392 ah a pung a, nikumah khan Manipur-ah chuanin a up tlem ve deuh hlek a, 554 atangin 498 ah a tla a, Mizoram ah chuan 5 a ni, Violent Incident a kha, 5 chauh a ni. Manipur chu a hniamna kha 554 atang khan 498 ah a tlahniam a, Mizoram lo thleng let 98 in a tam anih chu. Chutiang khawp chuan kan lo awm kha a ni a, hengte hi engvang nge kan tih chuan kan Police thatna leh efficient na chu a mawh liantak pakhat a ni. Anihleh ngatinge Police te chu efficient a an thiam a, an taihmak, kan tih chuan a enkawltu sorkarin a thiam ani, a tihloh theih loh, an thurual a ni. Thil tha an ti tawn a ni. Kan sorkar pawh hi kan han sawi pawi viau thin na in, tiang em em chu a lo ni lo. An moral pawh hi a sangin a tha a ni. Hetianga remna leh muanna an awm hian a chhan ni ve tho chu Economic lamah hian kan dinhmun a tha ve hret hret a ni, tih a kawk lo thei lo reng reng. Riltam ringawt mai awmkhawm zingah chuan Law & Order kha har tak a ni. Chuvangin, kan Economic kal chho-ah pawh hian heng kan eikhawpte hi kan duhtawk chu a nilem lo. Lungawilo thawm thangva pawh hi kei ka hmuh dan chuan Media Creation, Political Leader te thusawi ina a hruiakawi hi a ni maiin ka hria. Tiang hian tum neiin, thil kan sawi a, tum neiin lehkha kan ziak a, turn neiin TV-ah thil kan ti a. Chhiar tlak mang hleih lohte, mi sawiselna eng engemawte kha kan han ti ta vak zel mai a. Ka ngaihtuahna a lo lut chu kan ram hi engtia amw turin nge maw kan duh le aw... inrel inrel ramah hian tihte ka ngaihtuah a. Khang vangte kha a nia, tuna lawm lo Association tamtak an han awmte hi. Thut hmun han hrilhfiah chuan 'a lo ni maw' ti tur hi tamtak an awm a ni. Chuvangin, vawiina kan Minister pahnihte Demand kan han sawi ho hi lungrual takin pass ka duh em em a ni, tih ka'n sawi a ni. Ka lawm e.

S P E A K E R : Inrawn tlan a tul tlat mai. Dar 4 kan pelh hmel a, ka ding lamah 2 an la phar a, veilamah 2. Anni hian han sawi zo law law sela, chumi zawah Break kan nei ang nge, kan remtih tlan chuan 4:40 PM ah te pawh kan Break tho a. Anih pathum phar chin chuan sawi phawt rawh se. Dar 4:30 PM ah Break turin ti ang aw, a indawt deuh khan kan Dy. Speaker khan a ti tlat mai a, Pu Zodintluanga.

PU ZODINTLUANGA : Pu Speaker, ka lawm e. A hmasa a ka sawiduh chu tukinah chanchinbu-ah te Saiha thilthlengte rapthlak tak mai, chhungkua pawnlam atanga inkhalh hnan a,
...696/-

inthahna-te kan hmu a, kan Home Minister zahawmtak khan Statement te he House-ah hian a siam ka lo beisei a. Khatiang khawpa thil thleng rapthlak kha helai House Information atan, amarawhchu hetiang te hi kan sorkar hian engahmah a ngai ta lo emaw ni chu aw, ka ti a ni. Chanchinbu-ah te kan hmu a, hmun hran hranah ruang chhar tih te hi kan hmu kan hmu ta mai a. Hmanlai Sap Chanchinbu a lo lang thin hi tunah chuan kan nitin chhiar a ni ta mai a ni. State ralmuang tha, peaceful kan tih ang chi te kha a ni thei ang em, tih ka rawn sawi hmasa duh a ni.

Kan Governor-in a Speech ah khan Crime Rate a hniamna 18% a hniam a rawn tih lai kha an rawn sawi ziah mai a. Pu Speaker, he thil hi kum 2006 Statistic atanga lak a ni a, chuta kan en chuan kan Incident of Crime by Major Head under IPC an ti tawp mai a, nikum ai chuan a tlem em em a ni. Hei hi a figure tih tlem duh vang hrim hrim a niin ka hria. Kan sorkar hi a chak a, Crime Rate hi a tlem a ni, tih hi a diklo a ni. Kumdanga tih dan chuan item 33 an telh thin lai hian tun kumah chuan 19 chauh an telh a ni. 2004 velah chuan 25% dawnin a pung a, kumtin hian Crime Rate hi a pung a ni. Tunkum atanga an tlahniam ta that hi sorkarin a mipuite Wrong Information an pek duh vang zawk niin alang a ni. Kumdanga an lo tih thin Number of Person Arrested under Local and Special Law in Mizoram, tih a intlar thla dual a. Tin, Case Register and Person Arrested under Excise Department ah te heng zawng zawng tunkum kan Statistic ah hian a rawn lang lo reng reng a ni. Hetianga mipui Wrong Information pe a kan Crime Rate a hniam a ni, kan sorkar a chak ta lutuk, tih vak vak na tur a la ni lo. Chuvangin Pu Speaker, khalai kha sawi tam vak a ngai lova.

Home Department hi kan sawi tawh thin a, kum hmasa lamah te kan Police Department thuam thatna tura Police Modernization Scheme a pawisa tamtak hman diklo te kan sawi thin a, awmzia a nei miah lova, thil ti sualtu man emaw pawh. An thil tihsual hi kan tisual leh tawh lovang , tih pawh Statement pawh siam a awm ngai lo a.

Tin, nichina Suangpuilawn bialtu zahawmtakin a rawn sawi a, Suangpuilawn a MLA Candidate kidnapped te kha, he House-ah hian chhui mek a ni, a ti a. Hei kum 4 a ral dawn a, nakumah kan inthlang leh dawn, chhui mek hian kan zo ringawt dawn em ni? Chuvang chuan, kan ram leh hnam kalna tura he kan sorkar ina min enkawl dan hi hriathiam a har khawp mai.

Tin, kan Home Minister zahawmtakina nakina a rawn sawifiah atana ka duh pakhat chu, hei Chanchinbu-ahte a rawn lang a, Chanchinbu hrang hrangah Mizoram People Conference ina Press Release an rawn

chhuah a, Lawnglai Bank rawk chungchanga kan Home Minister ina thil engkim hria a, mahse mantir duh lova ‘Burma sipaite hnenah mantir rawh u’, ti a mipui hma a hetianga an rawn chhuah hi, hetiang anga Press Release te hi kan sorkar hian reaction a dawng emaw dawng lo emaw pakhatmah a nei lo-ahte hian amah hi a thuchhuak hi a diklo a ni, tih hi kan ti lo thei lo a ni. Heng hi khawngaihtakin nakinah min rawn sawifiah sak turin ka duh a, a nilo aniih chuan henga Press Release te hi mipuiin a dik ah kan pawm dawn a ni. Chuvang chuan, khalaiah khan min rawn sawifiah sak sela. Tin, Sap Chanchinbu a lo lang Tripura DGP tena khulai BNLFM te mi 804 lai mi in surrender chungchanga Assam Rifle sorkar hnathawk tena inthuruala hei hi an pekna lem mai mai a ni, tih chanchinbu hrang hranga rawn langte pawh kha nakinah min rawn sawifiah sak loh chuan Sap Chanchinbu-ahte kan sorkar ti hmingchhiain an thiltih hi a diklo a ni, tiin a rawn chhuak a. Kan sorkar atangin Statement pakhatmah he thil hi a diklo a ni, kan thiltih hi a dik a ni, Tripura thuchhuah hi a diklo a ni tih chhuah awm silo, khangte kha min rawn hrilhfiah sak turin ka rawn ngen nghal duh a.

Tin, hei kan ram chhungah ngei pawh Chanchinbu te kan hmu a, kalphungte kan hotuten a kan ram an kaihruai tumdante hi hriathiam a va har em! Pu Speaker, kan Home Minister zahawmtak chuan YMA te ruihhlo dona-ah a va kalna ah chuan “YMA hmatakna chi reng rengah chuan dan leh hrai hi a pawimawh a ni”, tiin dan hnuaih fimkhur tur leh uluk taka hmalak a pawimawh thute an va hrilh a ni. Chutihlai chuan kan Chief Minister ve thung chuan “Hetiang ho kalkhawmna-ah enge a tih ve? Engamah hma-a dan lek a tul lo” tih te hi chanchinbu-ah kan hmu tlat mai a ni. “Thilsual ti tute hi sorkarin dan leh hrai hmangin a hmachhawn thin a, Police leh Enforcement te aiin Kohhran leh tlawnngai pawl te hi a letin an chak tih alang a” tihte kan Chief Minister thusawi anih chhung chuan a khawi hi nge ni kan hman ang. Engtinngé kan Enforcement loh tehreng ang. Engtinngé kan Law Enforcement te hi an moral a down loh teh reng ang. Kan Law Enforcement te, kan Police Officer, Mizoram mai bakah khawvelah pawh Police Officer fel ber ber kan tih thin te, vawiinia Kohhran te, NGO te a letin an chak a ni an tih khum leh si chuan engtin nge hna an thawh that theih ang? Engtinngé kan Crime Rate te hi a san loh theih loh ang? Statistic hmang mai maia Crime Rate tih hniam te hi a dik ngai em ni? Pu Speaker, sawitur a tam khawp mai a.

Tin, Demand No. 25 na - Water Supply & Sanitation ah khan tawite rawn luh ve leh ka duh a. Nimin piah lamah te, kar hmasa lamah te kan Saitual bialtu MLA zahawmtakin a rawn sawichhuah Tuikhuahlang a Renovation of Existing making main reservoir at Tuikhuahlang tih a Rs. 23,16,326/- pawisa lak tawh si, a taka thawh loh helaia kan PHE Minister zahawmtakina Departmental in hma kan la e, tih kha khawngaihtakin nakinah wound-up hunah min

rawn hrilhfiah sela. He pawisa hi khawiah nge a awm tak, tih kha min rawn hrilhfiah sak turin ka duh a. Hei sawitur a tam si a, kan PHE Minister hi ngen ka duh a, saw tunah sawn Drilling Machine PHE khawl lianpui mai a lo thleng tawh a, nikum lam khan a khawl a lo thleng a, kan chanchinbu-ah te khawl thatak a nih thute leh Sihphir-ah te an han test tawh kha a ni a. Amaherawhchu, Congress thalai angin kan va en a, khawl hlui a nihzia leh khawlthar nilo an siam belh mai mai, kan sorkar leh mipuite bum tum, bum nana an hman pawisa pawh an pek hman tep tawh kha va hmu in, a neitu te pawh kan ngen a, thawn haw leh turin kan ti a, kan ngenna te ngaipawimawh in vawiinni-ah Pu Speaker, hmanni ah khawl tha tak mai engemawzat a rawn thleng a, a lian chi pahnih leh a te chi pahnih, a hmun ngeiah keipawn ka va hmu a, a lawmawm ka ti viau mai a. Saw khawl tha leh thar neih theihna ah sawn a mawhphurtute zingah tel ve a ka inngaih avangin a hman hmasakna berah sawn ka bial Lungsen khua saw tui an harsa em em mai a. Thal a ni dawn a, min verh hmasak sak ber turin min tihsak turin kan PHE Minister kha ka rawn ngen duh nghal bawk a.

Tin, Agriculture Department in sazu tur Rs. 11,20,000/- ngawt main an lei a, Pu Speaker, he sazu tur hian tun kum mai hian mau a tam dawn a, sazu a rawn puang dawn a, Rs. 11,20,000/- man chuangin sazu an han hrai tur chu tamtak an thi dawn a ni. Heng an sazu hraite hi kan nu leh pa, pi leh pute atanga kan hriatdanin tui an pan thin a, heng an tui panna turte hi kan tuitlan thingtlangah emaw, khawpui chhungah pawh nikum maiah khulai kan tuilakna Sangha leh Kaikuang tlem a thih pawn Aizawl a helaia kan tuilakna chu thuahfai a ngai a ni a. Chutiang ang hunah chuan Rs.11,20,000/- man sazu tur hmanga sazu kan hrai hian thingtlanga kan reservoir te hetiang kan tui in tur han tihna tur atan hian pawisa hi dah awm hian kan budget ah hian kan hmu si lova, khanglai kha sawitur a tam khawp mai. Mahse, Pu Speaker, hun a tawp tawh si a, ka duhtawk mai ang e.

PU LIANSUAMA

: Pu Speaker, Demand No.16 na - Home Department hian member zahawmtak tak ten an fakna kha ka tawm thlap a. Kan Police te hi Motor, ralthuam leh kawng hrang

hrangah tunhmate ngaiantuah chuan an lo changkang sawt hle mai a. An lawmpui awm khawp a, an mahni kutkawih ni bawk , a pumpui a nichiahlo te pawh a awm ang a. Tanrualna rah, khawthlang lama rambuai kan neih thinte a lo reh ta hi Home Department thawhrimna leh mipuite thawhhona rah a ni a, lawmthu hrilh tlak an ni. Hetih rual hian Anti-Settlement ah hian sorkar hi duh aiin a muangchang kan ti dawn nge, tanlak leh hret he kumtharah hian a tha khawp ang a. Tunah hian Tuipuibari leh

Damparengpui velah khuan an awmkhawm vek mai a ni a, Demography a tih danglam theih dawn avangin tun anga awm reng khu chu kan hnam leh kan ram leh anmahnai tan pawh a tha dawn lova, chuvang chuan raltnan an nih hma a an awmna khua theuhah an kir leh hi khawthlang lam chuan an duh ber. Chutiang anih chuan Mizoram mi nilo an lo awm anih ngai chuan a fiahna awlsam ber a ni ang. Phuldungsei bialah khaw tamtak raltnan avang khan an rauhsan a, khangho lo haw leh mai kha a thenawm Mizote pawhin an ngaimawh lem lo. Amaherawhchu, hmunkhatah sangtel a an awmkhawm khu lehlamah chuan tawng mawilo a nilo ang a, inthlanah harsatna kawng tamtakah kan tawk leh ngei ngei dawn a, kan hotuten uluktaka ngaihtuahin, helai hi he kumthar-ah hian tanlakna tur chi ngawih ngawih niin ka hria a.

Tin, chutih rual chuanin, Damparengpui ah khuanin kan Police te rambuai avang khan Community Hall leh Rest House kan neih thinah te an in bengbel a, tuna Camp thar anneih takah hi chuan insawnchhuak rang thuai thuai se, Force te leh Civil mi kan inchiahpiah nasa lutuk hian problem a piang thin a, a piang tawh bawk a. Chungang chu harsatna kan tawh mekte an ni a, an fakawm rualin khalai kha tawite in ka'n sawiduh a ni.

Lawngtlai bialtu zahawmtakin a sawi – kan Armed Forces te Rifle Allowance hi a tlem lutuk deuh bawk a, British hunlai a mi a ni e, an ti a. Thla khatah cheng 5 pawh tling lo hi chu a sawi pawh a zahthlak lam a ni tawh a. Hei hi kan kumthar budget-te a tha deuh bawk a. Tin, nichina kan ngaihthlak nuam tak mai, kan Police tena an DA te an TA te leh Vehicle Bill ba te an pe thei dawn a, achievement ropui tak ni dawnin ka hria a. Tun hnu-ah pawh hetianga a kal zel theihna tur atan tan lak chhoh zel ni sela. Tin, hetih ruala ka'n sawi duh chu DP & AR nena sawikawp ngai a ni a, engvangin nge All India Services ah hian Cadre hran kan neih lo fo? Kan hotute hian tan an la tawh thin tak nangin he kumtharah hi chuan achievement atan a pawimawhin a hriat a. Kan Cadre mi nilo, Head of Departrnent ah kan nei fo te hi a that chu tha bawk khat mahsela, Cadre Controlling Authorities pek kan nih loh hi kan harsat phah a ni fo a. Chuvang chuanin,Mizo tlangval kan Cadre Officer te an awm hi chuan emaw, anih loh pawhin an chunga kan sorkar ina a tul a reward an pek a, a tula an hrem theihna tur dinhmun te pawh niin a lang a. Chuvang chuan, IAS, IPS leh Forest Service leh All India Services hrang hrangah hian Cadre hran nei ila, tahchuanin kan Police Department hian DGP, Mizoram Cadre IPS Officer ten min lo ho tawh ang a, chu chu kan hmasawn zelna tur bul niin ka hria.

Tichuan, Demand No. 13 na nen kan sawipawlh ta a, DP & AR kan luhchilh leh deuh hlek ang a. Kan ram hi tunhma khan District Administration thatak kan nei thin a, UT Ministry hmasa berah pawh khan District Administration hi a la tha khawp a, hun a lo kal zel a, District Administration kan ti dal tial tial a. Tuna kan ram dinhmun diktak chu Over Centralization hi a ni. Chuvang chuan DP & AR hian Administrative Reform hi he kumtharah hian chak zawkin hma han la sela. District Administration a bikin DC Office, a dawtah chun Sub-Division A.O system te kan ti bo ta a, BDO an control bawk si lo a, chuvang chuan Administrative Reform hi nasa takin a ngai a ni. Tunah chuan Civil Sub-Division a posting te pawh hi hremna-ah kan ngai ta mai a. Entirna atan DC ina a tih vek sen loh a tam mai, Sub-Division a kan Sub-Division Officer feltak takte hi kan Under Utilized a ni. Chuvang chuan DC Administration atanga Decentralization hi kan uar loh chuan kan ram hianin that lam aiin that loh lam kan pan phah ngei ngei dawn a. Development Department-ah pawh hian a ni vek mai, Police Department hian an la keng tha ber lawi a, DGP a awm a, a hnuiah SP te leh Armed Battalion te an awm a, chumi hnuiah chuan Sub-Division leh BOP te, Administration an la keng tha thawkhat viau.

Education Department hi entirna pakhatah lo tarlang ta ila: DEO hian SDEO a control miah lo. Tichuan, Director leh SDEO kha direct in an inthlung ta a. Chuvang chuan, District Administration nei ve lem siin a Sub-Division control loh tlat mai hi Administration ah chuan thil thalo tak a ni. Chutiang deuh chiah chuan D.C te hian BDO an control ta hauh lo mai hi enfel a ngai a. Chuvang chaun, Department hrang hrangah hian Administrative Reform hi kan ngai hluah hluah ani. Chuvang chuan, Aizawl khawpui hi a lo tawt zo ta a, thuneihna zawng zawng Aizawl a awm avangin, Lunglei ASO-I chuanin LSC a pe chhuak thei lo. Chutiang zelin Champhai leh Kolasib te pawh hi an ni mai thei, he kan kalphung hi kan thiah loh chuan ka ram zim te hi Aizawl atang vekin kan enkawl zo lova, hemi enkawl a ti tha tur hian DP & AR Minister hian hma than la sela, he kumthara home work thara tan a va tha dawn em, tiin ngaihpawimawh zawng ka'n sawi ve a ni.

Chutih rual chuan Transfer Order chhuak a tuk leha Cancel ngai thin hian Administration a tizahawm lo va, a bikin DP & AR Department in a enkawlah hian. Tichuan, Aizawl atanga Officer sawn chhuah ve theih reng reng loh, keini hunlai Minister kan nih ve hunlai pawh a min demna thin kha a la kal zelin ka hria a. Hei hi kan in enletna tur a ni. Engemaw lo tihsual pawh a awm thei a, an hna an zawm phawt a, zawimuanga tihdanglam leh chu thuhran ni se, order kenkawh miah hma a, mahni transfer oder thiat thei Officer an tam hian kan rorelna a tizahawmlo in ka hria a, thahnemngaih thu-ah hei hi ka'n sawilang a ni.

Nichina Hnahthial bialtu zahawmtak sawi ang khan RD Demand ah hian BAFFACOS vaibelchhe sawmhnih panga kan hmu hi a lawmawm khawp a. Hei leh BADP hi han sawikawp ila, BDC ah MLA te hi Member kan ni a, tahchuan BDC a Member kan nih a, rorel turah hian han chhawpchuak tel sela, kan Minister hian he kumtharah chuan, April thla-ah min ko khawm leh dawnah ngai ila. Tichuan tam dona tur atana Scheme tha si, vantlang in assists tha kan neihna tur atan MLA te telna hi min han ring mai se chuan a van tha awm e, ka ti a. Chutirual chuan PMGY, miharsate insak turah pawh hian IAY-ah nichina kan ngaihthlak tawh Permanent Wait List an siam a. PMGY-ah pawh hian mipuite aiawh thlangthei ho te hian sulhnu han nei ve ilang chuan a ziaawm ang tih ka ring a. Chutiang zel chuan BADP a hmalak turah pawh hian BDC hi kaltlang ve ta se mipui aiawh VC te an tel vek a, MLA ten kan ngaihmawh zawng kan sawina a leng ang a, kan Minister te pawhin khawthlang lama VC hova hetiang kan ngaihtuah changin an aiawhte an rawn depute thin a, chung chuan kan Minister te ngaihpawimawh a rawn fawmkem vek a. Hetiang hian he kumtharah chuan kan tam do tur leh Border area a kan hmalak turah hian BADP ah hian MLA te kutthlak na tel ve se chuan a tha ngawt ang. Phuldungsei bial bikah BADP hnathawh tura list a lo lang tawh, cheng nuai tamtak man pending in a awm mek a. Hei pawh hi planning lai a fel loh vang niin ka hria a. Elected Representative te kan tel hian a tha ang tih ka ring a. BDC Member kan ni ta sa sa, kan Minister lo chhinchhiah atan ka'n tarlang a ni.

A hnuhnung berah chuan West Phaileng Water Supply Scheme kan ngaipawimawh khawp a. Kan sorkar hian PHE ah hian hna a thawk tha khawp a, GLWSS sawi ngawrh anih lai khan helamah kan thu a, tumkhhat phei chu Minister i/c ka ni a. Vawiin thleng hian thawh loh hlawh bill kan la tawk tawk mai tih han hriat phei chuan hritlang a Session han chawlh ve hi ka chak a, mahse ka ti ta em lo a ni.

Engpawhnise, heng hi harsatna tamtak kan paltlang karah hian Phaileng-ah hian tui min han pe ve phawt mai ulang, W. Lungdar-ah khuan tui pump tur tha deuh mai kan nei a. Kangmun tlangdung zawng zawng chawm thei nghal tur hi. Chungte nen phei chuan Budget Session neih hi a va nuam dawn em, kan hotuten hna an va han thawk tha em. Aizawl West lampang hi GAWSS Phase-II kan ei tan tawh bawk a, tui min pe tlem lutuk a, thlakhatah hian vawi hnih kan dawng hman meuh lova, kan Session tawh hnu hian ka han dil a, "In Session laite a ni bawk a, kan rawn pe hram ang che", an han tih chu ngaihthlak a nuamlo angreng khawp a, tlangdung lam in hnianghnar tih kan hre si a, West lamah hian MLA tam ve deuh kan nia. Ni 13 dana tui litre sangkhat leh tih han dawn chu a tlem lu deuh a ni. Water Supply Phase-II kan dawn takah chuan hniang hnar ve deuh turin kan in ngai a, kan lawm khawp a ni. Ka lawm e.

PU LALRINLIANA SAILO : Pu Speaker, ka lawm e. Demand No. 33 na - Soil and Water Conservation leh 25-na ah hian ka ngaihmawh em em chu hmanni khan ka sawi teuh tawh a. Khawvel

Global Warming, khawvel lum chho zelah hian tui harsatna hi kan problem tur a ni reng reng a. Hei hi ka ngaipawimawh khawp mai. Asian Parliamentarian Conference a kan zuk kal khan Japan Officer in a sawi ka tih kha. Kumtin hian tui khawmual ami hi metre khat chuangin a liam thla zel a ni, a kam thla zel a ni, a ti a. Ka ngaihtuahna a kal thui hle mai a, keini pawh hi tlang ram kan ni a, tui hi khawl a ngaiin ka hria a, kan luipui dung hi a tawi nasa si a. Kumkhat hi khua han thal ta se chu kan buai ngawt ang. Chuvangin, vision thuitak sorkar kan intih si chuan tui, hemi lui khuah a, chumi hun atan kan inhmakhsuih lawk hi a that ngawt ka ring a, chu chu Soil Department hi kan nih tur ang hian kan hmang tangkai lo hle in ka hria a ni. An role hi a pawimawh em em mai a, hemi erosion tih te leh landslide turte pawh hi anmahni role tur mah zawk hi a ni a. Chuvangin, ka ngaipawimawh hle a ni, hemi thu hi. Hei, India President zahawmtak chuan inchhiar ve ka ring a, Ignited Mines leh Wings of Fire leh kum 2020 India ram chungchang tura a rawn sawichhuah te kha a ngaihtuahna a ropui ka ti a. Orissa a tui harsatna khu kan sawi kan sawi a, North East a Brahmaputra a tui luangliam thla reng hi verh thla ila, kan chawm thla mai ang chu, a ti mai a ni a. Khatiang deuh hlek khan miin ngaihtuahna thui tak an nei a. Khu Tuirialte chu kan hria a, khua an that deuh hlek chuan Ar a dai kai thei a ni. Tin, Tlawng ah te pawh nikum khanin kan tu leh fate nen kan zuk kal a, Motor silfai ve kan tum a, tui kha kan indaihlo tlat a ni. A chhaka insu te tan khan khami thli kha a thlanglawk a kha a ni si a. Tui hi engtikniah emaw chuan harsatna kan la tawk dawn anih hi, ka ti a. Chuvang chuan, kan lui tui luangral zung zung hi store a ngaiin ka hria. Kan Chief Minister zahawmtak ho hian ngaihtuahna thar nei se, hei hi pawimawh tak meuh meuhin ka hria a, Industry kan ti emaw, Agriculture kan ti emaw ti dawn tak tak ila tui tel lo chuan a kal theihloh reng reng a ni. Hei hi pawimawh ka ti khawp mai.

Tin, RD-ah kan sawileh lawk ang a, hmanni-ah kan infak a, ka fak a, ka sawi a. Kan Minister zahawmtak rawn nih hnu hian a thawktute thawhrimna pawh a ni ang e, ka ti a. Hmasawnin ka hria a, RD hian. Amaherawhchu, hei tukina Phone ka dawn lehah chuanin, khimi khawchhak lam atangin thu ngaihthlaknawm loh deuh mai a lo kal leh a, "A va chuai hma em kan lawmlai ni te hi" tih ang deuh hlek kha aniin ka hria a, a pawi angreng khawpin ka hria a, min lo chhinchhiah sak se. Khimi Ngur atanga Tuithoh Link Road-ah khian February thla khan a hming pawh kan sawi ang e, Ngur khua Pu C. Lalchawiliana Ex-VCP in cheng 1,50,000/- a la tawp mai a, chu chu Ngur MNF V/C te pawh

khan an buaipui hle a, tukin zingah an sawidan chuan, hemi kawngah hian km 4 lai mai laih tur, Pu Muana laih turah hian Rs. 8,00,000/- vel a lak tawh hnu a la bang kha niin an sawi a. Chutiangte chuanin amah khan Seal siam chawpin a la a, an ti a. A pawi angreng hle a ni, min lo chhinchhiah sak se. Sorkar sum heti mai maia a awm hi a pawi ngawtin ka hria a, tha lo ka ti tak meuh meuh a ni. Tin, RD-ah hian kan sawi tawh a, hmannia zawnha leh chhanna-ah hma kan sawn kan tih rual hian kan Minister zahawmtak hian thatak duh mahse a party atanga pressure dang lo kal thin ang hian a nih tur ang hi a ti nilo nasa maiin ka hria a. Hei hi kan inen a tha ngawt mai, chu chuan a harsa zawk leh heng ang kuthnathawktute inhlawhna tur ang chi te an chawhbuai sak thin te a awm a. Tin, in sak tanpuina ang chi pawh thlan tawh han lan leh lawp lawp mai te hi a awm a, chu chu a thalo ka ti hle a ni.

Tin, Soil-ah hian hian kan let leh lawk ang a, ka ngai pawimawh a, Hnahthial saw ka va cheng ve hrep tawh a, Bialtu khan a sawi si lova, Soil Department a Hnahthial a Office awm saw sawn tumna a awm ni, Division saw? Sawn lo se ka ti ngawt mai. A chhan chu tunhma atanga lo awm ve tawh, chu ai chuan upgrade zawk nise. Sawlai bial tan sawn a that ka ring a, bialtu in a sawi lem mang si lova, kan sawisak a ni. Lo kal an tam si a, an rawn sawi si a, a lawmawm e.

Tin, Home-ah hian tlem han sawi ka duh a, kan ngaithla tawh a, ngaihthlak nuamlo tak tak te a awm a. Hemi Peace Dialogue a ni emaw, Process chungchanga hel kan rama lo lut te engemaw ti a sorkarin rem hre tak leh an rawn nghengte a nih chuan chung chu kan ngaithiam khawp mai. Mahse tiang nilova kan CM zahawmtakin, hel khan leh kawng zawng zawng pawh hria leh an ralhuam engkim mai hria a an insawi avanga chungtena beiseina neia an lokal a, helai hi a hman hmanin helte chet tlatnan an rawn hmang dawn anih chuan a pawi ngawtin ka ring a ni. Tunah hian naupangte te pawh kan ti thin a, nitina kan hmuh leh nitina kan nghente hian min hruai thin a ni. Hel, diktak chuan in an luah a, Telephone te an nei a, an Pistol te pawh hmanni-ah Suan te, thir chherna-ah sawn an siam a, khatiang khan an inlek zawk mah mah a ni a. Hemi Nagaland hel ho phei chu IM ngat phei chu Mizoram ah hian an kawhva a nia. Kan hria a, kan sawi tawh a, chutiang chuan kan thalaite engemaw ti a an inlek ang leh invilik tak mai a an awm chuan kan thalai tamtak hian tih ve chak emaw, hei hi chu a tha love, tih emaw an awh ve emaw a hlauhawm em em a ni. Hei hi chu a pawimawhin ka hria. Tin, tuna kan han hriat phei chuan leh kan Member zahawmtak tak te pawhin an sawi a, Bn. Headquarter dilna ahte pawh hel in silai an tawlh rukna Mamit te pawh kan ti a nih kha, zep thu a awm lo. Chutih rualin, hmannia kan hriat dan chuan Manipur a kal tur kha mitthi phur angin an awm a, tichuan sawilai a mi saw a hming chu ka

sawi lovang. Rs.5000/- in an ruai a, tap lem turin a tap chho ham ham mai a. Chutiang te chuan an ti a ni. Kuang chhungah khan silai hlir a khat a ni, a pawi lutuk hetiang hi. Khati khan a vei tawna, gun running state tak tak kan ni, a pawi em em a ni. Sawlai a mi pahih an rawih thin pawh chu an hming pawh kan hre vek, mahse kan sawi rih lovang, Pu Speaker, a pawi taktak a ni hetiang hi. Silai te heta tangin an ti thla a, silai lian khulam atangin an la chho a ni, kan hria a ni. Kan sawi dawt teh ang, MNF thalai Secretary thenkhatte hemi-ah hian an in hnamhnawih niin kan hria a, pakhat phei chu kan nau anih avangin a hming ka sawi lo ang a, an inah ka va kal a, "Inhnamhnawih tawh suh, i Motorin an ti lehngthal", ka va ti a ni, a pawi khawp hetiang hi chu. Kan hnam hi buai Alarming State kan ni ang tih ka hlau khawp mai. Tunah khan an sawi a, state thenawm te that loh zia leh peaceful loh zia kan hria a, hei hi kan hnaih ve thei tlat, min rawn nghen min rawn nghen chuan, lohtheihloh-ah in check palh a hlauhawm tlat. West Phaileng thlanglam Tuipuibari ah pawh hmanni-ah pawh khan kan hria a lawm, an Major pakhat pawhin a zuk thah mai kha, tunah a tang reng a ni lawm ni? Tiang khan civil mi lakah an awm ang tih ka hlau tlat, chu chu ka sawi duh a, ka ngaipawimawh bawk a.

Tin, Demand No.25 na-ah ka'n lut leh lawk ang a, khimi Aizawl Greater Water Supply Phase-II chungchangah khan pakhat chauh chu sawi duh chu a hming pawh ka sawi ang a, a diktak hi chu pawi ka ti lova. Pu M.C Fala'n 2004 March Ni. 27 & 29 a nuai 23 chuang a lo lak thei kha mak deuh chu 2004 ah a thawk lova, 2005 ah a thawk miah lova, 2006-ah a thawk miah lova, vawiinni thlenga hetianga thawk lova awm hi kan Minister zahawmtak hian a hum duh pawh ka ring lova, hei hi chu action kan la ang e, ti se, chutilo chuan a tel ve-ah kan ngai mai ang. Tuna an hnathawh lai tamtak chu kan sawileh lawk Pu Speaker, khawngaitakin - Phase-II ah hian ka sawi duh chu 16th June, 2004 ah Congress hotupa Pu Hawla'n Press Conference a neihah khan P.P Johna te pafa in vaibelchhe 5 kan pe ang che, nuai 32 atang hian 99 ah min tihsak la, vaibelchhe 5 kan rawn dah ang che, min ti a, a tia ni, khawvel hriatah a puang a ni. Chu chu a ti ngam lova, a bak sawitur a awmlo reng reng, helaiah hi chuan awm chu a awm a ni. Chuvangin, phat phat chi pawh a nilo, hriat pawh kan nei ve a ni. Ka lawm e.

PU LALTHLENGLIANA

:

Pu Speaker, ka lawm e. Hei vawiinni-ah Demand kan Minister zahawmtak tak te - Pu Tawna leh Pu Aichhinga te Demand kan han sawi a. A hmasa in Demand No. 16 na - Home Department chungchang thu

...705/-

hi kan sawiduh a. Kan ram hi a ralmuang hle a ni tih hi chu khawvel min hmuah dan a ni a. Tourist, Foreigners te leh India ram Officer, Minister te zawng zawng pawhin an lokal apiangin a ralmuan zia hi min hrilh a, kan Governor hmasa leh a hnuhnung pawh hian an sawi chamchi a ni a. Kan thenawm state dang te kan thlir chuan hmanni lawkah Assam ramah Hindi tawng hmangte Quite Assam an ti a, Hindi tawng hmangte reilote chhungin mi 60 chuang zet an han that mai a, nitin 4/5 thihna ramah an lut a. Manipur, Nagaland te a ni bawk a, chutiang karah chuan keini hi chu a zeuh zeuh engemaw chang hian an awm ve a, ruang chhar tih te zepthu a ni nem maw. Hei hi khawvel kalphung a ni a, tunlai khawvel sual sang zelah leh khawvel ram hrang hrang namenlova an buaina karah hian keini chu kan la hahdam hle a ni. Heng te hi kan Home Minister chaktakin hma a lakna leh kan Police te hnathawh that vanga thil thleng a ni a, vawiinnia hetia ralmuang a kan awm theihna chhan hi. Engemaw zeuh zeuh hi chu thuthlung hlui atangin Evi leh Adama atanga sual in tuh avanga awm a ni a. Kaina pawh khan a unaupa Abela kha a that tawp mai a ni. Sual hi chu khatih hunlai atang khan a awm zeuh zeuh reng a. Pathianina a mithlan Mosia ngei pawh khan Aigupta tlangval kha a vawhlum tawp mai a ni. Heng ang chi hi chu khawvela kan awmchhung hi chuan a awm zeuh zeuh ang. Hemi avanga Law and Order kengkawh zo lo anga an in puh te, In tin kawngkharah Police an la duty vek thei bawk si lova, khawimawlaiah chuan himlo zeuh zeuh hi a awm tur a ni. Engemaw tlemte a rawn thleng a, President Rules a dahtur emaw, Governor kan han hmu ut ut mai hi chu nuih a ti za.

South India-te engang ing nge an buai, Punjab ah te hmun hrang hrangah a za a za tel, a sang a sang tel an boralna hmunah pawh President Rules ah mi an lut chuanglo, thil hi tih punlun kan chak a, han sawi vak a, tute emaw tel tir chakna thinlung kan nei mai thin te hi a pawi khawpin ka hria a. Chutih rualin Police thenkhatte namen lova duat a, engemaw duhsaktu ni anga lang kan han tum te, kan Ratu bialtu zahawmtak maiin a Chhatisgarh vela awm 2nd Bn. IR te he House-a a han ngen, ko let tura a han ti te, an tan dawna an thutiarnte kha hrereng ila. Tin, khawi hmunah pawh kal thei tur an ni a, duhsak na sangtak an hlan a, an luman an han sawite kha a tam khawp mai a. Hlawh double an lak te, tunah hian Kashmir te, Punjab te, ramri hrula sipai tamtak an duty allowances Rs. 15/- vel an la leh chutihlaiin heti khawpa duhsakna nasa kan han siamsak hnuah pawh uchuak tak mai a duhsakna kan han nei thinte hi chu engemaw khel hi kan ang deuh lo maw, ka ti a ni. Chuvangin, Police hoten hna thataka hna an thawh theihna tur hian fuih zawk fo hi a tha in ka hria a. Vawiinni-ah hian ram ralmuang ber kan ni hi Kohhran pawh in an hria, Missionary tam ber hmun hrang hrang ami pawhin an hria a. Tin Mizo mipui pawh hi kan ralmuang a ni. A muan loh hlauh

lutuk avanga uchuak lutukte-a kan sawite anih ngawt loh hi chuan a ralmuang a ni. Engemaw tia thihna te, intihsual palh avanga eng engemaw lo thleng te hi chu a thleng zeuh zeuh ang tih hi chu he leilunga kan awm chhung hian thil chiang a ni. Chumi avanga Law and Order kengkawh zo lo anga inpuh vak mai te hi chu sim atan a tha hle in ka hria a.

Tichuan, Demand No. 25 na-ah ka kal leh zuai duh a. Hei PHE hmalakna hi a ropui hle in ka hria. Chhim tawp, Saiha atangin Saiha Greater Water Supply Scheme hawnna-ah pawh khan ka han tel a. Chutihlai chuan kan rual awt em em khawp a, Mamit kha ka hre vawng vawng mai a. Tichuan, an rawn ti thla zel a, hetah Lunglei-ah, Serchhip-ah hmun hrang hrangah, khawpui lian zawng zawngah tui an pump a, tichuan hetah Kavrthah-ah te, hetah Kawnpui-ah te, Mamit-ah te tui min pe a. Dangro dangchar a kan awmlai khan, kan mipuite an awm lai khan tuma ngaihsak kan hlawhlo reng reng. A diktakin chuti chung chuanin min han sawisa leh nghal a, Mamit-ah chuan bawngchnute tuipawl loh aiin bawngchnute tui pawlh a to zawk e, an ti a. Chutiang khawpa sawisak hlawh chu kan ni a, a chhan chu-tuisik kha a van em avangin bawngchnute ah pawlh mah ila, bawngchnute tui pawlh kha a to zawk a ni tih khawpin min sawisa thin a ni. Chutiang chu tunah hian tuihal reng awm tawhlohma hmunah kan awm ta a ni. Zoram kawngpui khawpui lian zawng zawng hi an lawm a, a chhuanchhe zawnga sawi tang tang kan la tum te hi keini Zorama khawpui lian tak tak, Champhai atangte, Saiha atangin, Kolasib, Kawnpui thlengin, Mamit, Kavrthah thlengin, khawpui lian zawng zawng hian mitdelin ka mit a ti var, a tih ang khan kan dangro na zawng zawng an rawn ti hnawng a, tui tha min pe a, kan lawm a ni. Chung an hnathawhte chu han ngaihtuah hian ropui ka ti a. Hei tunah Greater Aizawl Water Supply Scheme Phase-II te phei chu Estimate Committee Chairman a hmingin ka ni ve a, kan Member zahawmtak takte nen vawihnih zet a hmunah kan zuk en a ni. Phase-I te ngaihtuah chuan a let sawmsarih nge za kan tih ang, chutiang khawp chuan a ropui hle a. Tradement Plan an tih te, tui an han chhun lawkna te, khawl ropui tak tak an han khuah te leh a building hrim hrim a pawh khu a ropui a ni, a lawmawm khawp mai. Engemaw hna khaihlak leh lo reiah chuan exculation te eng engemaw a lo awm a, chung avangte pawh chuan a lo to ve thei a ni ang a, heta Lunglei Greater Water Supply Scheme te angte phei chu hmania mi tawh, hmanni lawk tun bye-election neih dawn khan vaibelchhe riat zuk rulh leh ngai a mawle! Eng kha nge maw in tih bik le, ‘E’ tihte kha inngaihtuah a tha hle in ka hria.

Tin, ka’n sawileh duh chu Demand No.16 na - R D ah khan ka sawileh lawk duh a. Pu Speaker, hei Sawhthing chungchangah khan - Ratu bialtu zahawmtak Pu Lalduhoma khan a vei thute a rawn sawi a,

Agriculture Marketing Corporation North East Regional in hei kan Sawhthing a lei dawn a, tunah hian NEC atangin Procurement atan cheng nuai 87 leh sing 5 an rawn dah tawh a ni. Chutiang khawp chuan hmalak a ni a, mahse Ratu bialtu MLA zahawmtak khan a aia tha a hria niin ka hria a. A chhan chu, inthlan dawna Kawnpui tlangdunga a thusawiah khan “In kawtkaiah Sawhthing kan lei ang, Pu Andrew a makpate Australia-ah an awm a, kan zuk be fel vek tawh a, in kawtkai atangin kan lei ang a, Lengpui Airfield ah Cargo-in a thiar zung zung mai dawn ani”, a ti a. Khatiang ang hria kha chuan kan sorkarah hian kha kha min hrilh sela, ram hmangaiha loneitute kan khawngaih ta sa sa, nakina sorkar hun nghak a, kan la ti ang, tiha kha chu miretheite rei lutuk dah rethei lo teh ang u, i ngaihtuah phawt ang u, chung chu ka'n sawitel duh a. Tiang chuan helaiah RD ina hma a lakna hi a ropuiin a tam em em mai a, Market-a heng Truckable Road te, Community Hall te, Playground te, Office Public tihte, Zokhawthar Border Trade te, heng ang zawng zawng hi sawitur a tam lutuk a ni. Hetiang anga hmälakna nasa hi sorkar kal tawh zawng zawngah hian kan la hmu ngailo. PHE ani emaw, RD ani emaw hetiangah hian kan sorkar kal tawh zawng zawngah khan hetianga hmälakna ropui hi kan la hre ngai lo. Zoram khawro tak thin te kha vawiinni-ah chuan tuiah engkima hnianghnarin kan awm ta a, tui pipe chhuah theih lohna hmunah tuizem hmuntinah an siamsak a, a inhung thliahthluah mai a ni. He sorkar tuizem siam hi hmuntinah hmuh turin a awm a ni. Sawitur ka la ngah viau nang a, a nih leh duhtawk mai ang hmiang, ka lawm e.

S P E A K E R

: Le, Member pali velin kan la sawi lo niin ka hria a, kan sawi zo phawt ang a, kan chawl dawn nge? Anih chawl ila, Dar 5:10 PM ah kan thukhawm leh dawn nia.

Recess 4:40 PM

5:10 P.M

PU H. ROHLUNA: : Pu Speaker, ka lawm e. Hei, vawiina kan Demand sawiho tur hi Department lian tak tak vek anih avangin hun hi kan duhthawh hle thin a. Amaherawhehu, tam tak kan sawi theihloh pawhin ngaih pawimawh zawng te han sawichhuah erawh hi chu min ngaih pawimawh sak leh min lo enpui turin a Minister te ka ngei hmasa a. Tin, nikuma kan Budget Session-ah khan Rural Development Department changtu Minister zahawm tak hi damlohma avangin a Department Demand kan sawi niah te a tel thei lova. Wind-up te ti thei lovin Chennai lamah te min han kalsan kba a ni a. Vawiinniah hei tha takin hetia a rawn tel thei hi a hmasain lawmawm ka ti a. Chu chu lawmthu kan sawi nisela. Tichuan hmanni lawkah Ngopa ah inkang kan nei a. Kan hriat tawh ang khar Disaster Management lam atangin tanpuina limit te o lo awm avangin a tan a har a, anmahni a in neitu ten an mamawh si a, tiin Rangya kan han dil a, min lo pe thei te hi alawm hlein ka hria. Hengah hian kan Minister zahawm tak pawh a hmasain lawmthu kan hrilh nawn duh bawk a ni.

Tin vawiinah hian Pu Speaker, R.D. lamah han lut hmasa ila thain ka hria a. Hei Demand No. 38-na Rural Development-ah. Hei vawiinniah hian thil sawi hrehawm tak mai a awmin ka hria a. Tuipang B.D.O. hmasa zawk hnen atangin Sorkar sum leh pai tam tak a chingpen niin a hriat a. Sum leh pai chungechangah harsatna an neih avangin B.D.O. thar pawhin charge li lawk thei lovin hun rei tak an awm a. Chu chu nuai sawmhnh pali chuang lai a ni a. Tichuan tunah phei chuan charge phei chu an inpe tawh a. B.D.O. hmasain hna a thawh lai, B.D.O. anih lain helam a hotute, Minister zahawm tak pakhat telin MNF Party Worker, Ruling Party Worker te pawh telin Sorakr sum leh pai hi an lo pawh sak avangin charge pawh inpe thei lovin an awm a. harsatna an tawk a ni. Chuyang chuanin Pu Speaker, charge a sum leh pai an han pawh sak a te chu a then then han sawi ila. B.D.O. hnen atanga sum pawt tute chu Pu L.Khaichyu MNF Division President, Saiha chuan Rs.10,000/- hei a list ka nei vek a nia. Tin, MNF Official, Aizawl on Election Campaign Rs. 20,000/- tih te, Pu. H.C.Lalmsawma MNF Division President te chuan Rs. 10,000/- lai a ni.

In, MNF Unit Tuipang 'D' V/C/Election requested by District MNF Rs. 10,000/- tihte MNF Unit Tuipang 'D' V/C Election District MNF in an recommend avangin Rs. 10,000/- tihte a tam em em a ni. Tin expenditure on V/C Elected Celebration requested by MNF Rs. 10,000/- tihte. Tin tuna MNF Division President ni mek niin ka hria a. Pu K.T.Rokhaw Ex-MLA pawhin Rs. 60,000/- te. Tin, Pu Laicho Notlia MNF Division Vice President motor

repair nan Rs. 35,000/- tunah pawh Division Vice President a la ni mek a. Pu V.Kharchina, President MNF Block chuan Rs.2,000/- tihte. He lamah hian kan Minister zahawm ytak, tunhmaa Rural Development Department Minister lo ni pawhin Rs.20,000/- lai a lo pawhsak ve a ni. MLA Election atan. Tin, chu mai pawh a ni lo, a hnuai lamah pawh hian a la awm a ni. Hei a tam em em a. MNF Block President T.Seidaw, Pi Chungi hnen a pek, Rs. 6,00/- tihte. Tin, hetih hian Rural Development Department Minister hluiin Rs.1,00,000/- lai a lo pawhsakna pawh a Sl. No. 28 na laiah pawh a awm. Tin, MNF Candidated Biakchungnunga hnena pek Rs. 7,000/- tihte. Tin, MNF Unit 10 hnena Rs. 10,000/- theuh MNF President in a ngen angina Rs.10,000/- theuh an pekna pawh a awm a ni. Chutiang chu a ni a. a va han zahthlak em em ve, Pu Speaker, hetiang hian a ni maw kan BDO te sum leh pai an lo pawhsak thin. K.Deposit nawr nan Finance Commissioner in Rs.1,50,000/- Sl. No. 12-naah a lo pawhsak bawk a ni. Hengte hi a va zahthlak em em ve, public money hetiang hian a ni maw kan lo hman thin. Pu Speaker, tuna kan Minister zahawm tak Rural Development Department Minister hian a hunlai a ni nge, ama hma ami tih crawh chu amah pawh a chiang theiin ka ring a. Hei hi min lo chhuichian sak sela. a tul angin hma min lo laksak rawhse, tih vawiin niah hian House ah ka sawi duh a ni.

Tin, hei hi Official thu dik tak ka neih anih avang hian House Property-ah pawh Pu Speaker, ka pe duh a ni. Hetianga kan BDO te Party chakna atan leh Party Campaign nan Party Worker ten sum leh pai an lo pawhsaka an lo tih hi tuboh leh dolung inkarah an lo awmtir reng a ni. a zahthlak khawp mai. Sorkar dan a kah tih chiang takin kan hre theiin ka ring a. Chuvang chuan BADP sum a ni emaw BAFFACOS sum a ni emaw anihna ang takin mipui hnen a thleng tur a ni a. Mautam kan sawi thin. Kan House Leader ngei paw`n mipui a sawi thlamuan thin. Kan Food & Supply Minister te pawhin an sawi thlamuan thin a ni. Mahselangin, sum leh pai hetianga mipui chanvo tur tuten emaw mimal kan duhsak bikte hnenah party tihchakna atan te a hetianga sum leh pai kan hmang hi kan ram leh hnam tan a pawi tak tak a. Vawiinniah hian chuan Mirethei harsa tak tak te hian eng angin nge kan budget te an lo thlir tih hi kan hre theiin ka ring a. Vawiinh hian hre duh ila chuan, chhuanchhama thu tam tak an awm a ni. chungte tana sum leh pai a awm loh laiin helaiah hian kan nawm kan makin BDO te hnen atangin sum leh pai te kan lo pawh sak thin anih chuan Pu Speaker. kan hnam kal zel dan tur te, mirethei leh harsa zawk. kut hnathawk te chanvo hi a ngaiantuahawm hlejin ka hria a. Tichuan, sawi tur tam tak ka nei a. amaherawhechu. ka duh angina hei hun kan nei ta si lova, kan sawi hleithei lovang a. amaherawhechu. kan sawilan duh chu hei NREGS chungchangah hian Pu Speaker, a bik takin kan han sawi tak ang khan Mautam hmachhawn mek leh tuar mek kan nih avangin

Mizoram District pumpuiah hian hman anih theihna tur hian kan Sorkarin chak taka a nawr hi tul hlein ka hria. R.D.-a BAFFACOS a nuai sanghnih chuang an han dahte hi Zoram mipuite tan hian chhenfak tham a ni lo a ni. Vawiinnia chhuanchham tawh tan chuan nghah chhuah hun pawh hi a nghahhlelhawm hlein ka ring. Chuvang chuanin heng kawngah hian kan Sorkarin chak takin hma la se ka duh a.

Tin, Aizawl New Market building hi tunah hian, Trade & Commerce ah han lut leh zawk ila, a chhawng hnuailam hi chu sak zawh thawkhat tawh niin ka hria a. Hei hi humhalh that mang lohin tawp takin a awm a, a bul vel ami te tan leh a bul vela han kal pawhin thenfai mangloh hian a awm thin niin ka hria a. Tin, Bazar-a thu nuho phei chuan luah hlan an nghakhlel em em a ni. Secondhand ho thutna a kan phei kha chuan kan Minister pawhin inleng a ngah hle tih ka hria a. Chuvang chuanin, a satuten an zawh tawh chin chin hi chu Trade and Commerce hian la se, mipui tan hian heng hi han luahtr hma sela chuan a tha ngawtin ka hria. Sawi tur hi ka va ngah em ! Pu Speaker, mahse ka duh tawk mai ang e. Ka lawm e.

PU D.THANGLIANA

: Pu Speaker, ka lawm e. Hei kan Minister pawimawh tak tak te Demand vawiin niah kan han sawiho thei hi alawmawm hlein ka hria a. A hmasa berin heng Demand pawimawh tak tak te hi he House zahawm tak hian lungrial taka pawmpuia pass turin ka han ngen hmasa duh a ni.

Hei, kan bial chhung nena in hnephnaideuh Demand atang hian Pu Speaker, han sawi ka duh a, Demand No. 38-na R.D. hi keini ang International Border Area a awm te tan chuan kan intunnunna leh kan nghahfak ber a ni. Hei keini bial chhunga hma min laksak ringawt pawh khi ropui kan ti khawp mai a, khing tiau balu tha tak te, kan lakchhuah theihna tur atan leh kawng pawimawh tak nisi khi 407 a kal theihna tura kawng min han siam sak te khi ropui kan ti a. Tin, Sialsir khua te, BADP kawnga kalpawh theih a ni a, chungte pawh chu tunah khian 407 kal theih turin BADP atang hian kawng min han laih sak a. Chutiangin Piler te pawh a ni a, hmun tam takah hna min thawh sak a, kan bial chhung development runpui in a a thlen phak lohna angah chuan BADP sum te hi kan in hnangfakna a ni a, kan Sorkar pawh hian min duhsak viauin kan hria a alawm pawh kan lawm a, amaherawhechu, population base a an tih thin avang hian keini BDO Area ah khian population hi kan tam vak lova, chung avang chuan kan beisei leh duh ang zanin hma min laksak blei thei lova, a pawi pawh kan ti viau a. Khing E.Lungdar ah te khian Community Hall, hei Community Hall sak renga hi

khawk rum rum public meeting neih man a hman tlak mang loh hi atam khawp a. khilaiah khian Mizoram a Community Hall tha ber nei turin hma kan han la a. kan Department lampang te pawhin min phurpui a, tunah khian thui tak chu kan kal tawh a. amaherawhehu, a zawhna tur pawisa an Ear marked a kha min la sanction sak kim lova, heng ear marked an dah a te hi min sanction sak fel phei chuan Community Hall tha ber nei turah kan in ngai a, chutiang chuan an hmatakna sawi tur tam tak awmin ka hria a.

Tin, chu lovah chuan hei, keini bial ah phei chuan hma kan la la chiah lo na a, Social Education Scheme atanga he R.D. Department in a an hnathawh te hi a ropui hlein ka hria a, alawmawm pawh ka ti a. hei an hman tawhna 2005-2007 kan thlir vang vang a, Kawnpui bialtu zahawm tak. Pu Sailova bial ah te hian hei nuai thum ngawt mai an lo dah a, Pu Zira Saitual bialtu zahawm tak bialah te nuai hnih ngawt mai Hall Seiling siamna tur tih vel kha an lo pe a, Pu Speaker, a challang tam apiang hi sorkar hian in ngai pawimawb emawni chu aw kan ti deuh a. Keini bial ah te hi chuan min han pe ve se chuan kan lawm khawpin ka ring a, tin, henga an hnathawhna, hei Ratu bialah te pawh hian pawisa hi in lo ui lo ang reng riau a, nuai nga ngawt mai te in lo dah a. chutiang chuan Opposition bialah pawh hian nasa takin hma in lo la a ni tih a lang a, alawmawm ka ti a, ka lawmpui tak zet zet a, chutih rual chuan Ruling bial lamah hian hemi Social Education Scheme te pawh hi hmang turin ruahmanna min siamsak ve kha kan ngen duh a. Chutiang chuan R.D. ah hian sawi tur tam tak a awm a. Hei BAFFACOS atanga mipui inhlawhna tura District hrang hranga pawisa an han pekah hian hei keini District Serchhip District hi nuai 125 min han pe a. saiha te chu thil dang dawng annih avang khan an pe tam lo deuh a ni a. Opposition Group Leader bial kan nih vang deuh emaw ni min han pe tlem deuh pawh hi a rilru nat thlak ang reng viauin ka hria a. Khi District chhungah khian keini te pawh hi kan awm ve a. Chuvang chuan, heng inhlawhna siam chungchangah pawh hian kan Sorkar chak tak hian duhsakna kha min han hlan thei ula, a pawimawh viauin ka ring a. Chu chu ka'n sawi tel duh a.

Tin, BADP sumah hian hei keini bialah chuan kan khawpui neih te cheina turin hmun dang dang atangin hmuh tur kan nei ve chuang lova. Khawchhung cheina atan te, inkal pawhna kawng, a metalling thlene hian tih theih turin Scherne lian deuh leh hmasawnna lang tham deuhva min kalpui kha a pawimawh hlein ka'n hria a. Chutih rual chuan BADP sum a kha, a population base nilovin, a area changkan leh kan loh, development thawh tur a tam leh tam loh a zir khan Central Guideline a hi a pawhsawih deuh dante kha a awm lawm ni ? Heng hi kan Department lampang leh kan Minister te hian min lo enpui sela, a pawimawh khawpin ka ring a. Chu chu ka'n sawi duh a. Lawmna tur tam tak kan neih rualin khangte kha kan Minister zahawm takin min lo chhinchhiah sak sela, a thain ka hria a.

Tin, Pu Speaker, Demand No. 25-m

Water Supply and Sanitation chhungchangah hian he Sorkar ina tui thianghlim hnianghnara kan neih theihna tur atana hmalakna a hi ropui hlein ka hria a. Vawiinniah chuan kan duhthusam a ni love kan ti chung pawhin, kan tui neihsa, kan dawn thin sa aia tam zawk daih a thar Aizawl water Supply Scheme Phase - II te hawn theih main Trial run in an han ti a. A lo tha reng tawh mai a. Tunah hian a hawngtu tur nghah vang chauhva kallo a la ni a. Hetiang tih puitlin a lo nita te hi thil lawmawm tak a ni a. Tin, PHE Department hmalaknaah hian Department hote pawh hi an fakawm khawp mai a. Theihtawp chhuahin a tul chuan tlaivar thakin an hnathawh a hlawhtlin theihna turin hna an thawk a. Chutiang khawpa thahnem ngaia thawk thei tura enkawltu kan Minister zahawm tak pawh hi a fakawm khawpin ka hria a. a thil tihna reng rengah hian sincere takin engkim hi a ti chho thei hi department te tan pawh phur awm tak niin ka hria a. Kan Minister zahawm tak chungah pawh lawmthu ka'n sawi duh a. Hei, tui chungchangah hian kan Sorkar chak tak hian thingtlang tui harsatna hmunahte pawh NASA takin hna a thawk a. Pu Speaker, Saitual biala an tui laknate hi keini bial khian kan awt em em a ni. Kawnpui bialahte pawh hei Kawnpui Water Supply Scheme te hawn anni ta te hi keini bial chuan kan awt em em a ni tih kha ka sawi duh a. Heti tak maia tui in tur tha kan neih theihna tura tu bial bik pawh sawi lova, mipuite harsatna phuhru tura kan Sorkar chak takin hma a laknaah hian lawmthu sawina tur tam tak awmin ka hria a. an demand a pawisa kan dah tam thei lo hi erawhechu chak taka hma an lakna turah harsatna an tawh phah ang tih chu ka hlau a. Chutiang chuan hei keini bialah Khawhai bialtu khan a ngaih pawimawh ka ring a, a rawn sawi lova. Tlangsanga awm kan ni a. A aia tlang sanga tui lak leh chuan tur awm lohna hmun kan n a, tui harsatna hmun kan ni a. Kan Sorkar hian NASA takin min tanpuia khi Lungdarah te, tuikhuah min han siamsaka kan hmang tangkai khawp a. Chutianga fura ruah tui tla tlingkhawm lo dahna tur khan an khuahna tur atan khan tuizem lian tak takte pawh min han siamsak a, kan lawm a. Tin, Lungkawlh tlangsang tak ami tui lak tur te pawh vawiinah hawn theihin min han siamsak te khi lawmawm kan ii em em mai a. Lawmthu kan sawi a. Chuti ruala kan Minister zahawm tak tak leh kan PHE Department lamte pawhin a min lo chhinchhiah saka ka duh chu Khawlailung tui lak khi he Sorkarin a development ropui tak kawng laihnaah a pipe engemaw zat kha tihchhiat a ni a. Vawiin thleng khian la siam that lohin a awm a. tui kan harsa em em mai a. Nikum lamah khan tuite min chawisak a kan lawm em em mai a, kuminah pawh hian keini bialahte khian tui min chawisak sela, kan ti a. Tin, tuilak awm tawh sa a pipe chhiahte khi min siam that sak thei sela, kan ti a.

Tin, Tuichangral pumpuiin tui thianghlim kan neih theihna tur tui pump tur tuipui kan nei a, chumi pump tur chuan Department pawh hian chak takin hma an la niin kan hria a, hei hi min bawhzuisak

selā. a Greater tih laia kha kan theih chiah lo anih pawhin a Rural Water Supply Schemeah khan a Greater tih laia kha chu kan mamawh ve khawp mai a. Chu chu kan mamawh ve khawp mai a. Chu chu Khawhai bialtu zahawm tak pawh hei Central lamah nawrtu tur kan nei a. theihtawp chhuahin ani'n Central lamah te pawh min nawrpui turah ngai ta ila khilai bial tan khian dingdihlipa kan lo thlir ve a ni tih kha ka sawi duh a.

Tin, Demand No. 16-na [Heng] chungehangah hian hei vawiin thleng hian State ralmuang berah awm thinah kan Police te hmatakna leh hnathawh zawng zawngah hian lawmawm hlein ka hria. State ralmuang ber ni thei turin kan Police-te pawh tan la zel turin ka ngen duh a. An hnathawh tha tak tak sawi tur kan hmu a, mipuiten an hmu a, Mizoram mipui hian kan hria a. Chuvangin, kan Police hote kan Mizoram ralmuang tak siamtu Department hi vawiinah he House hian an hnathawh a hi lawmthu kan sawi hial te pawh a pawimawh a, an harsatna theihtawp chhuah a a insawi chhe zawng ni lova. tiehak tura tan kan lak kha a pawimawh hle a ni tih kha Pu Speaker, ka sawi duh a. Heng kan Minister zahawm tak tak te Demand hi lungreal taka pass turin ka insawmin ka in gen a ni e. Ka lawm e.

PU P.P.THAWLA

: Pu Speaker, ka lawm e. Pu Speaker, vawiinniah kan Minister zahawm tak takte pahnih Demand pathum ve ve a vaia belkhawm vaibelchhe 283 aib tam Mizoram mipui tana putluh lo ni leh ta hi a thlamuan thlak hlein ka hria a. A bik takin an Department hnuia thawktute tan pawh thil lawmawm tak thlamuanthlok tak a niin ka hria a ni.

Tin, vawiinniah Minister te pawh dam takin he kan sawihonaah hian an tel ve ve thei a, alawmawm hle pawhin ka hria. Demand 16-na ah hian tlem sawi ve ka duh a. Pakhatnaah chuan kum 2000 vel thleng khan Phura ah MAP post kan nei a. Kum 2000 hnu lamah hian Phura ah MAP kan neih dan hi a chiangkuang ta lova. Hei hi Myanmar border lampangah kan hmun pawimawh tak mai pilot project hmun pawimawh tak mai anih avangin MAP te an awm kha chu a thlamuan thlak hle thin a. Sualna tam tak min han tibuai thei tur pawh ven tlat a niin a lang thin a. Tunhnuah hian Phura ah hian MAP Post mumal tak a awm tawh lova, an hmel hmuh tur awm ta lo hian khulai khawsakphung min ti thlabar deuh a. Helai hi kan Sorkar chak tak hian ngaih pawimawh that leha awmze nei taka MAP Post-a siam anih leh theih nan hmatak mi leh hram sela tih duhthu ka han sam hmasa leh duh a.

Tin, kan Minister zahawm tak hiania Saiha District chhungah hian Police ho Quarter tinte, Office tur te tam tawk tun kum hnih kum thum chhung hian a sak hi hmuh a awm nual a. Phura ah te, Tuipangah te, Saiha ah te, Lungbun ah te heng quarter thar tha tak tak te a lo awm hian a thawktu leh a hmuna nghaktute tan pawh hnathawh a nuam a. Tin, khua atan pawh thil develop, thil thar hmuh a lo nih hian alawmawm em em a ni. Hemi chungchang thuah hian a chungah lawmthu ka han sawi ni sela.

Tin, chulo lehah chuan Demand No. 25-na ah hian tlem han tarlan leh ka duh a ni. Water Supply and Sanitation lamah hian Saiha District chhunga mi chengte kan hnufual bik hle a. PHE Department hian hma chu a la ngei mai a, thil tam tak min tihsak tawh a ni. Tunhnaia tlema ka han sawi uar duh deuh chu PMGSY kalkawng siam a lo nih hian an tui connection kau hman laite kha a Contractor hote leh a mipuite ho hianin lo sut hmasak te te nachangte kha hria ni selang chuan him takin kawng siam zawh anih veleh pipe te pawh hman that leh theiha a awm a rinawm a. Amaherawhchu, a PMGSY lam Contractor te khanin a mipuite nen khati zawnga pipe lo sut hmasak nachang an hriat loh avangin tichhiat a lo nihin a hnuah a thar scheme siam anih leh hma chuan tui kan dawng tha tawh lo a, Abik takin heng hi Siatlai khua. Tuipang leh Zawngling mi tan kan khaw bikah kan tuar hle a. Tin, Serkawr pawhin an tuilakno Tuipang 'L' piah atangin an la a. Serkawr leh Tuipang 'L' inkar PMGSY kawng lai mek hian nasa takin an tui pipe a tichhia a, Serkawr khua pawh kuminah hian Gospel Centenary lawm kum a ni a, tui lamah an harsat thu an sawi mawlh mawlh a. Hengte hi kan Minister zahawm tak hian kumin chhung ngei hian sutkian dan min ngaihtuah sak thei se tih ka duh hle a, min chhinchhiah sak atan ka han tarkang duh bawk a ni. Hmanni ka han zin phei chu Saiha PHE Office ah ka leng a. thil lawmawm tak pakhat chu thingtlang mite sanitation ah an lo thianghlim zawk theih nan tiin Pit Latrine an lo neih ve theih nan Comode leh Pipe te an sem chur chur a, chungte han hmuh chuan lawmawm ka ti hle a. Thingtlang mipuite khawsak nasa takin hma a sawn ang tih ka ring a ni. Chutihrual chuan bialtu MLA te hian beng hna sem chungchangah te hian tlemin lo thu hla ve thei phei sela chuan kan lawm lehzualin ka ring a. Chutiang kawngah chuan bengvar han chhuah kha a rem chiah lohna lai a awm a. Chulai erawh chu tlemin harsa ka ti deuh a.

Demand No. 33 ah Soil Minister ka nih lai khan Saiha District hi Soil Department hnuhma hmuh tur a awm tawh lova. District Council ah pek a ni tawh tiin hnuchhawn a ni tawh a. Mahse, he hmum kilkhawr bialtu a Minister nih ve takah chuan tiin Soil Division hi Saiha khawpui chhungah awm ngei se tih hmalak tan a ni a. Chu chu hotute ngaih pawimawh a blawh hle a. Cabinet pawhin a pawm tawh a. Mahse, a infrastructure atan building

13 vel sak nan a estimate project tihchhuah kha Urban Development ah enge a chinchang ni tawh tih ka chhuin tunthleng hian a hlawtlinna hmuh tur a la awm lova. Ka hriat hnuhnun ber phei chuan Chief Engineer ten min countersign sak thei lova. chu vel chu tih that ngai angin a sawi a ni a. Mamit District ah chuan he Urban Development sum sanction te hmu tawhin hmalak a ni tawh a. A hmuna awmchilh a in buatsaih theih tawh anih laiin Saiha District ah chuan atan remehang tur nghakin an thlir reng tawh mai a. Chuvangin kan Minister zahawm tak Soil and Water Conservation changtu hi Saiha District a Soil Division awm turin kan term tawp hma a thawhtan anih theih nan chak tak a hma min lo lak sak turin ka ngen bawk a ni.

Tin Rural Development ah hian nikum Budget Session ah khan National Rural Urban Employment Quarantee Scheme hi kan va tan har tawh ve tih kha ka au chhuahpui ve ngatin ka hria a, chumi kal zel chu nikum kum tawp lam atang khan Saiha District chhung velah khianin he hna bi mipuiin a rah an seng tan a, he NREG Scheme hi mipui min ti hlim ber ani. Kan ram lo corrupt hle tawh politics in min influence khawloh tawh zawng zawng te eng scheme emaw chu Ruling Party lo tan chuan beisei tur a awm loh lai khan he Central Scheme thar ber hi chu Party thliar miah lovin lungrual takin an thawk ho dial dial a. in unauna, inlaichinna tha tak min siamthat sak lehin kan hria a, chu mai bakah he sheme hmanga mahni khawtlang develop ngei tumin a mipuite pawhin nasa takin tan an la a. Tuipang B.D.O. TE, Saiha B.D.O. te tuaitir te te anni a. an taima hlawm bawk a. Hemi scheme ah ngat phei hi chuan kan phur tlang hle a. Kan Minister leh Department tan lakna azarah he scheme hian kan District chhungah nasa takin boruak thar min thlen sak mek a, hmasawnna hmel min hmuhtir zel avangin lawmawm ka ti hle a ni.

BADP Scheme hi nasa takin a hmel hmuh tur a awm a, amaherawhchu, vawi tam tak hi chu politics khelhnan a hman a. lo nih ve fo avang te, tin, a hna changtute hianin an chan chhan kha an ngaihdan a that loh vang nge nia petuten an pek chhan kha a tha zawnga an ngaih loh avangin an hna hi duh angin an thawh that thin lohna lai hi pawi ka han ti deuh a. heng kawngah pawh kan Minister te leh an thawhpuite hianin BADP scheme hmanna lamah hian mit min men sak a, tha taka min regularize sak zel kan duh a.

Tuipang bialah hian Lungdar khua li tunthleng hian motor a la thleng lova, hei hi BADP scheme atangin nge ni anga a eng scheme atang ber nge ni BAFFACOS atangin nge ni Bamboo link road atangin nge ni he kan term tawp hma ngei hianin he Lungdar khua pawh hi motor thieng thei ngei sela, Saiha MLA Constituency lamah pawh Phusa ah vawiinni thleng hian

Motor a la thleng thei lova, heng hi kumhnih kal chho turah hian kan sorkar hian chak takin hma min laksak thei sela, a eng scheme remchang ber atangin emaw motor a thlen ve theihnan leh kan hotute in lo zin ni khua pawha motor nen ngeie he Lungdar leh Phusa khua te kan thlen theih nan tan lak thar nisela, a lawmawm hle ang.

Siatlai khuaah BRTF defence road laib Rethete te an nih avangin thuawi takin a that a, (an dismantle amaherawhchu, a din thar lehna tur khan perek leina tur takngial pawh awm lovin an mangang a, to hawn hun te a lo ni tawh a, ruahsur pawh a hlauhawm a. Hengah hian Saiha D.C. leh BDO hnenahte mipui mangan thu kan sawi a. Hma engang nge min laksak tawh chu ka hre lova. Heng hi PMGY, IAY atang tein tun kum kalchhoa scheme siam turah leh beneficiaries lak leh turah hian kan Minister in heng in 12 ho hi mangang lo taka khawtlang hmasawnna atana inphal tak te'n an in a'n dinthat leh theihna turin kawng min dap sak se tih ka duh a ni. Ka lawm e.

PU K.VANLALAUVA : Pu Speaker, ka lawm e. Demand No. 38-na Rural Development Department ah hian hei Border Area ho hien BADP an nei thliah thliah a. Mahse.

BADP nei velo bial kan awm a, a bikin Bilkhawthlir leh Vanva te BADP nei velo an nih avangin Head dangin nia Kawnpui bial pawh hi theihngihlh lo chi a ni ang a. Head dangin siam chawp pawhin tih mai tur. Chuvangin, BADP neih loh vanga harsatna an tawh hi kan bengah a ri fo thin a. An sawi ve ngai lo mai mai a. Kan Minister te pawhin khang bialte kha chu engtin emaw her rem a thain ka hria.

A dawtah chuan heta thu te hi bial nei vek kan ni a. Bial chhung leh mahni bial lo kan sawi a, min chotu deuh mai an awm a. Myanmar atang khian Tiau an rawn lai thleng tawh a. Motorin an rawn tlan vut vut tawh a. Keini'n Farkawn – Tiau thleng turin BADP in kan lai ngar ngar a. Km 1 leh tlem kan la bak a. Chu chu tihtlang ve theih mipuiin an duh hle mai a. Keini aia ropui vak lo zawk ten motor an ti thleng tawh a. Chutihlaia keini ina kan la ti thei lo hi mipuiah sawi tur kan van duh thin a.

DP & AR ah hian chhinchhiah tlak tak he Sorkarin a a tih a awm a. Pakhat chauh sawi ka duh a, chuti lova hahthlak lama hun kan hman chuan kan ti laklawh mai ang. Mizo Upain "Ar ngum ei chu phunchiarna" an lo ti a, hei hi thil tui deuh mai ama pa lamin ei se tihna zawk daih

a lo ni a. Ar ngum ei avangin an phunchiar reng reng lo, an phun laklawh mai mai a ni. He Budget tha kan Finance Minister in a rawn pharh lawmnau point khat mumal tak MLA/LAD fund nuai 15 a ni ang tih kha chuan dawhkan kha a ri tluk tluk a ni. Kha kan chanvo a ni tawh hrim hrim alawm chu ai chuan mipuiah chuan lawm viau a tha chutihlai kara kan la hmang thalo deuh a ni tih erawh chu a chiang a ni. Naupang huaibak apain a thlem a, "Kawr mawi tawk ka lei dawn che alawm a tih a. "Kapa a fual awm em mai" tih ang chi kha tih laklawh a awl lutuk. Thiltha sawi hi a hlawk a ni. Minister tel lovin kan kal thei tak tak lo, dik tak chuan Saitual bial te kha kawngpui leh PHE Department ten hna an chhung lut ruih ruih te hi, a sawi lang duh lo mai mai a ni a. bialtu hian. Han sawi chhuak sela chuan midang tan pek leh kha a chakawm ngawt ang. A tha awm chhun pawh sawi loya. a thini lam kan chhut tlat kha chuan Mihring nun kha a chau zawngin a kal duh hrim hrim. He kan Budget hian a tha lam hawi turin nun siam sakin a lang a ni.

A tawp berah chuan Budget hmangtu zawng zawngte hian kan hnungah hian mipui an awm a ni tih hre reng chungin simkhur takin hman kan tum chuan awmzia thui tak an nei pha vek a ni. Kan tih tur theuhva simkhur-a rinawm taka kan kal chuanin chu chu kan ram tan a hlawk a ni. "Pathian leh kan ram tan" tih duh ho hi chuan huaisen takin i kalpui zel ang u. tih kan sawi duh a ni. Ar ruahmanna thar ber pawh a ni hrim hrim. A rual vek thei lo anih pawhin he scheme lo hlawhtling ta hi an ropui kan ti lo thei lo a ni. He PHE Department leh Minister hian hna ropui tak a thawk a ni. Sawisel tum na chuan hna hmasa lamah khan kan sawi daih tawh ang. Mahse, khang zawng zawng kha a tul tawh lo, thil kal tawh hnu han back kick vel kha a tul lem lo a ni. He scheme hi mipuite tan a hlawhtlin tawh tlat avangin a tha thova. a letling zawnga in khai thar a tullo kan ti mai a ni. Chuvangin he phase-II lo hlawhtling ta hi kan ram tan thil chhinchhiah tlak a ni. Chutichuan he thilah hian kan ramin thil chhinchhiah tlak a lo nei ta a ni tih kan hriat rualin, aizawl West lampang a hlaughthawn awm thei a awm anih chuan vil ngun a ngaiin ka ring a ni. Emergency thil a awm palh a hlaughawm hle a ni. Chu chu kan tarlang duh a ni.

A tawp berah chuan Home Department Demand No. 16-na Department lian tak mai leh hnathawk ropui tak a ni a, an thawn zawng zawng te hi sawi sen a ni lovang khawvel hriat a thil chhinchhiah tlak tak awm te chu kum 1999 a silai nen meuh a MAIDA te an vaia an hruai lut thei te. kum 2000 a HRF an vai maia an hruai lut thei te, BNLF te an hrailut thei te. Nikum a BLFM te an vai maia an hrailut thei te, ZEF te pawh in surrender tura in thlep nem thei a an la khawm thei kha a ropui a ni. Underground te hi Agreement sek tak nen chuan remna siampui an a awm mai thin a. khawvelin a zawn mek pawh a ni a. Chutiang pawh thleng lova in surrender tir thei khawp a duhna animahni a chhopchhuak thei kha he Department hi a ni lo theilo a ni. Hetiang thil

ropui hi he Sorkar hian a tawng a ni tih hi khawvel hian lo hre theuh se. Kaa tlangval tam tak te Chhattisgarh an kal dawn khanin kan rilruin kan helhkam anih kha Mahse, kan Sorkar in an kal chhante an thutiam te an puanchhuah chuan a lo ni tak maw kan ti mai a ni kha. Chutiang chu anih avangin mi rilru dam tawh tipun leh tur leh harsatna siam thei tur niawm tak si te erawh hi chu kan ram tan hian a tul tawh lo a ni. Anih tur ang a ni vek tawh, hming an sign vek tawh, an kal tawh. Chuvangin he House pawh hian kha kha kan ramin a mamawh zing ami chikhat kan thawk a ni tih hi kan hriat ka duh khawp mai.

Atawp berah chaun hei call-net in ti mai, in tawngah hian Police ho hianin Dungtlangah khian inte in sa a, tah khian sipai tlem an awm a. Dungtlang atang khian khawi nge a biak theih tih hi hriat ka duh a. Khawithleng nge a biak theih tih hi hriat ka duh a. Tin, khitah khian in lian tak tak te pawh an sa zo tawh a. Tabkhian engtikah nge kan dah belh dawo tih hi mipui zawhna a ni e. Ka lawm e.

S P E A K E R : Awle, kan sawi hova, kan duhtawi, tawh ang a. Kan Minister te on Demand kan sawite han khaikhawm a pass han dil nghal turin lo sawm dawn ila. Nidanga kan tih loh ang deuh hiekin demand pharh hnuhnung zawk Pu Aichhingga hi a tlaksa te a chak tawk loh deuh blek avangin han khaikhawm hmasa a pass han dil hmasa turin i lo sawm ang u

**P U A I C H H I N G A
M I N I S T E R** : Pu Speaker, ka lawm e. Hei vawiinniah ka demand te kan sawi a. Nikum khan kan Member zahawm takten a. han sawi ang khan eng emaw juket that loh avangin ka demand kan sawi ni pawh khan ka tel thei lova, chakklo tok, kuminah erawh chuan demand kan sawi ni ah te a tul ang angte han sawiifah vi thei tur-dinhmuna dinga ka lo awm ta hi Pathian khawngailna a ni a. Chuvangin memberpui zawng zawnge chungah leh Pathian chungah lawmthu ka sawi hmasa deuh a ni.

Hei vawiinniah member 23 in thu an sawi a. Chumi an sawi zingah chuan mi 16 in ka Department chante an rawn tarlang a. Chung zinga an rawn sawi zawnge zawnge chu ka record vek a. Amaherawhehu, ka

rawn hrilhfiah kimlo mai thei a. Tawi zawk taka han kalpui theihte kan duh deuh hlek a. A hmasa berin Soil Department ah hian kan tan ang a. Soil Department hi Department senior leh upa tak a ni a, kan hriat theuh angin, a upat tawh lutuk avangin engemaw chenai anihdan tur ang anih lohna chin thui tak a awm a. Han siamthat tumin tan kan la nasa a, amaherawhchu, thil lo awm tawh siamthat thuai hi a har khawp a. Tunah chuan hma kan sawn ve hle tawh a ni tih kha kan sawi duh a. Tin, kan Member te khan Soil chungchang thuah heng hi an han tarlan deuh te a ni a. Hemi leilung venhimna hemi kan ram min zel turtte venhimna te atante hian Soil hi nasa zawka hnathawk tura hman ni sela, an hnathawk an hming nen pawh a inmil a, tih kha kan tum tak a ni a. Tum ang erawh chuan kan ti chak vak thei lova, amaherawhchu, tunah hian Central lamah te a thlangpuiin Soil Department Budget kan Sorkarin a a neih hrim hrim te chu thil tlemte anih avangin kan innghahna tam bera chu Central Sponsored Scheme anilo thei lova, chutiang ang tur chuan DPR te siamin tam tak kan thehlut thla a. Tunah hian a lo chhuak tan chho mek zel a, hei River Valley Project kan tihte leh hemi Land Development atan te, kawng hrang hrang in hma kan la chho ve mek a. Tin, chubakah chuan BAFFACOS lam atangte pawhin sum tlemte te kan hmu a, chung chu Mizoram pum huapin hmalak nan kan hmang ve zel a ni a, tunah hian River Valley Project ah hma kan laknaah hemi Tlawng kam ramte tunah hian hei Aizawl khawpui atanga Tlawng zuk fintu Tuikual luite leh sawtah Vai lui te hetah Chanmari luite, hengah te hian hma kan la a, kan theih ang tawk tawkin tunah hian thui tak kan kalpui ve tawh a ni tih kha House kan hrilh duh a.

Tin, chubakah chuanin Soil Dept in hma kan lakna kan hriat tlangpui em em Coffee chin chungchang thuah hian a chin belh zelna tur emaw khatiang zawng khan sum kan neih em em loh avangin tunan hian Coffee Board-in khati zawnga hma a rawn lak takah chumi chu kan lo tawiawm a ni deuh ber a. Tin, a tharchhuah hrallna tur kawngah pawh Coffee Board hian thui takin hma a la chho a, tunah hian Carrying Unit an ti a, Thingdawl ah khuan bun tan a ni tawh a. Chuta tang chuan kan Coffee thar tam takte pawh tunah hian kan hrall mek ve zel tawh a nia. Tin, tihro that var apil kheh vek anih chuan kg ah Rs. 50/-, 70/- laite ani a. Tin, kheh that vakloh a ro ve ang chi a kha Rs. 20 te, 30 te ania. Tin, lawh a phoro tawp ang chi kha erawh chu tlemin a tlawm deuh a. Chutiang ang chuan tunah pawh mipui lamah awareness te kan bei chho ve zela, mipui an tui sawt hle in kan hria a. Tin, kan ram hi North-Eastern State-ah hian Coffee chinna atana ram tha berah Coffee board in an ngaih anih avangin kumthar zel turah hian nasa lehzuala hmalak chhoh kan tum ve ani tih kha ka sawi theih ni sela.

Tin, nichina Hnahthial Soil Division sawn tumna a awm em tih kha a awm a. Keini chuan sawn kan tum hran pawh nilovin, a ram chungchang thuah kan buai a. D.C. Court in Soil Department in

chhuahsan rawh se min tih avangin chhuahsan lo thei lo dinhmunah kan ding ta zawk a ni. A ram saw mimal ta a lo ni a, a neitute khan an lo khing ta si a, chumiavang chuan kan ngam ta lo a ni a nihna takah chuan. Chuvang chuan awm luih zel kan tum dawn chuan hmun dang dap emaw, pawisa tam tak senga kha ram kha lei tur kha a ni ta a, a pawisa lam kan nei bawk silova, chuvang chuan tunah hian chumi ngaihtuahna chu kan neih mek lai a ni. (PU LALRINLIANA : Soil khanin pawisa kha a chawi dawn em ?). Chawi turin min ti a, an lo luah tawhna zawng zawng man a kha a pe tur a ni tih te a la ni a, chu chu kan ngaihtuah lai mek a ni.

Tin, chu lo lehah chuan Saiha a kan Soil Division hmun chungchang thuah khan infrastructure atan tunah bian cheng nuai sawmthum panga Central atangin min approved sak a, sanction kan nawr mek a ni. Tin, chu loah chuan kan Soil Building chungchang thu kha sawi a ni bawk a. Soil Building khulai Secretariat 'C' Block laia khu Soil ho ram tunhma atanga an lo ram ve a ni a. Secretariat in a luah sak ta a, chumi avang chuan tunah hian mi In kan luah a, kan chawi tam em em mai a, kan mang a ang a, vawi tam kan sawi tawh a, kan C.M. hnena pawh kan thlen tawh a. Engpawh nise, Secretariat a in sawn theih veleh a kan chungchang thu hi min ngaihtuah sak turin min tiam nghe nghe a. Tunah hian mi In cheng singriat (80,000) in kan luah a, mi In kan luah ringawt mai a, a man a tam si a, chuvang chuan khuta tanga chhuah thuai khu kan nghakhlel a, kan nawr ve sek mai a ni. Chutiang ang chu Soil a kan hmalakna tlangpui chu a ni a. Tin, Development lamah pawh hma kan theih ang chin chinin kan la ve a. Chu chu Soil lama kan sawi theih chin ni mai sela. Kan Department Officer te an tang ve em em a, thahnem an ngai a, amaherawhchu, mihring kan indaih lo nasa em em a. District tin hi Administrative Division angina a awm a, tunah phei chuan Division ti tawh lovin District tiin kan ko tawh a, chumi District stia kan koh tak avang chuanin Saiha ah pawh hian District hmun a hi neih makmawh a ni ta a. Chuvangin saiha ah hian District, Soil Headquarter District kan nei dawn a ni. Chu chu kan han sawi theih chin ni sela.

Tin, Trade and Commerce chungchang thuah khan Trade and Commerce in a hma a lakna chi hrang hrangah kan member zahawm tak tak ten eng engemaw rawn sawilan a awm a. Pakhatnaah chuan Sawhthing chungchang thu kha an han sawi lang a. Sawhthing hi nia a buaipui awam khawp mai a, kum tinin helaiah kan buaipui ber pakhatah a tang deuh reng a. Inhnial laih laihna tling pawh a ni a. Tin, kan han hrall a Price Support Ich Transport Subsidy nena kan han tan lauh lauh pawh in a rate hi a that theih der loh chang a awm a, tunah pawh hian a rate hi a tha thei tlat lo mai a. Theihtawp

chhuahin tunah hian a hralthna tur zawngin kan dap reng a. Mi ramah khan Rs. 12/Rs. 20 dawn dawn pawh lo ni mahse, kan ram atanga han phurha a hmun zuk thlenpuina tur kha chuan a phurh man kha a lo tam zel mai a. Chuvang chuan keini rama helaia leina tur kha a sang hlei thei tlat lo mai a. Chuvangin a tihdan tak a vang khawp mai a. Mahse, tunah hian Niramac an ti a, chung ho chuan Sawhthing leina turin cheng nuai 78 vel min rawn sanction a. Chu chu thil tlem tham a ni a. A tlem em em mai a. A rate tur engtiang nge ni ang tih lai kha kan la buai a. Tin, chutih lai chuan Siliguri lam atang khuan a lei duh turte vawiin nite hian an lo thleng a. Chung hote nen kan Department te an indawr mek a. Amaherawhchu, a rate thuah engti ang nge ni ang tih lai tak kha kan buaina lai ber a ni zel bawk si a. Chulai chu tuna kan kalpui lai mek a ni a. Engpawh nise mipuite harsatna, duhthusamin hrail thei lo mah ila, a hrail theihna a market chu kan hmuh ve theih thuai te kan beisei viau a ni tih kha ka han sawi theih chin ni mai sela.

Tin, chulovah chuan Border Trade chungchang thu kha member te khan in han sawi deuh nual a. Nia, border trade hi a pawimawh a. A pawimawh em avangin kan inremna thuthlungah pawh khan kan sign tel kha a ni reng a. Kan han bawhzui a. Ngatinge mi State ten an hei thei a. kan neih theih ve loh tih laite pawh kha zawnha a awm a. Anni ho kha chu tun hma atanga lo nei tawh sa an ni a. An kalpui zel a ni a. A thar din tur khan Bangladesh Sorkarin interest a lak loh chuan ram pahnih India leh Bangladesh inkar thil a lo ni a. Ramte interest-na a awm si loh chuan tih zung zung hleih theih ani lova. Mahse, kan ramin a mamawh si avangin kan Chief Minister pawhin theih tawp chhuahin tun thlengin tan a la a.

Tin, hmannia zawnha kan ehhant tawh ang khan Bangladesh a India High Commissioner pawhin tan an lo la ve a. Tunah pawh hian chumi chungchangthuah chuan inhmuh khawmna nei turin kan Officer te kar leh mai hian khu lamah an chhuk thla leh dawn a. Chutiang ang chuan kan la tang lauh lauh zel a. Kan la thlahthlam hauh lova. Amaherawhchu, kan tum ang erawh chuan kan hlawhtling zung zung hleih thei lo a ni tih lai kha kan han sawi theih chin ni ta sela. Tin, Myanmar lam kha chu tumna in sawi lang lova, ka sawi lo mai ang a. Tin, Trading Regulation chungchangthu kha Trading Regulation neih ngei tha tiin expert Committee te kan han din kha a ni a. Khang khan an han ngaihtuah a. Tunah hian an report pawh Sorkar ah an thehlut tawh a. Chu chu tunah hian ngaihtuah mekin a awm a. Mahse, helai hi thil harsa tak awm Trading Regulation chungchangthu ah hian. Kan rama sumdawng pawlte hian duh dan riau an nei a. Tin, kan duh dan inlungrual theih loh avang hian thil tih har tak a nihna lai a awm a. Chumi lai karab chuan kan chhehve 1 State dangte hianin hetiang hi trading regulation hi tuman nei

pawh an lo awm hranpa lo ari tihte staff hoten an zuk hmu chhuak a. Chumi anih avang chuan Trading Regulation siam turin President remtihna lak zawnga an ziah te kha a blauhawm a ni. Chuvang chuan a tih hi a har khawp a. amaherawhchu, tunah chuan final ang deuh hleka an rawn siam chhuah chu kan nei tawh a. Chu chu tunah hian Sorkarah kan pulut dawn mek a ni. Chu chu Trading Regulation chungchang thu a kan dinhmun ani a.

Tin, MAMCO hi engngeni a dinhmum tih kha zawhna a awm a, account engkim hi fel taka vawn a niin, balance sheet-te pawh engkim a awm thlap a. Statutory Audit pawh 2001 - 2005 kha zawh fel vek a ni tawh a. Tunah hian MAMCO dinhmun tunhma aiin kan tha ve viau a. Tunah bi chuan kan in hmuh dan chuan a profit zawngin kan awm ve-in kan inhria ani. Chu chu MAMCO a kan dinhmun tlangpui ani. Awle, chu chu Trade & Commerce a ka sawi theih chin nisela.

R.D chungchang tawite-in kan sawi leh ang a. R.D hi kan hriat theuh angin Mizoram chu thingtlang mipui tam zawk kan nih avangin R.D in hma a lakna hi thingtlangah a ni a. Khawpui-ah hma kan lo hlei thei lova. Kan scheme zawng zawng te hi thingtlang scheme vek ani a. Chuvang chuan, mi tam tak-te Aizawl khawpuit leh kan District Headquarter ho hi urban anga kan dah vek tak si avangin kan thingtlang khawpui lian deuh ho tunhma-a Urban anga kan lo dah zawng zawng kha erawhchu, Rural-ah kan chan tir vek thung a. Tichuan, District Capital chin zawng State Capital nen Urban-ah kan dah ani a. Tichuan, kan hmalakna zawng zawng chu District Capital pawnlam vek ani a. Chuvangin, kawng hrang hrang a kan hmalakna BADP bikah phei chuan Border area bik border ngheng block ho-ah khan kan hmang ani ber a. Border nghengho kha chu International boundary han si block anih loh kha chuan kan hmang thei lova. Chuvang chuan, nichinah khan Member zahawm tak Pu Chhantea pawh khan keini a laklawh ho hi min duhsak bik rawh u te pawh a han tihna lai kha ani a. A ni taka BADP hian malsawmna nasa tak Border area a chengte tan min pe a. Kuminah pawh khan cheng vaibelchhe 9 zet kan hmu a. Chumi chu block hrang hrang block 12, 14, 16-ah kan then darh ta a ni a. Chu chu kan han ti chho a.

Tin, BADP Plan chungchangah khan kan Member-te khanin kan bial ami la tih leh loh, la tih zawh loh emaw, tih rih loh kha hna engemaw zat a awm ani in tih kha a dik a. Kan BADP kalphung bi tunhma atangin dik vaklo lai a lo awm a. Sanction a awm tawp a, estimate a awm si lova. Chuvangin, BADP titu Screening Committee khanin heath hian leihlawn dawh nan Rs.50,000/- Hall sak nan Rs.30,000/- kawng laih nan Rs.60,000/-, Rs.70,000/- ti khan a rawn dah tawp tawp ringawt a. Khami kha estimate leh kawng anih phei

chuan, a lineman-te zawn ngai vek ani a. Khami ti tur khan keini R.D-a kan Engineer-te kha an indaihlo si a, chawp leh chilhin kan ti zung zung thei lova. Kan hnusual phahna lai a awm ani.

PU LALDUHOMA

: BADP hmang velo ho duhsak dat kha kan sawi tawh a. BADP hmang thei hi bial 8 emaw vel lek niin ka hria a. A bak zawng hian kan nei ve lova. Chu chu kan Minister zahawm tak hian Pu Speaker, I bial telin, thil dangin kan duhsak mai ang che u kha a ti a. Thil dang min duhsakna kha engtenge ni ta Chang velo-te pawh chang ang tluk deuh thaw kan nih ve dan tur kha min hrilh thei ang em?

**PU AICHHINGA
MINISTER**

: Tuna kan kalphung danah hi chuan Pu Speaker, Social Education kan Fund neih Cheng Nuai 150/- te Nuai 100 te kan neih hi BADP area-ab chuan kan ti miah lova, BADP area lo hlirah khan kan bei thung a. Chutiangin, BAFFACOS-ah pawh khan BADP area District tho a kha kan pe tlem deuh a. Tin, NREGP hmang ho District phei kha chu tlem leh zual khan kan pe deuh a. A ram laili khami hmang ve pha lo ho kha kan thinlung tak chuan an duhsak deuh va, kan theih ang chinah chuan. Amaherawhchu, R.D Programme Scheme tam ber hi Central guideline anga khulam atanga rawn tih, hetah Directorate pawh kaltlanglo, DRDA-a kal tawp mai hi a Fund hi anih vek avang hian khalai kha erawh chu a in ang tlang khan kan han kalpui a. Chutah pawh chuan, Instruction kan pek dan chuan BADP hmang ve theilote laiah khan a bika a theih chin chinah chuan duhsakna pe turin DRDA-te pawh hi Instruction chu kan pe ve a. Chu chu kan tih theih chin lai chu ani a.

Tin, NREGP chungchang thu-ah khan kan Member zahawm takte khan thahnem ngai takin Zoram pum huapin min kalpui nise, Mautam tam do nan pawh a tha a. Tin, Development a pawimawh bawk si a, an tih kha a dik chiah a. Tunah hian Saiha leh Lawnglai-ah NREGP hi hman a ni a. Tunah pawh sawn a inhlawhna hrim hrim kha chu hlutna pakhat ni selangin.

inhlawhna tur kawnglaih tur unskilled labour ten a an thawh mai theih tur siam sak vek an nih avangin hmun tam takah kawngte pawh an laih that phah a. a hlu em em mai ani tih hi kan hria a. Chuvang chuan, kan Chief Minister pawhin Central-ah amah ngeiin sawi/ziakin heng Mizoram pumpui hi mi District tiat chauh kan ni a. Chu pawh kan tiat lo mah mah lam a ni a, keini ram pumpui-ah hian hman ni rawh se tih hi min sawi sak a, kan sawi bawk a. Department lam atangin theih tawpin tan kan la bawk a. Tichuan, tunah hian District 2 min rawn pek leh chu an tum a. eng District nge min pek dawn chu kan la final chiah lova, amaherawhechu, chumi la chuan a pumpui Mautam tam tuar tur kan nih avangin, a pumpuiin Mizoram hi min cover thei sela tih hi kan duh dan leh kan dilna ani tih kha House ka'n hrilh duh bawk a.

Tin, chulovah chuan, nichina Pu Rina'n a rawn sawi kan BDO pakhat Tuipang ami Lalrinsanga, khami kha VADP pawisa a draw bawk a, kha a lo ti chingpen vak mai a. Nuai 24 lai kha a ti chingpen ani tih report kan dawng tawh a. Chu chu tunah hian tute hnenah nge khang kha a lo hmanral tih laia chu kan hmu tel ve lova tiin a sawi kha kan hriat vawikhat-na ani a. Pu Rohluna zawk maw? kha kha a mal te te chuan keini chuan report kan dawng ve miah lo ani tih kha ka'n hrilh duh a. (**PU ROHLUNA** : Official lehkha a awm vek a, I hnenah pawh kha House property-ah kan pe tawh a. Khata tang khanin a chhui chian theih ang chu!) Eng pawh nise, kha chu kan lo en zui ang a. Amah pawh hi tunah hian pawisa hi rul leh ngei se kan duh ber a thil dang zawng zawng aiin, a rulh leh loh chuan a fel dawn si lova. Khawi atang mahin pawisa hi a nei lovang tih-te kan han ring bawk si a. Kan suspend ringawt chuan a hlawh atanga a rulh loh chuan khawi atang mahin a rul lovang tihte kan hlau bawk a. Pe turin vawi tam kan hrilh tawh a, a la pe chuang lova. Chuvang chuan, eng anginnge disciplinary action kan lak dawn tih lai hi chu thu tlukna chu kan la siam chiah lo na-in. action chu lak ngei ngei tura kan tih ani e.

PU LALRINLIANA SAILO

: Pu Speaker, MNF Saiha lama hotu-te a sawi brehawm tak ani a. Kan Minister-te ngei leh helaia thute pawh hi kan ni a, khang khan pe leh se ani mai a lawm le.

**PU AICHHINGA
MINISTER**

: Pu Speaker, engpawh nise kan lo enzui anga, khalai kha chu a tul ang zelin hma kan lo la ang e tih kha ka'n han sawi theih chin ni ta sela.

Chulo chu, a pawimawh zual, Social Education Fund Vanlaiphai vela grant ve Pu D. Thangliana'n a rawn dil kha ka sawi ang khan an DABP area ah hi chuan Social Education Fund hi chu kan hmang tim deuh va. Chuvang a area lo zelah khan kan kal pui deuh zel ani tih kha ka'n sawi duh a.

PU SAIKAPTHIANGA

: Pu Speaker, Social Education Scheme 2006 - 2007-ah hian item 29 a + lang a, tah hian items 20 hi khawpui chhung ami ani a. Items a hi Aizawl pawn Zokhua ami ani a, hei hi Rural Development Fund angin a kal lo nge? hei le a zalen deuh. min han hrilhsiah sela, ka zawt ani.

**PU AICHHINGA
MINISTER**

: Pu Speaker, ka lawm e. Rural Development Fund tho chu a ni a.

PU SAIKAPTHIANGA

: Pu Speaker, nikuma DABP Fund atang khan 3% kha administration atan kan la a hmanni khan. Nuai 39 vel a niin ka hria kan belh ehhin khan. Kan Engineer ho he scheme siam thin ho hi hlawh Sorkar atangin an la ve lo em ni? hemi atang hian kan pe tih na em ni?

**PU AICHHINGA
MINISTER**

: Pu Speaker, ni love, hei chu Sorkar atangin hlawh an la vek a. Khami DABP atang khan a zawng zawng-ah a ni lova. Plan kan siam a tulna bik zelah khan ani. A hmunah an kal chilh a, an tlan a ngaihna hmunah khan kan han ti tlangpui a. Kha zawng zawng kha engzat chiah nge lo chhuak thei tih lai kha chu ka lo chhut kil kelh lem hauh lova. Mahse, motor chu kan pe thei lova. Motor hire nante a ngai a. Tin, Instrument eng eng emaw kha lei ve a ngai bawk a. Chung atante chuan kan klhman dan tlangpui chu a niin ka hria. Chu chu hrilhsiah ngai lai ka'n hrilhsiah theih chin chu ni sela.

Pu Speaker, ka Demand Soil & Water Conservation-ahte, Cheng 8,07,40,000 Rural Development-ah, Cheng 56,55,85,000 te, Trade & Commerce-ah Cheng 3,03,94,000/- te, a vaiin Vaibelchhe 67,67,19,000/- te hi he House zahawm tak hian min pass sak turin ka han dil a ni.

S P E A K E R

: Minister zahawmtak Pu Aichhinga'n a Demand kan sawihonate a rawn hrual mumin a Demand-te pass a rawn dil ta a. Heng Demand No.33,38 leh 44, a vaiin Cheng Vaibelchhe 67,67,19,000/- pass remti apiangin remti ti rawh u le. Remti lo kan awm chuan rernti lo ti rawh u le. Aw le, Minister zahawmtak Pu Aichhinga Demand No.33-na Soil & Water Conservation Cheng Vaibelchhe 8,07,40,000/-, No 38-na Rural Development Cheng Vaibelchhe 56,55,85,000/- leh No. 44 Trade & Commerce 3,03,94,000/- a vaiin Rs.67,67,19,000/- hi House in lungual takin a pass a ni. (**PU AICHHINGA, MINISTER** : Awle, Pu Speaker, ka lawm e. Awle, tunah chuan Minister zahawmtak, Pu Tawnluia a Demand kan sawiho-nate han hrual muma, Pass han dil nghal turin I lo sawm ang u.

**PU TAWNLUIA
MINISTER**

: Pu Speaker, ka lawm e. Han sawi zung zung ka tum a, chipchiarin sawi ka tum lova. Hunte a kal tam deuh tawh a. Chuvang chuan, a tlangpui deuh hlekin sawi ka'n tum deuh ang a. A hmasa in DP & AR hi member 6 ten an rawn sawi a. Hetah hian thil tlem tlem han sawilan tur awmin ka hria a. A hmasa berah chuan DP & AR-ah hian thil thar deuh mai, nidanga kan la nei ngaitoh kan nei thar a. Chu chu, Department Website kan nei a, chu chu tun 22nd February khan kan DP & AR Commissioner in a hawng a. Hetah hian zirtawpni apiangin he website hi update ani a. Chutah chuan, Sorkar-ina hemi order kan siam tawh zawng instruction kan siam, Office memorandum khatiang ang chi zawng zawng kha website-ah hian dah ani a. A tlawte pawh an tam sawt mai a. Chuvangin, thil tho deuh kan han buatsaih hi kan House information-ah leh kan jo briattlan atan pawh khan kan han sawi duh pakhat ani.

Tin, a dawt lehah chuan, hemi kan State Service, MCS leh MPS-ah hianin tunah hian vacancy kan neihte hi kan Sorkarin kumin Financial Year thar lo awm tur chhungah ngei hian direct recruit in

MPSC kaltlang-in buatsaih turin kan ti a. Tunah hian MCS hi seat pawh 15 a ruak a. Tin, MPS in post 20 a ruak a, direct recruit chu 15 ani a. 5 kha promotion quota a ni a. Hei hi tunah hian kan move mek a. A principle-ah chuan kan agreed tawh. A formality a tuna kal cihuak tep a ni tih kha ka han sawi duh bawk a ni.

Tin, kan ngaihthlak tak ang khanin thil lawmawrn tak chu, AO(NG) kan tih ho zawng zawng ate kha tunah hian Mizoram Sorkarin MCS-ah a hlangkai ta vek a. Tichuan, AO(NG) kan tilh ang akha kan nei ta lo a, anni kha MCS Junior Grade-ah an zavauin upgrade anni ta a' a tih kha kan sawi duh a ni.

Tin, a dawt lehah chuan DP & AR-ah bian Training Wing kan nei a. Chutah chuan hemi ATI Administrative Training Instituted kan tih hi Khatla Government Complex tharah sawn building tha tak kan nei a. Cheng Vaibelchhe riat leh Nuai sawmkua man ani a. NBCC-in an sa a. an sa zo tawh a, Electric wiring erawh la zawk loh deuh anih avangin han hawn mai hleih theih lohna kan nei a. Chutilovah chuan a dangah chuan, a hmanrua tur leh thil dang tam tak pawh Sorkar-in min ruahman sak tawh a, saw saw thil tha tangkai em em tur kan han buatsaih ve ani a. Department chhungah kan Training Wing pawh khatiang ang khan an thang viau ta e tih kha ka rawn sawi duh ani a. Tichuan, tun Computer Age-ah tawh hian chuanin kan Sorkar hnathawktu zawng zawng hi Computer Training tira, Initial Training Course tal kha an thiam theih nan training kan pe a, tunah hian Officed-a hnathawktu 3400 zetin chutiang Training chu an nei tawh ani a. Training Course hrang hrang beitute khatiang ang khan kan pung ve zel ani tih kha ka rawn sawi duh ani a.

Tin, Computer Course hi Officer leh Staff dang ten tun Financial Year Closing-ah hian mi 550 in training an nei ve tawh e tih kha ka han sawi duh a. Tin, hemi Training Wing bawk ATI-ah hian Disaster Management Programme kum 200 atang tawh khan uarchhoh a niin. hetah hianin Course hrang hrangte pawh neih ani a, vawi 89 lai training course hrang hrang bi neih ani tawh ani. Chutiang chuan, Disaster Management lampangah pawh hian kan inbuatsaih nasa leh zual e kan ti a ni. Tin, hemi ATI building tha kan neih tok avang hian kum tina Cheng Nuaili zet zawt Rent, Office building atana kan dah thiin pawh kha kumin Budget-ah hi chuan dah a ngai ta lova, kan lawm hle ani.

Tin, kan MCS last batch-a mite kha IIT Delhi-ah Training turin group hnih kan thawn a, chutiang ang chuan anni pawh training khulaiah anmahni intuahriam nan training an zuk nei zui a, hlawk an in tiin. an chhawrbawk hle-in an inhria ani. Hmanni-ah BDO pakhat kan zinnaah kan in himu

a. Ka pu kan training kha kan hlawkpui theuh a. Scheme siam leh eng eng emaw-ah Central Scheme hi tunah hian tam tak a awm a. Kan hlawkpui khawp mai. Keimai mimal phei chuan ka hlawkpui zia hi ka hre dawn chauh ani a ti a. Chutiang chuan, training-na tha zawkte kha kan zuk nei thei a, a lawmawm kan ti ani.

Tin, hei tunah hian DP & AR atang hian nichina an sawi tak ang khanin Officer lian te chu appointment leh recruitment thar te kha han tih loh theih a ni lova. Tichuan kan Sorkar MNF Ministry ah hian Direct MCS hi 32 lai ti hian an lo lut tawh a, khatiang khan MCS atangin mi 3 IAS ah an chho tawh a, tin, Forest Service ah pawh IFS ah hian mi 4 an kaisang tawh a. MPS atangin IPS ah mi 3 an kai tawh a, tin, MJS ah hian recruitment 7 a thar tak tak kha hman kum khan kan ti tawh a. Tin, tunah hian Guideline thar siam kan nei a, chu chu transfer and posting chungchangah a ni a. Chu chu Department tinin avaiin tunah zawm duak theilo mahse Norms engemaw kan behethhan tur nei lovin kan awm rei lutuk tawh a, nichina kan ngaihthlak tak ang khan Aizawl awm tum ngawr ngawrte, thingtlanga awm tlawhchhuak te kan awm lek lek mai a. chuvangin hard posting deuh te soft posting te pawh kha siam ila kan ti a. Chutiang ang chuan a tlangpuiah Department tinah hian hemi transfer and posting ah hian a guideline kha an rawn siam chhuak ve deuh vek tawh a, kha kha thil thar deuh leh nakinah pawh tihphung pangngaia kan neih chuan nichina kan ngaihthlak ang khan tute emaw tlatlum bik awm lova, Aizawl ka chhuahsan a hun ta, ka luhve a hun ta tih ang khan a lo in herchhuak ve mai anga. Kan practice chho ang a, kan hmang tangkai viau ang tih pawh kha kan ring a ni a. Tin, kumthar 2007 ah chuan engang chiah nge Mizoram Sorkar ah hian sanction post a te ber atanga a lian ber thlengin kan neih tih kan chhut a, DP & AR a an han chhut theih leh record kan han hmuh atang chuan hetiang hi a ni. Group 'A' - 2988 Group 'B' - 12138 Group 'C' - 21568 Group 'D' - 10062 Avaiin 46,751 (Pu Lalriniana Sailo : A figure kan hre duh khawngaih takin). A copy kan rawn siam mai dawn nia, hei hi chu information atan pawh a tha khawp a. Kha kha sanction post a ni a. Tunah hian post luahkhah lai hi 41811 a ni a. Tichuan post hrang hrang vacancy kan neih belkhawm hi 4940 a ni Hei hi chu approximate turah ngai ta ila, helai bawrvel hi a ni thei ang e a. A dik chiah han tihlam nilovin kan chhut dan chuan a dik thawkhat chuan kan hria a ni.

Tin, CSS hnuaia Mizoram sorkar hnathawk hrang hrang pawh hi kan han enin Group 'A' 'B' 'C' 'D' ah hian 790 sanction post kan nei a, luahlai hi 688 a ni a, vacant post kha 103 a awm a. Khatiang kha kan han chhutnaah chuan a awmdan a ni a. Tin, Work-charge te, contract te, Officiating te, Muster Roll te, Co-terminus khang zawng zawng a kha hetiang hi a ni. Work-charge 1819, contract a thawk lai mek 686, Officiating a

thawk 44, Muster Roll Skilled -I 168, Skilled -II 1326, semi Skilled 783, Unskilled 3393, Muster Roll category ah khan 5678 hi kan han chhut chhuah danah a ni a Co-terminus kha 216 an awm bawk a. Tichuan Regular lo kha 8435 employee kan awmin hriat a ni a. Tin, chutiang bawkin CSS Fund atangin Mizoram Sorkar hnuaiah sanction post 608 kan nei a, Contract in 978, officiating-in 74, co-terminus 3, avaiin 1743. Hemi sheet hi chu remchangah naktuk lamah information atan kan rawn sem turah ngai ta ilangin a tha ang e. Kha kha DP & AR ah chuan kan han sawi chin niselangin.

PU LIANSUAMA

: Pu Speaker, Mizoram Cadre, IAS, IPS
tih ang chiah khan enge kan thlen
chin kan nei hrang ve thei tawh
dawn em aw. Entirnan, Arunachal nen
intawm tal emaw.

**PU TAWNLUIA
MINISTER**

: Pu Speaker, AGMUT Cadre Mizoram segment-ah hianin IAS ah 20 kan nei A, IPS ah 14, IFS ah 19 (hei hi Fo-Rests a ni a). Hemi hi India Prime Minister hnenah te leh Home Ministry ah te pawh vawi dualo Sorkar local tawh atang khanin lo beihzui tawh a ni a. Tichuan, kan record a kan hmuh dan chuan Separate Cadre emaw tin, Joint Cadre Arunachal nen pawh proposal kan nei thova. Chuta lo bawhzui tawh dan chu hetiang hi a ni. Prime Minister hnenah July 26th 1988 khan Chief Minister Pu laldenga, min boral san tawh a, ani khan a alo nawr tawh a. Chumi bawhzui chuan Home Ministry te, Cabinet Secretary te, Ministry of Personnel Personal Public grievances ah te lehkha vawi 10 thawn tawh a ni a. Govt. of India ah hemi chungchang hi decision an la siam theih loh avangin bawhzui zel kan tum a ni a. Khatiang khan kan Chief Minister kal tawh Pu Laldenga khan kum 1988 July thla khan a lo nawr tawh a. Tin, Prime Minister hnenah Pu Lal Thanhawla kan Chief Minister khan vawihnih lai Home Ministry-ah a lo ziak tawh bawk a. Mizoram Chief Secretary Pu Lalfakzuala hunlaiin vawikhat ziah tawh a ni bawk a.. Kan present Chief Minister Pu Zoramthanga hian lehkha hi vawi 4 a thawn tawh a. Tin, kan Chief Secretary, Pu Ringa khan vawi 2 a ziak tawh a. Tuna kan Chief Secretary hian tun February thla khan a ziak tawh bawk a. Chutiang chuan kan nawr nasa ve khawp mai a. Mahse, kan la nawrchhuak chiah lo a, hei hi kan Chief Minister pawhin tan lak a tum viauin ka hria a ni. Kha kha DP & AR ah chuan ka sawi chin nise.

A dawt lehah chuan Pu speaker, PHE lam kha member 16 in kan sawi a, kan Department Demand sawinaah taima deuhin thu kan sawitlangin ka hria a, engemaw thil tha duhna leh a tak taka ngaihtuahna atangin a tha zawk tute pawh kan inkawhhmu chho niin ka hria a, lawmawm ka ti a Member te sawi zawng zawng kha a nawi te te kha chu zuk react pawh a har vien ang a. Mahse, kan lo note tha vek a nia.

A hmasa bera ka sawi duh chu Phase II chungchang kha a ni a. Kan member Pu Duha leh Pu Andrew-a pawh khan a ngaihpawimawh lai leh engemaw sawi ngai lai nia an hriatte House-ah an rawn sawi a, a lawmawm a, khang kha kan welcome em em a. Mahse, sawi dawn ila, technical thi te a ni a, sawikim a har em em a. Chuvangin, hetiang zawng hian sawi dawn ila, thiil harsatna tam tak karah, tunah hian tui chu kan pump thleng ta e, tih a ni phawt mai a. A bul tanna pawh kha arei tawn khawp mai a. Estimate pawh kha kum 1986-a 1992 SOR-a siam a ni a. Chutiang chu an tender kha 1997 ah called a ni a. Tender kha chu Pu Hawla Ministry kan ti mai ang e. Khalai hunu an lo float tawh kha a ni a. Chutianga tender kha chu kan hun hmaa lo hawn tawh a ni a. A chhangtu tam ta! zingah khan a chhang hniam ber Johnson Eastern Power Limited hi thlan a nita a ni.

Tin, Pu Duha'n engahnge hetiang alternative offer te hawn a nih? a rawn tih kha Lungleiah te pawh lo tih kha a ni tawh a. Tin, henghi thil thar leh kan zir chhoh ve mek lai a ni a. Khanglai hunah khan alternative offer Sorkarin a lo phal a. An vaiin tenderer zawng zawng khan anmahnin tha an tih ang alternative offer kha an neiin an submit vek a ni. Chutiang chuan Lungleiah pawh lo hman tawh a ni a. Lunglei W/S/S ah alternative offser zawk khan lo pek a ni tawh bawk. Aizawlah pawh khatiang alternative offer kha tenderer ten pek theuh kha a ni a. Khatiang ang khan selection kha a lo awm chho a. Tin, Tender Estimate SOR ber kha 1992 kha a nih avang khan a hlui sa tlat mai a. Chuvangin a thawnha hun tur te han chhutin cost escalation kha chu awm lo thei lo a ni a. Tiang khanin an kal chhova, award kha kan pe ta a. Kan han pek a hna kan han tan chhohvah khan keini pawhin kan estimate kan en khan hemi ngawt hi chuan kal harsa a ni tih pawh kan hria a. Kan ngaihthlak tawh ang khan kan innawr kan innawr a ni. A tirah kha chuan Planning Commission-in min keng a, anni khan keng zui se chuan a nih ang ang turah pawh khan ti te khan a tlang chho ve mai turin kring a.

Amaherawchu, kum 2002 ah khanin DONER a lo piang ta a. Phase - II hna hi Planning Commission atangin DONER khan a la ta a. DONER khan norms an lo nei a, Project tan tawh chu cost escalation awm tur chu State in an tum tur a ni tih kha ani tang mai a, a tumna tur sum kan nei

bawk si lova. Chulaiah chuan engtinng Central pawisa hmanga anni pawisa ring bawk si hian kan tih theih ang kan ti a, hei kan indawr kan indawr a. Chutih karah chuan a tira original estimate 71 crore ah hian in concentrate rawh u, tih chang te pawh min nei a ni. A dik vek a ni. Keini pawhin hetiang hi chuan kan zo lo kan ti a, kan tang ve zel tho a ni. Tichuan, a tawpah chuan kum 2002 August thlaah CPHEE Technical approval in Planning Commission atangin Revised Estimate Rs. 113.78 crore chuan lo thawk rawh u le, min ti ta a. Chutah chuan tun 24... ang khan a la kal zel a Tichuan. DONER in an han lak hnu khan audit te pawh a awm a ni. Pu Duha sawi ang khan. Amaherawhchu, khatiang khan a kal chho a kal chho a, a tawpah chuanin ninety something ah hian thawk rawh ula min tih khan 24 .. tur khan a khawl man ngai tur zat kha adaih lo tlat mai si a. Chuvangin tunah hian 12 mllpd in kan pump chhuak ta e. Tichuan, 12 mlpd dang kha chu tunah hian nakum 2008 ah dam te a kan awm chuan kan siam belh leh thei ang chu maw kan ti a ni. Kumin ah hian sum pawh hi kan Plan-ah khan kan hmu ang khan crore 15 kan hmu a, crore 15 kan nei a.

Tin, hmanni lawk February thla tawp dawn a DONER in 6 something an rawn released kha la hman loh bawk a ni a, tin, heta min la pek bang hrim hrim a kha DONNER ah khan 5 crore vel a awm bawk a. Khatiang khan kumina kan bawhzui chhohna ah hian a kal ang a. Tin, hemi kan pawisa senso zat tur tak tak hi chu kan Work Advisory Board tenena engkim la chhut chhoh tur anih avangin chutiang chiah chu a nita e han tih pawh a har viau a ni. Amaherawhchu, hma chhawp neiin khatiang khan kan kal thei a, tunah hian tui chu a jo thleng ta e, kan ti a ni e. Trial sum kan han neih tantirh atangin Tuikhuahtlangah a pump thleng a, A engine leh khawl dangte pawh tunah hian a function tha hle mai a. Tichuan, tunah hian trial run hlawhtling takin kan nei thei ta e, tiin kan sawi a ni a. Tichuan a tuk atang kha chuan dik tak chuan tui pawh kan theih an gang chuan additional supply pawh kan pe a ni. kan hmu tam emaw tam lo emaw, a ei kha chu kan han ei tha thei ta e.

Tin, han sawifiah ka duh chu. distribution line kan siam kha arei tawh a, Luangmual pawh Pu Duha sawi kha a dik a, kan hmanhmawh ve a a dik tak chuan thlen tir pawh kan chak a, mahselangin khita Tuikhuahtlang a kan pump khawl phawt loh kha chuan tui a luan lawk tir theih bawk si lova, kan han luan tir khan leakage kha alo tam em em ve tawh mai a. Luangmualah khuan Jonal Tanky lian pui kan nei a, tian gchuan khu lam khu kan han luan thlak tir a. Chawlhmunah te pawh. Tin, chhunah a thawh tak tak theih loh avangin zanah an bei a, kan hnathawktu te pawh an hah viau a ni, chhunah chuan traffic te a lo congest deuh hlek avangin zanah leh traffic thawl lai hunah an thawk a. Dik tak chuan Chawlhniah pawh an thawk tih kha a dik a ni. A chang chuan Sunday/Holiday-ah pawh kan hnathawktute hian an tih ve fo tul hun te a awm lo thei lo a ni. chutiang ang chuan a kal chho a ni a, tunah hian hlim takin kan House pawh hian tha min tihpuiin min

lawmpuiin kan hria a, a lawmawm takzet a ni. Hemi bawhzuina zelah pawh hian finchhuah kan ngai ang a, remruatpu te pawh kan ngai em em ang tih kan ring a. Member te tanpuina ka ngen e. Vawiinniah hian phase-II chungchangah chuan tawite a a tlangpui phawrh a kan sawi ni mai selangin a tha ang e. Tin, Pu Speaker, hei Mizoram ah hian Urban leh Rural Water Supply hian kan inthen phawk a. Urban ah chuan aizwl City leh kan District Capital te leh Town ah te hmalak a ni a. Town-ah hian khaw 22 kan nei a, chutiang ang chuan a kal phawk a. Aizawl chu kan sawi tak ang khan ni ta selangin. Champhai khi on-going bawk a ni a. Champhai khi December ni 14, 2006 ah khan 'Trial Run' hlawhtling takin kan nei a. Tunah khian Champhai ah pawh kawthler ah tui pek a ni tawh a. Public Point kan siam a. chungah chuan mipuiin tui an dawhin sem a ni tawh e. Thallai a ni bawk a. tui kha in tlakin kan han chhuah thei a, kan sem a, mipuiin an ei ham ham a. khitah khian a filtration plan erawh chu la zawh loh deuh anih avangin khi khi hna kallai mek bawk a ni a. Khatiang khan (**PU R. LALZIRLIANA** : Pu Speaker, khawngaih takin Tuikhuatlenga tuikhur siamna tur nimin atang tawha chhan loha pehhel a awm zel mai kha engnge ni a chhan ? tih hi khawngaih takin min hrilh thei lawm ni. Renovation khilaia Tuikhuatlenga siam tur nuai 23 man pehhela awm tlat thin a kha). Pehhel zawng chuan a ni lovah ngai ta ila. Helaiah pawh hian note ka nei a. amaherawhchu, House a ni a, thil hi kilkelh a sawi kha a rem bik lova. In hre vek a. Kan Contractor hi Pu M.C.Fala a ni. Contractor dang chu Pu Awia nau a ni a. pakhat chu sawlaiah zarkawt ami saw a ni a. An pathumin Tender an chhang a. Tikhan award thlap an ni a. Tichuan, M.C. Fala chu a sa hnuhnung ber tur a ni a. Pu Hrangkunga leh pakhat khan an zawh vek hma chuan, an chunga sa tur anih avangin a nghah a ngai a ni. Chu chu anih avang khanin. (**PU LALRINLIANA SAILO** : Pu Speaker, tuna repair lai tak tur hi ni thoin ka hria a. A dik em aw ?) Chu chu ka'n sawi dawn alawm. Pawisa hi a lapse dawn avangin Department pawh khan pawisa kha enge ni a term ka hre chiang lova, an lo draw dan a kha. An lo draw sak a. Chutah chuan a ni ta pawh hi an draw ve tho a. an pe ta a ni. amaherawhchu, a damlo ta a. Tiang khan a thawk thei lawk lova. A lo dam a, a han thawh theih dawn pawh khan Department kha an hmanhmawh tak avangin inseam remin a pawisa khilai thawnha tur a a lo lak sa tawh pawh kha Department in an dawng let leh ta vek a. Departmental work ang deuh khan siam rem a ni ta a ni. Chu chu anihna tak a ni. A tawu zawngin sawi ta ila. Khalai kha thildang tehchiam ni lovin ka han sawi ang kha a kalphung chu a ni e. Awle, tunah hian kan khawpui deuh deuh khaw lian lovah hian tui kan nei tha tawh sawt viau mai a. Kan sawi tak ang khanin Saitual te kan sawi tak ang khanin Saitual te phei chu gravity in tikhian kan han la a, kan lawm khawp mai a. Tin, Kawnpui pawh kha kan han hawng a. khatiang ang khan kan Programme a hlawhtling tha hle a ni. Tin, kan khawpui deuh deuh ah chuan tunah hianin hmabakte pawh kan nei a. A tlangpuiab chuan, hemi kan town hovah hian chuanin Bairabi, Zawlnuam, Lengpui, Darlawn, Mamit, Vairengte, North Kawnpui, Khawzawl, Thenzawl, te hi tui kan nei tha a. Hnahthial leh Champhai hi kallai mek a ni a. Sairang, Saitual, Champhai, Lunglei

hengah hian tui kan nei hniangnar ni lo mahselangin, kan khamkhawp chu kan nei e tih theih a ni a. Tin, Tlabung hi tunah hian DONER ah a mu mek a. An priority ah Tlabung leh Lower sakawrdai hi DONER hian a awm a. Financial year tharah hi chuan kan lakschhuah theih pawh kan in beisei a ni a. Tin, Biate kha chu kan sawi tawh ang khan, Composit Scheme siam a ni a. North Vanlaiphai bialtu pawhin a han sawi ang khan khilai tlangdung chu Scheme lianpui kan nei e, tih kha kan han sawi duh bawk a ni a.

Tin, khatiang ang khan Lawngtlae pawh tunah hianin JNNURM hnuia, Small Town tih hmasawnna, khatiang ang project hnuiah khan pumping turin crores 30 chuang Scheme kan siam tawh a. Tin, sawtah Saiha pawh kha augmentation kan ti ang nge? Kha kha chu kuminah hian survey kan bei ang a. Kumin Financial Year tharah chuan Saiha pawh saw kan take up tan dawn e, tiha kha kan sawi duh ani. District khawpui kan ngaih pawimawh avang khan khatiang ang khan hma kan han la chho a ni a. Kha kha kan House zahawm takah pawh hian kan han sawi duh a ni a.

Tichuanin, kan khawlian deuh deuh. heng Tlunghelahte, Darlawnahate, Phullenahate hian tui tam tak gravitation khan kan han nei thei a. Gravitation hi chu kan phur pui em em leh zual a, a theih ngang loh hi chuan pumping hian kan kal thin a ni a. Tin, nikumah khan Kawrthah khawpuiah pumping kan commissioned a. Khu tah Rengdil leh Zamuang intawm tur kan commissioned bawk a. Tiang chuan, Mamit leh Kawnpui pawh commissioned a ni a. Tunah hian Lungdai khi he kan Officer-te chuan tun kar chhung hian, "Trial run kan nei thei ang" an ti a. An phur viau a ni.

Tin, West Phaileng kha Teirei pump turin kumthar Financial Year tharah chuan hma kan la dawn bawk e tih kha kan han sawi ni selangin. Tin, tunah hian Kawlkuh pawh khi augmentation scheme kan tawk mek a. Pu Speaker, kan bawhzui chak khawp a. Tin, Thingsai leh Cherhlun khi tui a har khawp mai a, tunah khian Thingsaiah phei chuan tui kan la thleng tawh a. An khaw hnuai deuhah Reservoir-ah kan chhungkhawm ang a, kha kha khaw chhungah kan pump chho mai ang kan ti a. He tui hi a tha lutuk a, a phur awm a ni.

Tin, Lungsen, Buarpui bial pawh hi kumin Thal chho-ah hi chuan commissioned i tum ang kan ti a. Chutiang progress kan nei thei ang em kan hre lova. Aw, Pu Speaker, khatiang ang khanin he PHED hi chu huapzo Department a ni tak zet zet a ni tiha pawh kha khang atang khan a lang chiang hle in ka ring a. Tin, sanction tawh sa Hriphaw W/S/S khu tunah hian pumping turin buatsailh mek a ni bawk. Tun Financial Year end-a sanction kan neib mahse, kan la tan mai loh kan tan theih a ni. Thingthelh leh Hlimen, Kawnpui bial pawh chutiang bawk chuan pumping turin ruahman a ni a, sanction tawh a ni bawk.

Tin, Palsang, Pu Duha bial pawh hian hma kan la dawn a. Maucharah pawh hma kan la dawn a. Amaherawhehu, hei hi chu tender a ngai ve ve a ni. Tin, Mauchar leh W.Phulpui (Phuldungsei bial) ah te pawh hian hma kan la dawn a. Mauchar leh W.Phulpui-ah hian "Wind Mill" kan hmang dawn a, enchhinna atan. Hei hi a titute mi thiam bik Mizoramah pawh hian an lo awm ve a, chu chuanin min challenge riau a. Hetah hi chuan enchhin nan i ti ang kan ti a. Maucharah leh W.Phulpuiah hian wind mill-in kan pump dawn a ni. (**PU LALDUHOMA** : Enchhin nan min hmang dawn a, kan lawm tho ania. A tui khu a tha em em a. Maucharah khuanin an pump theih chuan. Sakawrdai ngaw ngei a thlanya Vaitinte, Khawpuar-te leh a dang kha a huam tel theih.) Sakawrdai hming kan puttir a. Kan Chief Minister kal hianin a rawn hawn dawn emaw kan ti thin a. a bik takin Lower Sakawrdai leh Tlabung hi chu DONER in one leh two a an dah zingah a tel ve a, kan beisei hnai viau a ni. Tichuan, Mauchar leh Palsang kha chutiang chuan Tender ve ve tur a ni a.

Tin, sawtah Sateek bialah pawh Samlukhai-te, Sailam leh Thiak-te pawh hi kan Tender dawn a ni. Chamring pawh an thawk mek ani. Tin, Dampa – Rengpui pawh khu kan thawk mek loh pawhin thawh theihin pawisa awmsa. Tin, Samlukhai hi gravitation a thawh mek a ni a. Parvatur pawh thawh theihin pawisa a awm. Tichuan, Urban deuhah chuanin kumin 2007 (**SPEAKER** : Kolasib atang khan rawn zawt deuh tlatin ka hria. Bilkhawthlir kha engtin nge ni ta ?) Pu Speaker, tuna ka sawi tur chiah hi a ni e. Urban-ah hian 2007 – 2008 a kan proposed scheme, tuna kan work schedule a kan telh tura kan list a pakhatna chu Bilkhawthlir pumping a ni; survey leh investigation zawh tawh a ni. Khatiang khan Lower Sakawrdai pawh kha kan dah chho nghal zel lo thei lova.

Tin, Reiek leh Ailawng kha a source pali a awm a, kan thlang dawn a ni. Tin, Biate kha nichinah kan sawi tawh a. composit scheme a ni a. Tichuan, North Vanlaiphae pawh kha kan chang kan la ti zauva DONER ah kan la thehlut tho a ni. Tin, sawtah Vanva bialah pawh Zete-ah saw swajaldara scheme-ah pumping in tih kan tum bawk a ni. Tin, chu loyah chuan Vanva bialah chuan Haulawng, Mualthuam, Sekhum, Ramlaitui, South Kangmun te intawm tur scheme cheng Nuai zasarih lai man scheme siam a ni a. Tun April leh May thalva ek charah hian tui dinhmun enchiang ang kan ti a ni. (**PUSAIKAPTHIANGA** : Bunghmun-te, Serhmun-te, Tuipuibari lam a va ri ve lo ve? ni ve sela a va tha ve mawle.)

Pu Speaker, khang kha chu khaw te deuh a nia, khaw lian hlir ani ka sawi hi chu maw, khang kha chu Rural Water Supply-ah khan a kal ang a. Heng hi chu Urban leh Small Town atanga lo kal tur chauh ani. Khatiang khan kan hmachhawp te pawh kha Pu Speaker, kan sawi ni sela.

Tin, thingtlang lam chu a khaw mal hmingin ka sawi tawh lo mai ang. Tunah hian PHED-in Habitation Village kan tih hi 777 a awm a. Tunah hian PHE chuan tui pek tur village 777 kan nei a. Chutah chuan, fully covered kan ti a. Chu chu 40 LPCD (mimal in nitin tui 40 litres) an neilh theilhna khua 190 an awm a ni. Tichuan, partially covered khaw 430 zet an awm a. Tui la pek ve miah loh khua non-covered khua 150 zet an awm a, heng hi tui pek tawh, a rei tawh avanga siamthat ngai te an ni deuh ber. NC Village hi chu Central-ah sum kan hmuh theilh nan, khatiang zat khan tiin kan ti a. Tichuan, pek tawh si, 40 LPCD la tlinglo 430 zet kan nei a. Chutiang chuan kumin Financial Year tunkar tawp turah hian kan Programme-ah chuan khaw 300 zet cover turin kan in buatsaih a. Sanction hi kan nei thei vek ta a ni. Mahse, hna kan thawk hman si lova, chulai chu a kalphung a ni. Tunah hian thingtlang khua pawh khatiang khan kan kal chho zel ang chu kan ti a ni. All India Norms-ah thingtlangah 40 LPCD, Khawpuiah 70 LPCD a ni a. Khatiang khan khami Rajiv Gandhi National Drinking Water Mission hnuaria Bharat Nirman-ah hian 2008 hian in India ram khawtinah 40LPCD pek tur tih a ni a. Hemi hian hma kan la mek a ni.

Tin, Pu Speaker, Scheme dang kan neih leh chu swajaldhara a ni a. Chubakah chuan, a dang leh chu thianghlimma lam campaign, total sanitation campaign (TSC) a awm bawk a. Chutah chuan, District Level-ah Committee a awm a, DC ho in an committee a. Hemi ekin kan tih hote pawh hi Sorkar-ah pawisa a lut lova, direct in a kal a, an committee a. thianghlimma lamte anih avangin. A tlangpuiah chuan EE, PHE chu Secretary-ah an hmang deuh a ni a. kha sanitation programme kha kan kengkawh bawk a ni.

Tin, Rural School upto Higher Secondary School zawng zawngah hian tunah hian tui pekna turin pawisa kan hmua. India ram pumpuiah teh fung an siam a. Sikul hi cover vek turin tih a ni a. Tuna kan report-ah hi chuan School 2926 a ni a. Nikum hmasa atang khan he programme hi tan tawh a ni a. Kumin Financial Year ah hian tui pekna tur sum min pe vek a ni. Mahse, kan la thawk hman lo a. A pek dan tur chu khawpuiah chuan water connection-te kan pe a. Thingtlangah chuan tui dah khawlina tuizem, tin khawrte kan pe a ni.

Tin, Buarpui bialtu zahawm takin a sawi drilling machine tui verh chhuahna khawl thar kha min lo hriatpui a, kan lawm khawp mai.

PU LALDUHOMA

: Hemi Central Scheme atang hian kum 2007 ah khua zawng zawngah 40 litre per head per day a pek turin an rawn ti a. Sum pawh min rawn pe dawn a ni a. Vawiinah hian tui la nei lo khua engemaw zat an la awm a. 2008-ah hian Central duh dan ang hian kan cover zo theiin in ring em?

**PU TAWNLUIA
MINISTER**

: Chu tak chu a har ve a. an Target chu a ni ta a. Kham Bharat Nirman hnuaiah kha. Bharat Nirman chu hei campaign a awm hi kha kha Water

Supply bikah chuan a ni ta a. Hei hi chu hmenniah pawh kan sawi hova. 2008 ah hian kan zo ang em kan ti a, kan han en mek a. Kuminah 2007-08 a Rural Scheme tur No. of Village to be covered kha Central-in min la hriattir lova. Kumtin min bituk thin a. Chuvangin tunah chuan kan la sawi thei lo a ni. A lo la kal ve turah ka'n ngai e. Chu chu anih avangin kan sawi thei lo ani. Central atangin a lo kal ve turah kan ngai a ni. Pu Speaker, P.H.E-ah chuan khang kha kan hmalakna hrang hrang House a vawiina kan han sawi nisela, a tha ang e.Tin, Pu Speaker, Home lam kha kan Member 23 zet khan an rawn sawi a, vawiin ni-ah taima deuhin tun thlengin kan hotuten helaia kan Demand sawinaah-te tha in lo thawh chho va lawmawm kan ti a. Engemaw thil tlem te te a han chhan theih mai, langsar ho kha han chhan lawk kan tum ang a.

Pakhatnaah chuan Bungtlangah

(Interruption) chu tak chu a har ve khawp a. anni pawh khan an target a chu a ni ta a. Bharat Nirman hnuaiah khan Water Supply kha pakhat a ni a. Bharat Nirman chu hei tunah pawh campaign a awm mek a. Department hrang hrang zingah water supply kha programme pakhat a ni ve a ni. Hei hi chu keini pawhin hmenniah pawh kan sawi hova, kan zo thei ang em 2008 – ah hian, 2008 – 2009 ani ang a kan ti a. an en mek chu a ni a. Kuminah hian 2007 - 2008 Financial Year a Rural Scheme tur No. of village to be covered a kha Central-in min la hriattir lova, engemaw zat hi kum tinin min bi tuk thin a.

Tin, Pu Zira'n motor pakhat silai phur a tih kha, kha vawiin ni kha kan hriat vawikhatna a ni a. khalai atang khan kan han chhui nghal char chara, engpawh nisela, kan lo bawhzui ang a. Kha motor kha a dubious ang reng viau a, kan lo bawhzui zel ang. Kha kha information te chiang zawk kan neih theih phei chuan kan lawm khawp ang. (**PU R. LALZIRLIANA** : A driver pawh ka hria, in duh chuan min zawt rawh u. a tirtute hi chuan in hriat chu ka ring.) Nia, kan chhui dawn nia.

Tin, thil pakhat sawlaiah. Lai ramuh engemaw underground tum deuh an awm e, tih kha - Lai People Liberation Army invuah an awm a, an President hi Vanlalsawma tilh a ni a. An Secretary lu Thanthuama tih a ni a. Heng hi a tir atang tein kan en a, tunah chuan saw ti sawn khawlaiah an la leng a, thil dang lutuka in organize lem turah chuan kan han ngai lo phawt ani e, tih a kha ka'n sawi duh a.

Tin, a dawt lehah chuan, 9 mm pistol bo chung chang. Khawzawl Police Station ami kha, tunah hian amah kha an ban tawh a. Thubuai kha chu a la kal mek a. A service atang khan an bun a. Investigation chu a la kal mek e.

PU R. LALZIRLIANA

: A dangah khan Pu Speaker Investigation a kal mek tih a ni a, a dik ang a. Mahse, ka sawi tawh ang khan han sawi pawh a brehawm khawp mai e. Sual tawh laileng hi chu a sual theih khawp a. An Arms te kha chu hlihsak ula a tha ang a. A thurualpuite pawh kha. Chutilochuan, thil a lo thlen pali chuan a pawi thui khawpin ka ring tlat. Vawiin ni-ah hian a thawk tha-te hi duat ila, a thawk tha lote hi chu i hrem ngam ang u tih hi Pu Speaker, ka duh a ni. Ka lawm e.

**PU TAWNLUIA
MINISTER**

: Kan lo chhinchhiah dawn nia. Tip. MPC Party thuchhuah kha sawi dawn chuan a sei khawp mai a. Kan man a, khang titu ho kha. Hei bi Information atan pawh a tha a. Kan Xerox anga, naktukah kan sem dawn nia. Kan man fai vek tawh bawk si a. A tawi zawngin kalpui ta mai ila, a tha ang e. Sawifiah leh zualte pawh kha kan chak thin alawm.

Home Guard chungchangah hianin Home Guard-te an tangkai em em a. I.R. kan lak turah pawh hian 5% kha seat kan ruat a. 60 zet hi chu I.R.-ah lak tur angina buatsaih an ni a. Home Guard-te hi hmun 78 ah duty in kan sem zai ve a. Home Guard Regular Post chu 120 zet an ni a. Volunteer kan tih hi 1000 turah 920 vel an awm a. An tangkaina tiang khan tupawhin kan hre theuh a. Traffic bakah Static duty leh thildangah hian kan hmang tangkai hle a ni. Sorkar-in an tan I.R. lakah pawh Reserved Seat a siam a. 2001 ah khan an hlawh Rs. 100/- per day-ah kan ti pung chho a. 2006-ah chuan nitin 126

an hlawh ta a ni. Anmahni pawh hei hian tlem chuan a pui ang a. Heng hi kan hotuten an thlir ve zel a. An tangkai em avangin theih angin enzui pui zel Sorkarin a tum a. Tunah hian Standard Operational Procedure, Home Guard volunteer te hnathawhna a mumal zawk theihna tur buatsaiah a ni a.

Thil pakhat, 'Search rescue and emergency Company' siam hi kan rawt a, Department chuan Sorkarah ngaihtuah turin kum thechlut mek a. Tuna kan existing strength a hi ti pungin, heti zawng hiauin ti ia ilia kan tangkai pui awm mang e kan ti a ni. Khang kha Home Guard-ah ka'n sawi niselangan. Tin, an Rising Day kha blood donation zawngin an lawm a, lawmawm kan ti khawp mai a, mi 133 in blood an donate a ni. Midangte nunna tur atana tangkai thisen an pe kha, a lawmawm a, record-ah a awm tlat a ni.

Tin, Forensic Science Laboratory hi tunah hian kan ti phuisui chho ve zel a, ma'rawhchu, duh thu ala sam lova, hemi hi kan Police Modernization Scheme atangin kan lo ti chho ve mawlh mawlh a ni. Tin, Home Guard hian 5% hi Modernization atangin kum tin an nei ve a. Chuyang chuan an than chhohna tur facility pawh an nei thui ve zel ang a. Chutiang bawk chuan Forensic Science pawh an thang chho zel a ni. Forensic Science Laboratory-ah hiem Deputy Director hovin expert 12 an awm a, heng zinga 6-te tih loh chu Unit danga sawn anni. Tunah hian Division 4 hawn a ni a, hengte hi a division-te chu anni - Chemistry, Document, Balistic and Tool Marks leh Finger Print-te an ni. Tunah hian division dang kan la mamawh tak chu DNA, Serology, Biology, Lie-Detector leh Toxicology Division te an ni a. Chutiang ang chuan tunah hian mithiamte kan zawng zel, kan bengvar ve tawh khawp a ni. Tin, Khatla-ah sawn Forensic Science Building tur hi sak mek a ni. Pu Speaker, Department set-up hi tupawh Joint Director nise han tih kha midangin an rawn luah tur kha a ni silova. An recruitment Rule anga function te pawh a ngaih avangin a hmanhmawh theih loh a ni ber e. A tul angin zirchian zel a ni ang.

Tin, MPRO hi Police ah hian kan W/T pute an ni a, biakhlatna enkawl tute an ni a. Tunah hian kan modernization scheme atang bawk hian equipment chi hrang hrang te kan han provide ve a. Chutiang chuan Station 81 ah (Station kan tih chuan duty-na a ni mai ang chun Mizoramah an duty a. Equipment chi hrang hrang hi 1175 zet tunah hian kan han nei ve tawh a. Tichuan, Chhattisgarh ah pawh hian Operator 35 an kal a, wireless set pawh 114 kan kentir a ni, kan phuisui sawt viau a. Khatiang khanin helaiah pawh theihtawp kan chhuah a ni a. Nichina kan ngaihthlak tak ang khanin POLNET Government of India pawhin POLNET Project an nei a. District pali Saiha, Lunglei.

Aizawl, Kolasib ah te Station bun tawh an ni a. Hei hi hmang tangkai tur chuan Police Station 31 ah inbiak pawhna telephone dialing facility hmangin bun mek an ni a. Tiang chuan a puitlir hunah chuan India rama Police Station zawng zawng hi kan inbe pawp thei dawn lo a ni. Chu chu Durtlang pawh kha a ni a. Kha kha a kalphung chu a ni a. Tunah hian MPRO Organisation a pawh hi anmahni service atangin S.P. in a ho a, tunhma kha chuan kan S.P. ten an ho thin a, tunah chuan anmahni service ngei atangin MPRO hi a hotu kan nei ta a ni.

Tin, a dawt lehah chuan Pu Speaker, Fire Service hi a pawimawhna kan hre dawn chauh a. Nikumah khan kawng kan nei deuh hlek a. Aizawl ah kangthelh motor pawh kan mamawh dan kha kan hotute pawhin an chhut tam chho ve tial tial a, tunah pawh hian Fire Tender 6 Water Foozer pahnih Mini-fire pahnih lei turin proposal bawhzui lai mek a ni a. Tin, Fire Station pawh hi tunah hian Lawngtlai ah te, Tlabungah te, Kolasib, Serchhip, Saiha, Lunglei, Aizawl ah te kan nei a, a dangah hian Champhai ah te, Khawzawlah te, Hnahthialah te khung Vairengte khu sak sa kan nei a, a man-power kan indaiah lo deuh hlek a, kan la in post thei lo deuh a, hei pawh hi tih phuisui zel kan tum a ni a. Chu chu Fire Department lampangah chuan kan sawi chin ni mai sela a tha awm e.

Tichuan Pu Speaker, kan Police te
(PU R. LALZIRLIANA : Rail Warrant kha nichin khan kan zawt che a, kan Police te hi kan duhsak lutuk em ni ? Sipai ang deuh hian State danga kalte kha an nei ve thei em ? Min chhang lo tlatin ka hria). Pu Speaker, ka chhang a, tunah hian Rail Warrant pek danphung a lo awm ve a. Kan zuk kal pawh khan chhattisgarh Home Minister leh DGP te nen kan sawi a. chutiang ang chuan anni pawhin hei lo chu tihsa ah lo ngai rawh u tiin ngaihtha tak khan kan haw a. Mahse, an han process tak tak khan dan leh dun te te kha a lo awm ve a. Thingtlanga an duty-na Out-post ah khan chhattisgarh Police te nen in thenawma awm zel kha an ni ta a. Khatianga thawklang kha an ni a. A Warrant form kha out post ah chuan a lo tam lova. Chuvang chuan engemaw a tihdanphung tur kha ngaihtuah mek a ni a. Hei chu kan nei thei turah kan rgai a ni.

PU H. ROHLUNA

: Pu Speaker Fire Service khan a kalsan hima lawkin Aizawl khawpui chhung - ah hian emergency Water Supply Point

kha Budget Session himasa khan kan sawi tawh a. Kha kha tih puitlin a ni ta em ? Aizawl hmun hrang hrangah Fire Service emergency a an hman tur hmun 15 vel lai identified tawh a ni tih kha Budget Session himasa khan sawilan a ni a.

**PU TAWNLLUIÀ
MINISTER**

: Pu Speaker, a dik e. Hmun 15 lai identified tawh a ni a. Fire Service khan khata sum leh pai hman tur kha pek tur a ni a. P.H.E lam khan anmahni in an ti thei bik silova. Mahse, kumin kumtharah hi chuanin kan rilru-ah a lian khawp e. Kan lo en dawn nia.

Kan Police-te kan ngaihthlak tawh ang khan All India level-ah heng case detection-ahte pawh No. 1 kan ni tih ngau khawpin kan record a tha a. Thil sual, case lian tham han chhuichhuahna-ah record kan siam a, a lawmawm kan ti a. All India level-ah 80% chhuichhuah anih lai khan Mizoram-ah chuan 85.73% detection tih hlawhtlin a ni a, a lawmawm kan ti a. Tin, kan hriat ang khan tun kumhnih khat chhungah hi chuan crime hi a tla hniam chak em em a. Tunah hian 18.82% in nikum leh kumin-ah hi chuan crime hi a tlahniam ani. Hei hi a lawmawm kan ti a. Heng zawng hi kan NGO, tlawnmgai pawl-te leh kan VDF i ti mai ang, hetia khawtlanga volunteer-te nena thawh hona tha tak kan neih theih reng vang a niin kan hria a, lawmawm kan ti em em a ni.

Tin, chutiang ang chuan, heng ruihhlo dona chungchangah leh thil dang - ahte pawh kan Social Organisation (NGO) nen hian inpawh tha takin hna kan thawk tlang a, chu chuan kan Police-te hnathawhnaah hmasawnna tam tak min thlen a, a lawmawm kan ti a ni. Tin, hei tunah hian kan ngaihthlak tawh ang khan kan Sorkar hnu-ah hianin MAIDA leh HRF-te pawh kha an silai-te tungin an lo hawng a. BNLF te pawh an silai-te tungin an lo hawng a. BLFM te pawh an lo hawng a. Khatiang ang khanin kan Sorkar-ah kan Chief Minister in rilru zau tak pu-in, lungawilo deuh an awm pawha dawhthei taka han siamrem dan a ngaihtuah avang-te, lo kir-te welcome a, hetianga an movement-te bansen tura a hmalakna kawngah hian kan hlawhtling tha ve em em-in kan hria a. Hei hi lawmawm kan ti em em a ni.

Tin, chulovah chuan, hei tuna Chhattisgarh-a kan Battalion kalte hi kan worry ber pakhat chu tunlai tak hi chuan malaria hluar lutuk khu a ni a, anmahni chang ni lovin khawtual pawh khuan an vei tho mai a, hei hi kan Health Minister pawh ka sawipuia, kan Session zawh veleb engiinngeni helai atang pawh hian khuta Chhattisgarh Sorkar khu kan puih theih ang kan ti a. Khulam pawn tan an la tho a. Mahse, Chhattisgarh Sorkar pawh dik tak chuan, kum 4, 5 emaw chauh State an la ni ve a, an State Capital pawh District Capital kha an tuaihnum ve ani mai a, thil tam takah khuan Government-ah an set-up khu a la puitling lutuk bik lova. Engemaw chenah finchhuahne an ngai ve a, chuvang chuan, kan I.R Battalion khulaia awmte khu kan ngaihtuahna ber pakhat chu

khalam kha a ni. Anmahni duty-ah chuan an ti tha em em a, Pathian zarah Ral kuta thi em la awm lovin, tiang hian kan awm thei a, a lawm pawh kan lawin a. Kan sawi ang khan an allowance leh anmahni facility hrang hrang pawh tunah hian kan siam chho mek zel a ni a.

Tin, eng chen nge an awm dawn tihte pawh kha zawh ani a. Tunah chuan decision kan siam tawh a, India Sorkar hian I.R Battalion-te chu khawiah pawh an deploy tur ani lawi si a, kan hnial thei si lova, chuvangin, Mizoram atangin I.R Battalion hi deploy reng tur kan nih dawn chuan khutah chuan hetia awm ngai reng hi awm lovin, kan inban let ang kan ti a. Kum 2 dan zelah kan inban let dawn a ni. Tin, tunah khu chuanin, chhuti pawhin an rawn inban let chho ve zel tawh dawn a ni a. Khatiang khan kan lo en ve mek a ni e.

Tin, hei kan Police-te nachinah khan kan sawi a, kan insure chung chang hi hmanah pawh khan kan sawi tawh a. Pu Speaker, tunah hian L.I.C -ah thlatin Rs.105/- insurance atan an dah ta a. Tichuan, 35% deposit leh a pung 8% kha chu compound Interest neih tur a ni a. Anni tan pawh nakim zelah a hlawk viau dawnin kan hria a. Khami kha kan remruatna thar deuh mai pakhat a ni ve e, tih a kha ka'n han sawi nise langin.

Tin, Police Modernization-ah hianin helai atanga han nawr chiam a, han nawr chhuah hleih theih pawh a ni lova. Norms an nei a, chutiang anga kan hmuh tawh chu vehicle hi a kind-in (a vehicle tak takin) 404 min rawn pe tawh a, tun kan Sorkar hnuah hian. Tin, a sumia leina tur min pek atangin vehicle pawh hi 63 zet kha min lei sak tawh a. Modernization atang hian Police a kan motor hlui te hi kan phase out zel a, kan lit fore ve lai tak pawh niin kan hria a, kan lawm khawp a ni. Tin, Modernization atang hian nichina kan sawi ang khan W.T equipment pawh Item tam tak min lei sak tawh a. Nuai za dawn lai W.T-ah pawh hian min tanpuina kan hmu tawh a. Tin, silai hi different type ti mai ang, 2350 zet kan lei tawh a, tunah hian a dang lei leh turin kan ruahman lei mek bawk a ni.

Tin, Building leh Quarter hi 135 zet Nuai sangkhat zathum sawmriat (1380 lakhs) tunah hian kan sa zo tawh a. Tin, Police Building leh Quarter-ah hian keimahni Plan Fund pawh kum tin hian Nuai zathum dawn lai hi chu kan han nei ve ziah a. Chutiang ang chuan tunah hian Police quarter pawh hi Plan atang hian 380 zet kan sa a, khatia han tih khan 500 zet zawl a hi Police quarter pawh hi tun kum 3, 4 chhung hian kan sa thar ve a.

Tin, Pu Speaker, kan han sawi chak ve em em mai pakhat chu kan Police S.P quarter tur-te, District S.P Office turte, kan Battalion Commandant Office turte, anmahni quarter bik turte hi heng modernization atangte leh kan Plan atangte hian tunah hian kan sa chho mawlh mawlh a. P.W.D. hian tunah hian an tender a, tiang ang khan tunah hian la sak zawh loh pawh awm mahse langin, kan sa zo thawthangah kan in ngai a, hei hian min ti hlim em em bawk a ni.

Tin, a dawt lehah chuan Pu Speaker. Thenzawla kan P.T.C hmun thar tur saw kan tuai hnum zel a, tunah hian 3rd I.R. lak tur pawh hi sawtah sawn training se kan ti a. Tah sawn quarter / building hrang hrang sawmthum (30) zet zaws chu kan sa zo ve tawh a ni. Chuan Puan In (tent) pawh kan kaih belh mai anga kan ti a, tiang khan kan inruahman mek a ni. Chu chu sawlai P.T.C. chungchangah chuan kan tarlan nise langin.

Tin, nichianah khan Pu Speaker. Police Reform kha kan sawi a, hei hi thil thar deuh mai a ni a, a pawimawh si a, chuvang chuan kan sawi lang leh hram ang a. Kan Police Reform hi ngai pawimawh a. India ramah hian tunhma British hun laia Police Act kha hman a ni a, chu chu siam that an rawt a, draft an siam a, State-ahte pawh an rawn thawn a. Khatiang ang khan kan State pawhin chu chu kan lo thlir ve mek a. Chumi hma chuan Supreme Court hian eng eng emaw a ngaih pawimawh zualte hi implement turin ram pumpuiah State-ah hian tiang hian lo ti rawh u a ti a. Chutiang chuan State Security Commission din tur a ti a. Chawhma khan ka sawi tawh a, Home Minister Chairman-na hnuiah tiang khan siam a ni a. Vawikhat pawh that a ni tawh a.

Tin, Selection of Minimum Tenure of DGP, hei chu DGP a an that chuan kum 2 tal chu thu rawh se tih ang deuh kha a ni a. Kha kha chu anmahni thuneihna lam a ni mah mah a. Keini pawhin kan duhthusam chu a ni a. Tin, Minimum Tenure of IG of Police and other Officers tih a ni a. Tiang deuh bawk khan IGP leh Officers dangte pawh kha a tlem berah Office pakhatah kum chuti zat chu an awm tur a ni tih ang khan bituk nise tihte. Tin, Separation of Investigation from Law and Order tih kha investigation Unit ti mai ang kan hriathiam zawngin, hei hi a hrarpa hlakin awm mai rawh se, duty dang to lovin, investigation thawk kha chu tah khan awm tluan chhuak mai rawh se an ti a. Hei hi chu kan han ngaihtuahin chutiang tak chuan kan ngai ve rih emaw chu awi kan ti a. Tin, Police Establishment Board an ti a. Chu Police Establishment Board chu tunah hian kan siam tawh a. DGP Chairman-na hnuiah siam a ni a. Anni chuan Police transfer and posting kha an ti dawn a. Sorkar pawhin khata tanga recommendation lo awm chu chhan tha tak avang lo chuan an tidanglam lovang tih ang ten ziak a ni a. Chuvangin, transfer and posting-ah pawh nichina kan sawi tawh

ang khan Board-in a ngaihtuahna atanga he Police Establishment Board hi lo kal ni awm tak a ni a Tin, Police Complaint Authority an ti a. Hei hi State Capital leh District-ah tih tura tih a ni a. District-ah hian retired High Court Judge Chairman tur a ni a. State-ah hian Supreme Court / High Court Judge tih a ni a. Khang kha keini chuan kan tlin love kan ti a. Khatiang khan chawhmaa ka sawi tawh ang khan Suprene Court-ah hian Affidavit kan zuk file tawh a. A tam zawk hi chu kan comply ve-in kan hria a. Chu chu tunah hian kan dinhmun a ni.

Tin, chutiang chuan khami zawnmah khan nichina kan sawi ang khan keimahni Police Organization tuna kan Police Battalion hrang hrangte District Police zawng zawng kan DEF-te hi kan authorized strength hi a inang lova. District-ah pawh hian, a te leh a lian phei chu a inang vek thei lo. Mahse, uniformity deuh hlek hi awm sela. Tin, Battalion-te chu a strength inang vek sela kan ti a. Tunah hian Battalion-ahte hian rank tinah hian a strength a inang lo thluah mai a, a buaithlak e kan ti a. Chutiang ang chuan engmah post create belh si lo khan a Sem zai, a hrut rual dan kha proposal tunah hian PHO atangin Home-ah a rawn lut mek a. Kan en lai a ni a. Chung chuan kan Police Organisation kha thui tak min tiphusuiin min ti changtlung thei ang. Administration pawh chu chuan min ken chak tir thei deuh ang a tih kan beiseina a ni e.

Tin, a tawp bera ka sawi duh chu Pu Speaker, kan Police-te khatiang tak khan hmasawnna kawng hrang hrangin Sorkarin theihtawp chhuahin a thuam that zel avang hian kan Police-te moral hi a tha hle-in kan hria a, lawmawm kan tiin an phur tlang hle a, Officer-te pawh hian nuam an ti a. Khatiang khan kan Police-te hmasawn zelna tur hian keimahni pawhin thurawnte kan inpek zel chuan kan hriat tawh ang khan India rama Police tha ber kan nih theih lohna tur hi a awm lo a, a tha ber tih kan han sawi kkhan chapo lamte pawh kan ang palh ang e tih vang mai a ni. Kan Police-te hi chhuanawm tak an ni a, an fel hle a. Tunah hian anmahni hnathawhna taimak leh thahnemngaihna avangin Mizoram pawh ralmuangin kan awm a. Tunah hian thinthiin kan mu a. Khawimaw laiah chuan engemaw neuh neuhte chu a lo awm ve thei e, mahse. hmundang atanga min lo en a, min lo thlirnaah India Today-ahte pawh kan chhiar tawh kha, khatiang kha kawng hrang hrangah Law & Order mai bakah pawh kan dinhmun a ni a.

Tin, tunhnai March 13th-a Home Ministry -ina Assam, Nagaland-te leh North East State hrang hrang-te dinhmun an tehna nichinah khan an rawn sawilang tawh a, hei hi Internet-ah an thuchhuah a ni a. Home Ministry in. Mizoram bikah chuan, "Mizoram has once again taken the trophy for being the most peaceful State in the region with a total of violence

incidence last year and no records of any civilian killing. Mizoram was given a peace bonus by the previous NDA regime for containing with its commendable record a ti a. Kan ram chu a ralmuangin, hmasawnna pawh a kal tha hle a, kan lawm em em a. Tin, insurgency group hrang hrang, State thenawm amite engemaw ti a helaia mipui min tibuai tur ang chi nasa takin Sorkarin a vengin thapui a thawh a. Lehlamah chuan kan C.M pawhin remna atan a remchanna laiah chuan Central Sorkar-te nen pawh inre pawhin hma a la a ni tih pawh kan hria a. Heng hi engemaw kawng zawng takin thil tam tak hi kan endan tur kha a awm ve tih pawh kan hrethiam vek a ni. Chuvangin, Mizoram hi peaceful State a ni e tih hi vawiinah hian Pathian zarah sawi hrawmla niin kan hria a. Chumi chu vawng him zel tur pawhin tan la ta ila a tha-in ka ring a. Kan Hmar unaute chungchang pawh hi tunah hian engtinngi ni an karah remthu kan sawi thei ang em tih pawh rawtna chi hrang hrangte kan C.M in kawng a zawng a. Chutiang chuan lo bawhzui rawh a ti a. Kan bawhzui a. Khangte pawh kha nakinah kawng mumal deuh zawk pawh kan nei ang tih pawh kan beisei a ni e.

PU LALHMINGTHANGA

: Kan Finance Position-te pawh improve ta deuh si a. Police kha khati taka tangkai kha an ni a. An ration money tihte leh. Rifle

Allowance tih khangkha a increase thei lawm ni? tih lai kha va thuam ve ila a tha lawm ni? anmahni lam hi 350/- hi a tlem si a. Assam Rifle-in 750/- te an lak lain local price table-in a chho thei ve lawm ni Kit Allowance-te leh Rifle allowance-te pawh.

**PU TAWNLUIA
MINISTER**

: A tih dan kawng kan lo ngaihtuah a. keini pawhin kan sawi zing khawp mai. Rifle allowance tak phei chu sawi a hrehawm tawh khawp a.

Mahse, a la click chiahlo na-in PHQ atang pawhin rawtna kal vek tawh. consideration stage a awm a ni a. Kan ngaih pawimawhna kha hria-in Sorkarin theihtawp chhuahin khalam kha a lo enzui dawn nia.

Tichuan, Pu Speaker, ka Demand No.13 - Personnel & Administrative Reforms Rs.1,26,50,000/- Demand No. 16 - Home (excluding Jail) Rs. 144,83,35,000/-, Demand No. 25 - Water Supply & Sanitation Rs.65,80,25,000/- A vain Rs.215,90,10,000/- te hi he House hian min pass sak turin ka ngen e.

SPEAKER : Awle, Minister zahawm tak Pu Tawnluia'n a Demand kan sawihonate rawn hrualmumin pass a rawn dil a. Heng Demand No. 13, 16 leh 25, a vaiin Rs. 215,90,10,000/- te hi pass remti apiangin remti ti rawh ule. Rem tilo kan awm em ? kan awm chuan remtilo ti rawh ule.

Awle, Minister zahawm tak Pu Tawnluia Demand No. 13 – DP & AR Rs. 1,26,50,000/-, No. 16 – Home (excluding Jails) Rs. 144,83,35,000/- leh No. 25 – Water Supply & Sanitation Rs. 69,80,25,000/- a vaiin Rs. 215,90,10,000/- hi House-in lungruaL takin a pass a ni. Tikhan vawiina hnathawh tur ruahman lawk chu kan zo ta a. Kan chawl rih ang a. Naktuk March 27th zing dar 10:30-ah kan thukhawm leh dawn nia.

Sitting adjourned 7:37 P.M.

.....746/-